




BIBLIOTECA NAZ.  
Vittorio Emanuele III

XX-J


E

66

NAPOLI



XXI. L. 66-0-1



D. JULII FRID. MALBLANC

JURIS PROFESSORIS ORDINARII

ALTORFINI

# DOCTRINA

DE

## JURE JURANDO,

E

GENUINIS LEGUM NATURALIUM,  
CIVILIUM, CANONICARUM ET  
DIVERSARUM GENTIUM ANTIQVI-  
TATIS FONTIBUS ILLUSTRATA.

*Editio altera, aliena manu castigatior.*

TOMUS PRIMUS



EBRODUNI IN HELVETIA.

M. DCC. LXXXV.

THE UNIVERSITY OF CHICAGO

THE LIBRARY OF THE UNIVERSITY OF CHICAGO

1712 10

10 CHICAGO

10 CHICAGO

10 CHICAGO


10 CHICAGO


10 CHICAGO

10 CHICAGO

10 CHICAGO

10 CHICAGO





## PRÆFATIO.

QUEM nunc ventis permitto, & oram solventem sospitem precor, libellum de jurejurando, ei quidem ampla præfatione perquam optassem, eorum gratiam conciliare, qui, cum ingentem scriptorum in ea doctrina versatorum numerum noverint, qualecunque forsan eorum augmentum pro temerario & superfluo ingenii lusu reputabunt. Sed ipsius opusculi, quod, ut fieri solet, latius se aperiente materia, sub manibus ultra voluntatem excrevit, amplitudo, ne fastosa nimis fieret, omnem prohibuit præfaminis garulitatem. Igitur vel tribus tantum verbis mihi licet, hæc lucubrationes bene-

volo lectori commendare. Nempe ea ipsa, quæ ab initio difficiliorem deprecationis veniam mihi portendebat, ratione, magis adhuc accensus sum, ut ea, quæ nunc in publicum edo, componerem, quoniam scilicet in hac doctrina ipsa auctorum copia adolescentes sapissime turbari & inopia fruendi maxime laborare mihi videbantur. Sunt enim & inter nostros Jureconsulti quidam reperti philosophi, qui platoniam rempublicam optima mente circumferentes, sed a rebus gerendis nonnunquam nimis remoti, a justo Divini Numinis metu ad superstitionem usque & ejus sectæ sollicitudinem aberrarunt, quæ nullum fere jurisjurandi usum tolerandum esse statuit, Alii, siccis legum quarundam peregrinarum argumentis scrupulosius inhærentes, quæcunque ibi tradita invenerunt, pro



## P R Æ F A T I O. v

ſis ad extremum uſque halitum pugnare ſolent, parum curantes inſigne diſcrimen, quod ab aliis jurisprudentiæ capitibus doctrinam de jurejurando diſtinguit; quæ cum olim varias ſemper religionum conditiones ac viciffitudines ſecuta eſt, neque inter omnes homines eadem eſſe potuit, hodie tamen rationi excultæ & puriori religioni omnino accommodari debet. Deinde quæcunque de ea juris doctrina hætenus compoſita ſunt, aut voluminibus, mole ſua lectorem fatigantibus, comprehenduntur, & remotis plerumque purioris philoſophiæ ac interpretationis auxiliis ineptas canonum traditiones ſpirant, ut bona mixta malis non niſi cum maximo temporis diſpendio ſcernantur; aut diſſertationibus academiſ absolvuntur, quibus ſingula tantum momenta carptim ac minutatim tractata

---

invenies. Denique animadverti, se heic quoque studium sine ratione scidisse, atque inertia factum esse, ut artes & species jurisjurandi plures esse viderentur, quæ copulari magis, quam sejungi debuissent. Ergo tentavi, præcipua hujus doctrinæ capita in ordinem magis concinnum digerere, qui a nimia prolixitate, auctoritatumque captatione æque se contineret, quam a forma nimis compendiaria & sterili. Methodum autem eam eligendam esse putavi, ut observationes quasdam generales, quibus via sequentibus monstretur, præmitterem, a ratione deductas, deinde ad ipsos legum fontes, explicandos descenderem. Adjuvit quam maxime tale studium penitior religionum indagatio ab aliis fere prætermissa. Semper autem jurisjurandi forma & usus ad reliquos cognitionis & reli-

gionis gradus sese applicarunt. Hinc secundum easdem religionum periodos & mutationes legum a diversis hominibus, variisque temporibus latarum doctrinam, ejusque fata, naturali ordine secui, ad antiquorum hominum opiniones & religionum mensuras, ut interpretem decet, me submisi, auctorum veterum & classicorum tradita præcipua cum legum argumentis conjunxi, atque varias jurisjurandi species & applicationes nullo alio faciliiori modo, quam quidem eo auxilio intelligi posse, expertus sum. Omnia vero, quamvis historico magis quam doctrinali scribendi genere exposita videantur, minime solius delectationis causa sed potius eum in finem suscepi, ut de usu hodierno earum legum regulas certiores cuivis capiti subjungere, & quid Jureconsultus, puriori religioni addictus,

viiij     *P R Æ F A T I O.*

salva conscientia ex illis applicare, quidve omittere debeat, instituta diversarum, quas olim de jurejurando circumferebant, idearum comparatione, liberius definire potuerim. Id enim semper propositum mihi fuit, ut utilia cum jucundis copulentur. Ita quidem novo hæc doctrina procedit habitu. Quo vero jure quove gustu composita sit artis peritiores viderint.



**DOCTRINA**



# DOCTRINA DE JURE JURANDO.

---

## LIBER I.

*Rationalia quædam de Jurejurando.*

---

## CAPUT I.

*Primæ antiquorum hominum de jurejurando  
sententiæ, earumque delineatio.*

### §. I.

*Introitus.*

CUM ab initio homines ita fingeret  
DEUS OPTIMUS MAXIMUS, rerum omnium  
parens atque fabricator mundi, ut animi  
igniculus, ubi primum foras prodiret, præ-  
coci vehiculum suum non effringeret excur-

*Tome I.*

A

sione, sed, quoad convenit humanæ naturæ, suis limitibus iuste coarctatæ, a simplici rerum contemplatione passim ad varias illarum evolutiones & combinationes progredi, atque, veluti relictis eburneis litterarum formis perfectos ductus sequi incipimus, abiecta demum rudiori materia, de Auctore Universi magnificentius sentire & per varios itinerum flexus in eximie cognitionis pulchritudinem magnitudinemque succrescere ceperit, ut vites arboribus applicitæ, inferiores prius apprehendendo ramos, in cacumina evadunt; ita & pro varia & multiplici Deorum, quos sive recens antiquorum hominum phantasia arcessiverat, sive posterorum, ad antiquitatem notiones suas citius æquo collocantium, persuasio illis affinxit, visionē, indeque expressis diversarum religionum imaginibus, non potuit non variabilis admodum atque fluctuans de jurejurando sententiæ cæteras religionis, cultusque divini vicissitudines sequi. Suggestit autem Philosophia non solum rationis excultæ sed & imprimis revelata, de DEO O. M.

---

(1) Qui varias Philosophorum, Theologorum atque jurisconsultorum de usu iurisiurandi sententias & opiniones cognoscere cupit, adeat præter Grotium, Puffendorffium, Achenwallum, Gerhardi *loc. theolog. edit. nov. T. V. loc. 10. la Placette du serment à la Haye 1713. Joh. Frid. Stapffers Unterricht vom Eyd, Zürich 1758. Wake vom Eyd, Braunschweig 1768. ven. Less Christliche Moral P. II. §. 159. propiori vero ad jurispruden-*

tanquam unico & vero universi conditore & moderatore, atque simul de legitimo iurijurandi usu doctrinas puriores & cautiores, quas, utinam non meris tantummodo philosophiæ moralis præceptis, ad docendum comparatis, includeremus, sed & foras ad communem hominum utilitatem transferremus, indeque legum variarum, sub diverso religionum cultu latarum, argumenta, nobis quotidie obvia, haud raro invicem pugnantia, ad digniorem, qualem summa, quam summo Numini debemus, reverentia, exigit usum, eoque sincerum Dei cultum promovendum flecteremus, & conciliaremus (1).

## §. II.

*Jurijurandi eadem, ac religionum origo, ejusque vis in miraculoso Deorum influxu posita, quam alma antiquorum hominum fides sustinuit.*

Nempe cum ita comparata esset recens atque sensualis antiquorum hominum cognitio, ut, quod nuper elegantius docuit vir

---

tiam respectu: Leyser. *sp.* 134. *sq.* Joh. Wilh. Goebel. *de origine usu & abusu jur.* Helmst. 1738. Georg. Henr. Ayser. *de Abusu juramentorum e. republica proscribendo*, Göttingæ 1741. F. W. Oesfeld *über die Eydeseleistungen*, Berlin 1779. Vermischte Abhandlungen über Gegenstände der Gesetzgebung und Rechtsgelehrsamkeit. 1. St. Leipzig. 1779.

Illustris Heynius (1), quoties aliquid evenit, quod terrorem ac metum injiceret aut mirationem moveret, (in vita autem illa, omnium rerum rudi & ignara, multa animum percutere & sensus perstringere aliter, quam in hominibus, ad humanitatis cultum institutis, fieri solet, reputandum est) hoc illi suspicerent, venerarentur, adorarent. Itaque animi sensim sensimque persuasione roboris, virium, celeritatis, efficacæ imbuti, fulminibus, ventis, mari, & sic porro, naturas, quæ ea moveant, inesse statuerent. Et ex his sensus aliquando religiosus enasceretur, ab iis præcipue, quæ terrent, minantur, nocent, & enecant, procedens, ideoque & Numen haberetur iracundum, morosum, truculentum, vindictæ cupidum, ob levem interdum culpam vel errorem ad calamitates ac misérias publice privatimque infligendas præceps, idem muneribus ac votis facile exorari se patiens. Deinde, ut equidem puto, ex iisdem rationibus alia etiam objecta, ut e. g. arma, aliave instrumenta, quibus insigne quondam facinus editum constabat, uno verbo, quævis ad charitatem vel metum incutiendum apta, mirationem, stuporem, eoque sanctitatem quandam, cui miraculosa vis tributa, producerent, quæ deinde a posteris, suas

---

(1) Illustr. Heynius in *Comment. I. vita antiquissimorum hominum*, Gracia maxime, ex ferorum & barbarorum populorum comparatione illustrata. Goettingæ 1779.



religionum notiones ad primam antiquitatem plerumque transferentibus, indistincte fere Deorum Dearumve elogiis mactata inveniuntur; ita non potuit non contingere, ut, cum affectus, vehementiorque animi motus imaginationem accenderet, vel negotium gravius suscipere, veritatem sibi invicem contestari, mutuum amorem, mutuamve fidem spondere, vel & odium obfirmare vellent, interdum, sponte ad religionem animo infixam, quasi ad aram, vel symbolum, quod sensationi vehementiori sese associaverat, confugerent, ubi tamen, qui e hujusmodi demum ritibus religiosi fidem dictorum factorumque unice derivatam fuisse inter homines, nullo adhuc simulationis studio corruptos, putaret, eum valde errare, existimandum est; cum, quod facile animadvertitur, innatus veritatis sensus religionem sponte secutam non coactam secum traxit, & vir jurijurando, non jusjurandum viro fidem conciliavit, ut ita non sit, cur obstupeamus, veterum sanctissimam atque inviolabilem jurisjurandi religionem, a poetis mire decantatam, intuentes, quoniam, qui simplici sentiendi agendique rationi inter homines, fraudis ignaros, debetur veritatis affectus ingrate variorum Deorum religionumque animo fluctuantium invocatio- ni tribuitur, ut potius mera sæpe verba jurisjurandi vi apud veteres induta conspicias, quod voluit *Numa*, qui simplici fidei divinos honores exhibendos, immo aras atque templa exstruenda putavit.

## §. III.

*Præcipue vero jurejurando 1°. auspiciorum & 2°. Judicii divini instar utebantur.*

Accessit autem, ut, quum istas res, seu, si mavis, Deos Deasve miraculis secretoque influxu qualvis hominum actiones, eorumque fata flectere, dirigere, piis immediatum in rebus humanis gerendis auxilium præbere, in impios vero dirissimas infortuniorum physicorum strages immittere putarent, 1°. negotia atque munera publica alicujus momenti non nisi cum auspiciis, sacrificiis, cæterisque ritibus, eum in finem adhibitis, quibus Deos non solum propitios & quibuscunque votis annuentes effici, sed & ad magistratus destinatos, quasi immediata Deorum vocatione electos, & e vulgari hominum cœtu exemptos, ab aliorum injuriis & invidia securos reddi, credidere, susciperent, eoque speciali Deorum tutelæ sese committerent, quales auspiciorum & inaugurationum ritus innumeris illis juramentorum publicorum & officialium speciebus, quamvis in diversum plane finem tractis, sequenti tempore occasionem dedisse videntur, deinde 2°. coortis diffidiis litibusque, pacto ad eosdem Deos tanquam judices, qui præsentaneo miraculi seu vindictæ signo causas dirimant, ejusque, qui communes justitiæ regulas violasset, caput plectant, provocarent atque compromitterent homines rudes, omnium fere judiciorum, legum, testium,

probabilitatis vinculorum ignari & impatientes, divinationibus vero, auguriis, hario-  
lationum superstitionibus, aliisque miracu-  
losis probandi modis unice confidentes, quæ  
diversæ imaginationis humanæ excursions  
sub variis quidem occurrunt nominibus, re  
ipsa vero ad eundem tendunt finem. In eo  
enim communem fere antiquorum hominum  
sensum animadvertisse mihi videor, quod  
primo vel forte divinum oraculum spirante;  
vel aliis experimentis physicis ad exploran-  
dam Deorum sententiam comparatis, quo-  
rum usus apud Germanos nostros insignis;  
& sub probationis vulgaris appellatione no-  
tus est, vel solemni Invocationum, verbis  
nuncupatarum apparatu, qui omnes fere mo-  
di nil nisi jurisjurandi indolem sapiunt, in  
causis controversis immediatum Deorum ju-  
dicium expetierint, deinde stabilitis quibus-  
dam societatis civilis regulis, ubi apud an-  
tiquos plerosque Pontificum potestatem in  
causis tam ad religionem quam statum civi-  
lem spectantibus maximam semper fuisse  
constat, sub illorum auctoritate iisdem sa-  
ceris atque oraculis magis magisque imbuti  
fuerint, denique ubi tandem mutato rerum  
statu variis judiciorum jugis formisque sese  
submitterent, pristinae tamen, qua sub im-  
mediato Deorum judicio frui putabant, li-  
bertatis & justitiæ tenacissimi, eadem prin-  
cipia, vel ad minimum eorum imagines in-  
ter ipsa judiciorum subsellia transposuerint.

## §. I V.

*Perversa jurisjurandi multiplicatio, pessundatis  
hominum moribus invec̃ta, illiusque abusus.*

Posteaquam vero auctis hominum coetibus commerciisque, simplex ille veritatis sensus, a recta via raro deflectens, variis passim verborum illecebris & blanditiis illiniri conterique, & falsum sæpius pro vero simulari cepit, deinde dominationum & lucri cupido crevit, & quasi omnium malorum materies fidem, probitatem, cæterasque bonas artes subvertit, denique homines non amplius, ut olim, nudis interdum assertis, & promissis stare, mutatis vicibus animadversum; tum causam malorum raro in proximo vestibulo occultam suspicantes & tamen ad majorum fidem atque religionem stupentes, quam olim boni mores præcipue gignebant, dictorum firmitatem, jurisjurandi adhibiti vinculo unice tribuebant. Inde ad quævis dicta, facta, promissa, ad quævis officia & munera, ad forum & subsellia, vel quicquid alias cogitaveris, applicarunt, tanquam universalem medicinam jurisjurandi religionem, indeque religiosarum asseverationum alias super alias coacervarunt, ad quas eo facilius provolare poterant, qui puriore veri Dei cognitione vacui, atque de vitæ immortalis ambitu parum solliciti erant, quibus ne illa quidem, quæ apud antiquos homines fidem obfirmare potuit, ratio, nempe præsentaneus divinæ iræ metus, fulminum

ictus, aliæve malorum physycorum repræsentationes, utpote quæ omnia sufficienti experientia destituebantur, scrupulum amplius injicere valebant, ut tandem jurisjurandi religio, sanctis olim celebrata carminibus, in satyram abiret:

*Hi sunt, qui trepidant, & ad omnia fulgura  
pallent,*

*Cum tonat: exanimis primo quoque murmure  
coeli,*

*Non quasi fortuitus, nec ventorum rabie, sed  
Iratius cadat in terras & judicet ignis.*

*Illa nihil nocuit, cura graviore timetur*

*Proxima tempestas: velut hoc dilata sereno (1).*

Itaque facile exinde perspicitur, quanta nobis, quibus puriorem dignioremque de Deo O. M. non modo sanæ rationis penitior indagatio obtulit, sed & sanctissima religionis revelatæ doctrina gremio imposuit, dignam omni cura cognitionem, opus sit circumspeditione, ne promiscue ex turbidis quibusdam legum receptarum fontibus hauriamus, eoque sincerum cultum Patri omnipotenti exhibendum profanemus, sed talia exinde deducamus argumenta, quæ habent aliquid decoris & non nudos, veluti carne spoliatos artus ostendunt.

---

(1) Juvenalis satyra XIII.

## CAPUT II.

*Regule quædam ad definiendum genuinum  
jurisjurandi usum necessariae.*

## §. V.

*Jusjurandum cum tota religionis indole artifi-  
sime coheret. Ergo legum interpretatio &  
applicatio illi accommodari debet.*

**SI** in ulla jurisprudentiæ parte juvat, ut penitiori legum interpretationi, quarum primariam semper rationem diversi sentiendi cogitandique modi, & quæ homines flectunt & circumagunt, temporum vicissitudines suggerunt, speculatione via monstretur, ut tamen prudentem & submittentem sese interpretem esse oporteat ad mensuras legislatorum gentiumque, sicut velocissimus quisque, si iter cum parvulo faciat, dat manum & gradum suum minuit, nec præcedit ultra, quam comes possit; tum maxime in doctrina de jurejurando necesse est, ex firmo quodam, quod sana ratio extruxit, castro prodire, & e variis receptarum legum argumentis, accuratiori instituta diversarum opinionum comparatione, quid ex illis alendum, quidve refecandum sit, circumspicere. Quippe hic neutiquam de definiendo testium ad ultimæ voluntatis solemnitatem adhibendorum numero, non de figendo præscriptionis tempore, neque de alia contractus actusve

humani forma agitur, quam si determinare debeas, in æquilibrio hærerēs, & vagum arbitrium forte regeres: Agitur potius de doctrina, cum totius religionis visceribus intime coalita, ut inde divelli non possit. Curatior enim naturæ rerumque contemplatio, quarum originem ac moderationem indubiis characteribus expressit religio christiana, digniorem altioreque de Conditorē & Moderatore Universi gignit cognitionem, animumque quasi demersum antea in terram, quo magis sensim sensimque erigitur, quoque liberius certiusque in vitam immortalem, futura bonorum malorumque fata conjiciens, prospicit, & ad æternitatem evolat, eo sanctiori & puriori quoque reverentia perfundit. Inde vero cautior jurisjurandi religio derivanda. Itaque præcepta quædam, ad puriorem veri Dei cultum accommodata, & ab essentialibus jurisjurandi desumpta, quamvis paucissimis comprehendere possint regulis, prætruenda sunt, ut eorum auxilio legum auctoritas valorque dimetiatur. Quandoquidem, si tam acri stylo in eos invecti sunt Nostrates, qui legum peregrinarum quædam capita indiscrete omnibus nostri populi hominibus obtrudere voluerunt, ubi tota reipublicæ origo & constitutio aliud plane suadeat, quis, quæso, non etiam tum manibus pedibusque obstreperet, ubi alia legum tam exterarum quam domesticarum, perversis religionis principiis & interpretationibus infectarum, capita cum intimis sanæ rationis purisque religionis sanctissimæ

præceptis pugnare, eoque conscientiæ foedissimas quotidie maculas inspergi, animadverterit?

### §. VI.

#### *Genuina jurisjurandi definitio atque vis.*

Igitur tenendum ante omnia, quicquid alii de jurejurando definiuerint, nos, dum juramus, eoque veritatem quandam contestari cupimus, provocare ad Supremum Numen divinum, tanquam omnis, quæ cogitari potest, veritatis criterium infallax & ubique præfens, quo secundum nifum humanæ naturæ ad intuitionem & exempla quærenda pronæ eo præcipue fine trahimur, ut animus, factò quodam externo excitatus, Dei omnipotentis, tanquam omnium cognitionum ac veritatum apicis invocatione, exhausta quasi anima, requiescat, deinde, cum actui huic religioso moralis simul insit vis, præcipue ex immortalis & summæ beatitudinis, dispendiive contemplatione ac metu derivanda, inde summa fides dictis factisque tribuatur. Nempe sola veritas Dei objectiva, quasi, illa adjuvante, veritas alia, de qua inter homines disceptatur, comparatione instituta, demonstrari velit, (quod vulgo invocationem Dei in testem vocant) apud eam hominum partem, quorum sensus ac intellectus non ita politi sunt, ut sola majestatis divinæ contemplatione atque cognitionis hujus pulchritudine ad veritatem ducantur, non sufficit, ut inde plenissima fides juriju-



rando concilietur, sed vis illa moralis, quæ divinæ naturæ inest, atque ad veritatem magnitudinemque illius objectivam simul accedit, & eorum, quæ ex temeraria Numinis usurpatione expectantur, malorum metus animum movent & angunt. Sicut enim ab initio inter homines rudiori adhuc religione tinctos malorum physicorum, ut e. g. fulminum metus primus fere religionem fecit, & ubi quoque ad alia objecta jurando confugerent, talia semper elegerunt, a quorum falsa invocatione interitum expectabant; ita etiam, quamvis puriori philosophiæ & experientiæ non omni ex parte convenient illæ opiniones, eradicari tamen non potuit plerorumque sensus, proemiorum poenarumve quantitati quosvis actionum modulos admetientium. Ast in locum servilis illius metus, ad præsentem tantum vitam adstricti, transit immortalis vitæ contemplatio, quæ eo majorem apud politiores anxietatem curamque parit, quo amplior est illius prospectus, oculis haud circumscribendus, eoque ad fidem jurisjurandi stabiliendam plus tribuere debet. Quo quidem illud minime innuere cupimus, quasi vir sapiens ista demum malorum contemplatione & expectatione regatur. In tali enim homine nec jurejurando opus, qui sola veritatis amore ac pulchritudine allicitur. Neque illud adserere in animo fuit, quasi in formula jurisjurandi præcise præter testimonium & vindicta divina conceptis verbis sit expetenda. Illud enim æque absurdum esset, quoniam quibuscun-

que verbis Numen, in quo vis moralis cum veritate objectiva individuo nexu cohæret, nec sejungi potest, invocaveris, eadem te maneat contemti illius vindicta, quæ a summo Ente unice definitur, & sive in positione malorum, sive eorum, quæ ad perfectionem animi statum ducunt, incremento- rum progressuumque negatione consistat, semper formidabilis est. Sed de eo unice, quid maxima hominum pars naturali quodam affectu sub jurejurando sibi repræsentet, quibusve animi motibus fiat, ut jurisjurandi vinculo veritatis revelationem se debere putet, loquor. *Ergo sola veri Dei invocatione, qua ille tanquam testis & vindex animo representatur, efficitur jurisjurandi vis atque religio.*

## §. VII.

*Iis Hominibus, qui cultum unici ac veri Dei tanquam commune religionis dogma profitentur, non nisi per eundem jurare licet. Agitur simul de aliarum obsecrationum effectu. De Menonistis. De Atheis. De Perjuris. De iis, qui peregrinis sacris adherent.*

Cum dijudicare velis, quomodo & per quæ jurandum sit, varias te inspicere oportet hominum conditiones. Nempe si homines extra societatem quandam civilem vitam degentes tibi fingis, vel etiam gens cum gente, quibus nulla est sacrorum atque religionum communio, collidit, tum facile intelligis, si quidem jurejurando ab altero

præstito tibi consultum fore, putas, tale a te exigendum esse, quale conscientiam alterius stringit. Ergo, qui ridiculus forsitan tibi videbitur religionis metus, in altero, cujus animus sacrorum istorum cultu imbutus est, firmissimum tibi erit fidei, veritatisque munimentum. Inde Deorum aliorumve objectorum, per quæ apud varias gentes, hominesque juramenta olim præstita sunt, & nunc præstantur, numerus fere infinitus, ut nil tam parvulum atque exiguum cogitare possis, cujus non unquam religioso metu aliqua mens trepidaverit. Parum diversus fuit hoc respectu illorum hominum status, qui quidem juxta societate civili invicem coaluerunt, sed simul plures, quas sibi sinxerunt Deos, Deasve sive publice sive privatim adoptarunt. Ibi enim juramenta quidem, Reipublicæ præstita, secundum formulam, externis sacris ritibusque cuivis negotio convenientibus accommodatam constructa inveniuntur. Ast in causis privatis neque aliæ jurisjurandi formulæ atque sacrorum, quibus cujusvis conscientia stringi, videbatur, reprobatae erant. Deficit enim in tali religionis statu atque Deorum numero solida & certa, absolutam jurisjurandi vim, formulamque definiendi, mensura. Sed longe diversam jurisjurandi rationem inter eos societatis civilis consortes iniri, necesse est, qui de veritate unici ac veri Dei tam rationali reflexione quam divina revelatione instructi, quod quidem ad illius existentiam & qualitates attinet, commune religionis

dogma acceperunt, & profitentur, quod, cum ad quævis officia boni civis munienda, plurimum valeat, atque cum toto reipublicæ systemate arctissime cohæreat, deinde communi consensu in firmissimum veritatis munimentum, quo tanquam ad aram, si veritas quædam ex animi sententia contestanda esset, confugiant, cuique unice summam fidem tribuant, adoptatum sit, sine offensione salutis publicæ nullo modo infringi potest, sed castissimo usu sanciri, decet. *Inde nobis, eundem religionis cultum profitentibus, non nisi per unicum ac verum Deum tam publice quam privatim jurandum esse, tam recta ratio, quam sacra littera satis innuunt.* Eumque in finem quævis verba clara, sive ipsum Dei nomen sive individuum illius qualitatem exprimentia, sufficiunt, quamvis omnis cavillationum occasio & obscuriorum invocationum usus evitandus sit. Inde simul sponte fluunt regulæ sequentes: 1°. Aliæ creaturarum objectorum rerumque naturalium e. g. nostræ aliorumve salutis invocationes, devotiones, obsecrationes, quoniam partim derisorix atque moralitati actionum adversæ sunt, partim vero illarum eventus a nostro nutu & arbitrio haud quaquam pendent, inter reprobatas atque illicitas jurisjurandi formulas numerandæ, & omni effectu destituuntur. 2°. Anabaptistas, Mennonistas, Herrenhutenses, uno verbo earum religionum affectas, qui quidem unicum ac verum Deum profitentur, sed horrore quodam perfuncti, ac singularis verecundiæ scrupulis capti, religioni

religioni sibi ducunt, in ullo casu jurare, cogendos non esse, communis est opinio, cui ego quoque assentio, quoniam illi ipsi reverentiæ singulari, quantumvis interdum superstitiosæ, majorem fere, quam ipsi jurejurando, vim inesse, censendum est. Sed de effectu jurisjurandi ab illis denegati difficilior est disputatio. Equidem, si litigans ipse jusjurandum tali homini detulit, vel judex ob extantio rem probabilitatis gradum causam ita instructam videt, ut jusjurandum illi offerre haud dubitaret, tum nudæ illius assertioni, loco jurisjurandi factæ, ab eoque re vera parum differenti, cæteris paribus, standum atque jurisjurandi præstiti vim tribuendam, idemque principium in causis similibus tamdiu observandum esse, putarem, quamdiu omnes talis societatis homines, provinciam inhabitantes, insigne veritatis studium famamque tam caste servant, ut ne ullum mendacii judicialis exemplum adversus illos allegari possit. Si posterius contingit, tum fide verborum nudorum ab uno fracta reliquorum simul fidem ac religionem frangere putandum est. Nec queri desuper possunt, cum, si antea tantum illorum verbis experimento indultum, diminuta posthac fide, propriæ sive culpæ sive superstitioni tribuere debent, si commodis ex jurejurando præstito solum redundantibus privantur (1).

---

(1) Hausi eam sententiam rationi convenientem ex Anglorum Constitutione, qua itidem sectæ nominatæ eo privilegio ac dispensatione a jurejurando,

Verum enim vero alia nuda & injurata talium hominum testimonia, quamvis cæteroquin inter gravia veritatis juridicæ indicia atque argumenta omnino referri debeant, tantamen valoris haud esse putarem, ut illis solis sententia condemnatoria contra tertium in causis gravioribus facile superstrui possit, quod priori sententiæ haud adversatur, quoniam ibi alia adhuc argumenta & insignem probabilitatis gradum ad assertionem illorum accedentem & perfectam probationem efficientem, supposui. 3°. Atheos, si etiam deserto veri Dei cultu tolerantia adhuc personali in republica fruuntur, a jurejurando tamen plane arcendos esse, facilis omnium est responsio. Quoniam vero si casus quidam huc spectans existit, qui de ea religionis desertione suspecti sunt, eam plerumque negant, tum difficilior quæstio in eo, quis sit Atheus, versatur. Equidem eos a jurejurando arcendos esse credo, qui, verbis signisque, sive scriptis, sive ore factove prolatis, aut totam veri & unici Dei existentiam, aut ad minimum eas, quæ circa jurisjurandi vim necessario supponendæ sunt, qualitates, quovis modo negasse, idonea probatione con-

---

simul vero & omnibus præstiti jurisjurandi effectibus tam diu gaudent, quam diu nullum extat mendacii judicialis, a quovis illorum commissi, exemplum, quod, quantam apud illos valent ad obfirmandum a primis infantiae incunabulis veritatis amorem, jam docuit *Illustris Eques Michaelis imwosaischen Recht Prof. ad p. VI.*

vinci possunt. 4°. Perjuri ad nullum amplius jusjurandum admittendi sunt. Denique 5°. ab illis, qui aliis adhærent sacris, sive peregrini sint, sive in societate, verum Deum colente, tolerantia personali fruuntur, in summo tantum necessitatis casu tale jusjurandum exigendum est, quod conscientiam illorum stringit.

## §. VIII.

*Antiquorum hominum opiniones de jurejurando cum principiis sanæ rationis & religionis ulterius comparantur, atque insignes quædam diversitatis rationes indagantur, ab aliis nondum explicatæ. I. generatim inde concluditur, cautissimum esse debere Jurisjurandi usum.*

Inveni momenta quædam, ab aliis nondum explicata, quibus rationis excultæ præcepta circa jurisjurandi usum maxime abhorere mihi videntur a vulgaribus antiquorum hominum religionibus, unde simul solida reddi potest ratio, cur apud nos jurisjurandi usus esse debeat cautissimus & quantum fieri potest, sit restringendus, deinde cur hodie a foro humano pœna in perjurium recte statuatur. Quod itaque ad prius attinet, quum ostendi, primorum hominum animos non ita argutulos fuisse, ut Deorum invocationibus demum fidem dictis atque promissis conciliare voluerint, sed id tantummodo illis in mente hæsisse, ut, quoniam quivis fere inopinati salutare sive naturæ eventus, præclara fortitudinis exempla, instrumentaque, qui-

bus utebantur, eorum animis mystica & miraculosa religionis principia ingesserant, nil nisi sub Deorum, variis sacrificiorum ritibus placatorum atque devinctorum auspiciis rite suscipi posse censuerint, eorumque miraculoso auxilio quosvis prosperos eventus tribuerint; dein, quos olim unice roboris innati atque probitatis vis progenuit effectus, postea, deficiente sæpius pristina causa, omnes fere a jurisjurandi vi expectasse, nescio quas occultas qualitates illi affingendo, unde maxime ingens ille atque irrationalis juramentorum officialium numerus propullulavit; porro homines, primas quasi vitæ civilis lineas ducentes, & œconomix civilis vincula cum recenti morum ferocia haudquaquam conciliantes, præter ordinem quandam militarem ad externam defensionem comparatum, intrus nullas fere leges admisisse, sed judiciorum subfelliis, testimoniorum aliarumque probationum obligationibus ad invidiam usque eodem gradu infensos fuisse, quo rudis intellectus a sanioribus regulis, probabilitati humanæ inveniendæ aptis remotus est, & omnia fere, casui, forti, immediatisque Deorum judiciis decidenda commisisse; adeoque id unicum maxume, quasi Dii temere invocati injurias sibi illatas nonnisi in vita præsentī malorum physicorum incussione vindicent & præsentanea vindicta jurisjurandi fidem tueantur, rudiori imaginationi persuasisse; ita non potuit non fieri, ut præter singulares effectus e jurejurando præstito derivatos, quorum in ulteriori legum explicatione ex-



fontibus suis quosdam indicabo; etiam sine curatiori obsectorum, personarum, casuumque distinctione, liberaliorem sæpe incautumque jurisjurandi usum admiserint, iis, quæ ab oraculo divino, pacto in arbitrium vocato, illiusque vindicta expectabant criteriis & indiciis sensualibus, eoque infallibilibus, quæ nulla contrarii probatione, nullave judicii cujusdam humani discussione infirmari possent, unice freti. Quæ quidem omnia primæ hominum simplicitati; imaginationi cæterisque cognitionis gradibus erant accommodata, atque tum, quandiu fides isti religioni stetit, suos haud infelices gignere poterant effectus. Verum enim vero diversa apud homines politiores, veri Dei religione imbutos, regnare debet de jurejurando philosophia, illiusque usus quam maxime cautus, quem non solum summa reverentia divino Numini debita, sed & sublimiores, in locum infirmatarum quodammodo pristinarum de vindicta Deorum præsentanea & miraculosa, positæ doctrinæ de moderatione universi & vita immortalis suggerunt. Igitur cum, quæ antiqui de immediato Deorum influxu, illorumque judiciis & oraculis sibi finxerunt, excultæ rationi atque nostris religionis principiis non omnimodo conveniunt, sed potius jusjurandum, quod de seria tantum illius, cui quidquam asserere incumbit, animi sententia testatur, non nisi extantior probabilitatis gradum gignit, ideoque omnes fere viri sapientes in eo convenere, non nisi deficientibus aliis veritatis

detegendæ vel obfirmandæ mediis illud in subsidium adhiberi debere; tum eandem doctrinam hominis excellentia dignam, cautiſſimumque jurisjurandi uſum inculcat omnis philoſophiæ veræ fons atque lumen *Jeſus Chriſtus* hominum ſervator (1), quem cæteroquin doctrina ſua minime omne juſjurandum ab hominum cœtu eliminare, ſed uſum illius ſolummodo omni temeritatis, levitatis, præjudiciorumque notis repurgare voluiſſe, conſtat. Quoniam igitur Numinis divini adeoque & jurisjurandi ſanctitas exigit, ut illud nunquam promiſcuo ſeu fruſtraneo uſu ad vagum hominum arbitrium trahatur, ſed in ultimum quaſi fidei conciliandæ ſubſidium tenacitate quadam ſervetur, exinde generalis ſequitur regula: *Cautiſſimum eſſe debere jurisjurandi uſum, & quoties aliud firmum veritatis cujuſdam vadimonium haberi poſſit, haudquaquam concedendum* (2).

---

(1) Matthæi c. 5. v. 33 - 37.

(2) Utinam ævi noſtri judices canonem hunc ſedulo meditarentur, & præ oculis jugiter haberent! eorum enim ignorantia evenit quotidie ut forum templum ſit perjurii. *Adnot. Editoris.*

## §. I X.

*Specialiores quædam conclusiones ex generali isto principio fluentes & quidem de personis ad jusjurandum inhâbilibus aliisque illius impedimentis, ob ætatis & cognitionis defectum, ob alia cognitionis impedimenta, ut ebrii, furiosi, mente capti, summo animi affectu turbati ob defectum liberæ voluntatis & consensus, quo jusjurandum etiam præstitum vitiat, error, dolus, metus, ob defectum organorum ad edenda sufficientia jurisjurandi signa incapacium.*

Derivantur autem e generali, quod antea extruxi, principio variæ cautelæ, circa jurisjurandi usum magna cum sollicitudine observandæ. Quo spectat *primo* tractatio de personis ad jusjurandum inhabilibus, aliisque illius impedimentis (1). Itaque arcentur a jurejurando, qui ob ætatis defectum, ea religionis cognitione nondum instructi sunt, quæ, si jusjurandum efficax præstetur, supponenda est. Sed deficiunt leges positivæ, spatium annorum absolutum, ab hominis indole & communibus intellectus incrementis fatis caute desumptum, definientes. Ergo omnia fere ad prudentis judicis arbitrium redeunt. Romani, ut infra docebo, certius

---

(1) Quorum pleraque Jus canonicum sub scholastico illo termino trium jurisjurandi comitum nempe *veritatis, justitiæ & judicii* comprehendit. Ernest. Henr. Bose *de tribus jurisjur. comitibus*, Lips. 1731.

nihil ea de re tradiderunt, sed quum præsertim in jurejurando litis decisorio omnia ad pacti, cujus notionem factamque ad jusjurandum applicationem, veteribus familiarum, jam aliquoties inculcavi, indolem, & paciscentium arbitrium referrent, nil interesse censuerunt, *cujus sexus & ætatis sit jurans, omni enim modo custodiri debere jusjurandum adversus eum, qui contentus eo, quum deferret, fuit, quamvis pupillus non videatur pejerare, quia sciens fallere non videatur* (1). Itaque inter homines vi pacti omnes effectus tali jurejurando tribuerunt, quamvis in Deorum foro nullam fore illius vim, neque secuturam vindictam divinam putarent. Canones absurdo imitationis studio miram sapientiam spirare voluerunt, cum hancce juris lacunam supplerent, atque consuetum illud pubertatis tempus XIV. annorum administrandarum rerum, & ineundorum contractuum habilitati jure romano præfixum, speciatim ad jurisjurandi præstandi capacitatem transferrent (2). Germani eandem fere philosophiam sapiebant, dum jurandi facultatem a tempore pubertatis æstimarunt, quamvis in eo per accidens multo tolerabilior evaserit, quoniam varix leges ad XVIII. ætatis annum illam differebant (3). Sed qui ab anti-

---

(1) *L. 26. D. de Jurejurando.* Quis autem credat pupillum viginti annorum nescire num jurejurando fallat? *Adn. Edit.*

(2) *c. 14. 15. C. 20. qu. 5.*

(3) *Varia legum germanicarum capita huc spec-*

quis ea in causa commissi sunt errores, quod ubique habilitatem, res suas administrandi & contrahendi cum jurandi capacitate confunderent, a nobis adoptari haud possunt, sed omnia potius a sufficienti intellectus atque cognitionis gradu æstimanda sunt, qui ad jusjurandum validum præstandum satis provectus esse potest, quamvis cæterum perfecta res suas administrandi facultas ob juvenutis lubricitatem adhuc deficere possit. Quodsi enim secundum posterius momentum jurisjurandi habilitas decidenda esset, nostris moribus, ubi & minores necessariæ curæ subsunt, ante XXV. ætatis annum nemo admitti posset. Equidem mediam inter diversa illa spatia viam ineundam atque neminem ante XVI. ætatis annum impletum admittendum censeo, ita tamen, ut & adultiores sollicitæ intellectus atque cognitionis perscrutationi subjiciendi sint. Ob alia cognitionis impedimenta *ebrii*, *furiosi* & *mente capti*, quibus eos etiam accensendos esse puto, qui tanta intellectus imbecillitate sive natura sive morbo laborant, ut sufficienti cognitione de vi jurisjurandi destituantur, quive ob affectum quendam in tanta animi perturbatione versantur, ut rerum agendarum parum conscii existant. Ob defectum liberi consensus jurisjurandi valorem vitiat, *error*, *dolus*, *metus*. Indigestam vero distinctionum farraginem, quibus maxima interpretum pars

---

tantia collegit III. Walchius in *Disp. de Jurantis legitima ætate*.

circa hæc momenta gloriatur, huc transferre non opus est, quoniam haudquaquam ad doctrinam de jurejurando sed unice pacti negotiive, cui jusjurandum adjectum est, indolem spectant, quocum stare & cadere illud, demonstrabo. Eodemque etiam jure, quæ vulgo de clausula rebus sic stantibus in doctrina de jurejurando tradunt, omnia ad præcepta depactis ableganda sunt.

Denique ob defectum sufficientium organorum, ad edendam animi sententiam vel percipiendum id, quod ab ipsis exigitur, necessariorum, interdum, *muti*, *surdi*, vel utroque vitio laborantes impediuntur, quos tamen non absolute arcendos esse facile patet, si nempe sufficienti intellectus gradu & cognitione de jurejurando, diligenter exploranda, instructi, appareant, atque simul animi sententiam sive litteris, sive verbis sive aliis signis indubitatis declarare valeant. Unde operam omnes perdunt, qui regulas quasdam universales intuitu istorum hominum stabilire conantur, quoniam tanta illorum conspicitur varietas, ut omnes cujuscunque qualitates individuales probe considerare, necesse sit, si de illorum habilitate solidum judicium ferre velis.

#### §. X.

*Altera conclusio, jusjurandum promissorium generatim novam obligationem nullam producere, atque speciatim, in causis & negotiis privatorum eidem societati civili subjectorum, plane reprobandum esse.*

Quoniam duæ præcipue sunt factorum classes, ad quas homines jurisjurandi usum transtulerunt, una nempe cum aliquid facere vel omittere promittimus, idque jurejurando adjecto obfirmamus; altera vero ad facta præterita spectans, quando veritatem aperiendo animi sententiam jurejurando testamur; jam primo statim obtutu facile existimari potest, cum ipsis jam pactis, promissionibus, renunciationibus, ab altero acceptatis, & intra legum naturalium aut civilium limites factis, etiamsi nuda verborum conceptione fiant, externa & perfecta insit obligatio, jusjurandum, quod vocant, promissorium adjectum in illis neque addere quidquam, neque minuere, uno verbo, obligationem novam haudquaquam producere, sed eo tantum fine ad obligationes per se validas accedere posse, ut alter, qui perfectò jure nobis quidquam debet, injecto conscientie illius religionis vinculo ad impletum obligationis eo facilius, fortiusque impellatur. Sive enim extra statum societatis civilis sive in societate civili homines considerantur, pactorum nudis verbis conceptorum adest obligatio perfecta, jure externo summe fundata, ad quam implendam alter alterum vi adhibita aut in statu civili remediis ordinariis cogere potest. Quoniam vero interdum aut vires ad istam coactionem deficient, aut illa aliam ob causam multis difficultatibus obnoxia est, idem jurisjurandi & religionis vinculo, quo alter constringitur, interdum effici creditur, quod alias mediis tan-

tum coactivis obtineri posset. Inde simul perspicuum est, inter homines diversarum societatum civilium, vel inter gentes usum tantummodo præstare jusjurandum promissorium. Hæc omnia clara sunt; & vix explanatione indigent. Hæsit etiam in antiquis nulla aliade vi hujus jurisjurandi opinio. Sed claræ luci foedissimam distinctionum contagionem offudit jus canonicum, e notissimo illo brocardico: *omne jusjurandum servandum esse, quod salva salute aterna servari potest*, innumeros extorquens casus, quibus & negotia, ipsi legibus invalida & efficacia omni destituta, jurejurando adjecto, vim novam & obligatoriam nanciscantur, quo dominatus clericalis libido in conscientias legesque magis magisque stabiliretur, quæ doctrina, si cum aliis superstitionibus comparetur, ob majorem, quam ad evertendum omnem legum valorem exercuit vim atque potestatem fere despoticam, multo intolerabilior est; & tamen veluti divinitus inspirata, tanta rabie omnium Philosophorum & Ictorum animos invasisit, ut centena scriptorum volumina numerare possis, quibus præter perversas illius dogmatis interpretationes, limitationes, restrictiones, immo & varias cavillationum artes, quibus iterum elabendi occasio suggesta, uno verbo præter errorum cumulum fando vix credibilium nil iusti pensique inest. Quod vero, quantum valuerit ad perturbanda maximi momenti negotia, infra exemplis illustrabo, neminique ignotum esse potest, qui vel leviter saltim juris cognitione tinctus



existit. Immo, quamvis magna errorum pars puriori philosophia, scholasticorum sordibus purgata, sensim sensimque feliciter propulsata fuerit, ea tamen serena tempestas nondum apparuit, quin viri in cæteris omnibus acutissimi in hac tamen Jurisprudentiæ parte, nescio quo religioso forsan metu trepidantes, maxime titubarint (1). Quandoquidem Jusjurandum promissorium ex causis etiam rationabilibus eam saltem obligationem novam producere, illique eam vim inesse existimarunt, ut negotia, ob privatorum commodum prohibita eo confirmentur, utque suppleantur defectus solennium, quæ alias, nisi pro nullo haberi debeat actus, requiruntur. Decipiuntur enim isti obligatione, quam fingunt, interna s. conscientiæ erga Deum, eamque cum obligatione externa confundunt. Verum enim vero, quamvis

---

(1) Conf. Stryk *de cautelis Jurament.* Nævius l. c. Hilliger *ad Donellum.* Rotermund *de Jurejur. actibus invalidis adjecto*, Erf. 1737. Kaifer *de efficacia Jurisjur. in actibus invalidis & illicitis*, Gießæ 1736. Berger *Æc. Jur. L. III. t. 2. I. H.* Boehmerus l. E. P. L. II. f. 24. cui tamen singulare judicii acumen eam extorsit confessionem, tanto viro dignam: *Consultius fore, usum juramentorum in hisce negotiis (privatis) sub gravissimo pœna interdicere, quo sanctissimum dogma de Jurejurando suo vigori rursus restitueretur, postquam cleri romani traditiones pharisaica, Christi doctrina adversantes, hodie satis detecta sint.*

huic errori ab aliis eo jam satis obviam itum fuerit, quod in foro humano non tam ad internas, quam externas hominum obligationes respicere, eaque tantummodo negotia, quæ legum voluntati & formulæ accommodata sunt, pro firmis validisque habere possimus. nisi simul exstructo conscientiæ throno omne legum tribunal everti velimus, ego tamen illum quoque conscientiæ scrupulum, qui hæcenus offecit, eripi posse putaverim. Quod si enim in isto casu ex jurejurando promissorio adest obligatio interna, illa nil nisi voti indolem sapere posset. Atqui vero, quum generatim maxime dubium est, num ullus unquam genuinus existeret casus, quo ex voto obligatio oriatur, quoniam omnia, quæ, sincero Dei cultu permoti, & sana ratione duce, Deo pollicemur ad officia nostra spectant, quibus & alias sine solemnibus verborum conceptione illi obstricti sumus, deinde si etiam præter ea existeret genuinus voti casus, illud tamen, adversus alia officia hominibus debita, etiam si imperfecta tantum sint, minime impingere deberet, ut igitur e. g. votum eleemosynarum improbum fieri possit, si eam ob causam beneficia & officia, quamvis imperfecte certis hominibus debita, negligantur; tum ne minimum quidem superest dubium, eo casu omni obligatione votum destitui, si jura perfecta, quibus aliis devincti sumus, evertat. Quis enim crediderit, aut quæ probabilitas reliquorum animos flectat, ut a Deo acceptatam esse talem promissionem legibus adversam sibi persua-

deant (1)? Jam vero quæcunque legibus injunguntur aut prohibentur ita comparata sunt, ut pactis privatorum illis derogari possit aut non. Priori casu jurejurando haud opus est, quoniam æque nudis verbis commodo renunciatur. Posteriori jusjurandum & promissio seu renunciatio sub illo contenta legi prohibitivæ adeoque obligationi perfectæ adversatur, ergo æque ut nudum verbum effectu destituit, necesse est. Quicquid enim legibus prohibetur, etiamsi solum privatorum commodum respicere videatur, id rationali fundamento, nempe salutis publicæ societatis civilis tanquam causæ finali, superstructum esse, præsumendum, adeoque si contrarium quovis modo suscipitur, salutem publicam lædi censendum.

Ergo certissimum est, nullum existere casum, quo jusjurandum promissorium obligationem novam producat. Sed ulterius argumentor, & inter homines eidem societati civili subjectos illud tanquam superfluum plane reprobandum esse censeo. Cum enim in hoc statu illæ rationes, quæ illius usum inter homines nexu civili solutos sustinere quodammodo videntur, ut nempe alter eo certius ad obligationis implementum adigatur, non solum plane deficient, sed idem finis aliis remediis ordinariis obtineri possit, nulla superest ratio sufficiens, qua ad usum illius rite permoveri possent cives paciscentes.

---

(1) Maximo cum judicii acumine votorum indolem indagavit. *Ull. Eques Michaelis im Mosl. Recht. §. 144.*

*Tertia conclusio: reprobandum esse jusjurandum, quoties ab initio praevideri potest, id, quod asseritur aut promittitur, cognitionis atque naturae humanae vires superare.*

Ex eodem officio, secundum quod omnes abusus aut perjurii occasiones maxima cum anxietate praescindere, nobis incumbit, sponte sese offert ulterior regula: *nunquam exigendum esse jusjurandum in eo casu, si ab initio praevideri potest, illius, quod asseri aut promitti vult, praestationem, cognitionis aut naturae humanae vires limitesque superare, ideoque vel impossibilem vel ad minimum haud probabilem fore.* Ergo quamvis cæterum juramenta promissoria officialia, quibus totus officiorum complexus eorumque perfectio promittitur, ex rationibus generalioribus, supra de jurejurando promissorio prolatis, ideo non plane rejici posse videntur, quoniam in tali officiorum obligatione non omnia facta determinata sunt, & in oculos incurrunt, ideoque, quævis licet coactionis civilis vis existat, fraudi tamen larga supersit occasio; equidem tamen illa juramenta ex alia ratione maxime restringenda esse putarem, quia scilicet optimus quisque talem officiorum cumulum nunquam ita suscipere potest, ut se nunquam in illorum perfuntione ob contrarias cogitationum affectuumque illecebras scienter lapsurum, adeoque, quod hominum vires excedit, humanam imbecillitatem quasi ejuraturum esse, contendat.

Quamvis

Quamvis enim talia juramenta, quæ apud antiquos, ut ostendi, alia plane indole, nempe auspiciorum divinorum, prædita erant, mutata ratione a quibusdam vel ideo, quod ad ea præcipue, quæ scienter fiunt, spectent, defendi velint; attamen in ipsis rerum argumentis dolus à culpa, error & ignorantia invincibilis a vincibili, ea, quæ quis circa virium suarum insufficientiam prævidere potuit, aut non, tam difficile secernuntur, ut detestanda exinde cavillationum oriatur materies, qua lusui exponitur jurisjurandi religio. Deinde ex iisdem rationibus perspicitur, etiam a jurejurando assertorio illum arcendum esse, de quo ab initio probabile est, illius, de quo sermo occurrit, facti; notitiam nullam eum habere posse.

## §. XII.

*Quarta conclusio: Jusjurandum assertorium rationi convenire; sed illius usum coarctandum esse, 1° in causis levioribus, 2° ubi ob affectus contrarii vim extantioris religioni confidere non licet, 3° præcipue illud in subsidium tantum adhibendum esse, illiusque pondus secundum reliquos probabilitatis gradus æstimandum.*

Jusjurandum assertorium, cujus proprior indagatio ipsis legum interpretationibus inferenda, rationi convenire, indubium est. Quicquid enim, vidi, audivi, sensibus percepi, de eo sententiam meam aperire possum. Ergo tali casu facultas, veritatem dicendi,

Tom. II.

C

haud deficit, si voluntas adest. Immo eos etiam, quorum ipsorum commodum exinde, ut jurent, pendet, non plane arceri, ratio non adversatur. Illum enim præcipuum usum præstat jusjurandum assertorium, ut, qui ob naturam negotii solemnæ probationis strepitu destituuntur, sed tamen probabilibus argumentis sustinentur, in subsidium ad illud admittantur, & adsit, quo eo casu confugiant; adversarii que fraudes evertant, commune quoddam religionis, fideique receptaculum. Exinde vero simul ulterius inferre licet, illud haud admittendum esse 1° in causis quibuscunque levioribus, 2° in iis, ubi ob affectus contrariū vim extantiorē religioni confidere non licet. Cum enim humana natura ita comparata est, ut ne sapiens quidem, multo minus vero quotidianus homo, ab omni concitatione sit vacuus, sed ubi malorum extremorum metus sensus ferit, animus perturbetur, exinde sequitur; e. g. in causis criminalibus gravioribus, ubi vita, corpus, fama in periculo versantur, maxime coarctandum esse jurisjurandi usum, & neque accusatori illud indulgendum; neque, si quidem res ex principiis rationalibus dijudicatur, reum, qui ad sententiam condemnatoriam contra eum ferendam sufficienter non convictus est, in perjurii periculum conjiciendum esse. Denique 3° quoniam eam ob causam ratione præditus est homo, ut non cæco se arbitrio trahi patiatur, sed, argumenta rerum indagando, ad varios probabilitatum gradus progrediatur, eaque via veritatem, quantam fert limitata

hominum cognitio, inveniatur; concludo, *jurejurandum assertorium partibus ipsis non nisi in subsidium vel deficientibus probationibus, vel ad eas implendas recte imponi.* In quo maxime differt antiquorum hominum philosophia, qui, cum ob immediatum Deorum judicium ex jurejurando præstito veritatem quandam necessariam & absolutam derivarent, sine curatiori habilitatis & probabilitatis indagatione facile eo acquiescere poterant.

## §. X I I I.

*Ex eadem diversitate, inter antiquorum hominum opiniones atque philosophiam rationalem conspicua sequitur generalis Regula, in perjurium pœnam a foro humano recte statui.*

Supereſt alterum adhuc momentum generale, in quo rationalem de jurejurando philosophiam ab antiquorum hominum opinionibus toto cœlo distare animadverti, nempe secundum illam perjurii pœnam humanam, a societate civili, verum Deum colente, statutam, ratione convenientissimam esse. Quum enim, ut sæpius jam monui, antiquis, publicum religionis cultum generatim fere non nisi in externis Deorum simulacris & cæremoniis quærentibus, neque ad formandos hominum animos religionem flectere studentibus, ea de jurejurando inhæserit sententia, ut veritatem absolutam ex eo derivarent & si contrarium quoque manibus palpabile esset, vindictam tantum a Diis ipsis, malorum physico-

rum immiffione exercendam, admitteret reliquorum dogmatum nexus, denique ipfas confcientiæ lapfæ maculas facris piacularibus atque victimarum fanguine ablui poffe putarent; facile explicari poteft illorum fententia, contentam jurisjurandi religionem Diis folum curæ effe.

Neque etiam fecundum ea principia auctoritati humanæ locus effe poterat. Ex quo vero, quod olim fapientiffimus quifque tantum præguftaverat religionis dogma, nempe cultus unici ac veri Dei apud nos in communem publicumque religionis cultum eft adoptatum, quod ad obfirmanda communia civium officia, formandos eorum mores, salutemque publicam ftabiliendam plurimum valet, duplex circa perjurii temeritatem occurrit confideratio, *prima* ad internam perjurii turpitudinem fpectans, qua in Deum ipfum graffatur effrenata calumniandi libido, *altera* quod fimul publicæ faluti atque omnibus focietatis civilis membris, mutuam fidem unice illius Dei caftiffimo cultu fuffultam credentibus, teterrimum fracta jurisjurandi religione infligatur vulnus. Quod itaque ad prius attinet, nos quidem, quorum mentibus & ingeniis, non quali feculorum quoddam futurorum augurium modo, fed fuma de vita immortalis certitudo obtigit, de eo facile convenimus, neque de interna actionum moralitate, neque de vindictæ divinæ gradibus terminisque perfectum nos iudicium laturos effe. Neque igitur internam injuriæ, Deo illatæ, turpitudinem ad imbecillia vindictæ humanæ prin-



cipia revocandam esse, statuimus. Sed altera ratio, nempe pessima perjurii lues, publicam salutem inficiens, atque ad labefactandum Dei cultum moresque depravandos tendens, cum qua summus doli gradus concurrat, genuinos delicti characteres constituit. Igitur poena humana, qua reliqua societatis membra deterreantur, in locum pristinarum de immediata Deorum vindicta, in hac vita expectanda, opinionum substituenda est, quæ, quo cautior in republica adornatur jurisjurandi usus, eo gravior sine intempestiva indulgentia decerni debet.

## §. XIV.

*Relaxationem jurisjurandi nullam dari.*

Adornarunt antiqui varios sacrorum piacularium ritus, quibus interdum ob imprudentiam atque levitatem animi, qua quis ad iusjurandum provolavit, perjurii gratiam a Diis exorari posse, censuerunt. Transiit eadem philosophia, altius animis imposita, ad ipsa christianorum castra, qui in rituum illorum locum varios poenitentiae gradus, corporum castigationibus ostendendos substituerunt. Inde periculosa atque incredibilis fere relaxandi potestas, cujus metu maximos nonnunquam reges trepidasse summaque imperia perculsa legimus, sensim sensimque a parvulis initiis coorta, & potestatis ecclesiasticæ manibus tradita est, quod infra ulterius explicabo. Itaque non potuit non fieri, quin perversa illa

doctrina ad destruendam omnem legum potestatem comparata, quamdiu omnis fere philosophia in clericorum cubiculis sepulta mansit, huic quoique intexeretur: sed ingemit sana ratio istis animi humani aberrationibus. Sive enim ad forum externum sive internum respicias, utroque casu omnis corrui, iurandum præstitum relaxandi, potestas, quæ clericis tribuitur in jure canonico. Priori enim respectu, sive de jurejurando essetorio sive promissorio sermo sit, adest simul obligatio quædam principalis, per se subsistens e. g. ad testimonium edendum, promissum implendum, cum qua iusjurandum, tanquam vinculum accessorium crescit & corrui. Iam vero si ipsa obligatio principalis remittitur, nullitatis vitio laborat, uno verbo, ex legitima causa cessat, tum simul definit iurisjurandi vinculum, nec relaxatione opus est, qua sola iura partium alias valida everti haud possent. Itaque potestati quidem civili jus competit, de obligationum principalium valore cognoscendi, sed relaxationis objectum nullum adest. Posteriori casu, si forum internum respicitur, iterum omne deficit relaxationis fundamentum. Vt enim supra ostendi, omnia redeunt ad voti indolem, Aut igitur ex illo derivas obligationem erga Deum aut non. Priori casu, quod Deo quæsitum, ab hominibus remitti, absurdum esset. Posteriori casu, existente nulla obligatione, relaxationis fundamentum statim deficit.



LIBER II.

*De indole legum Mosaicarum, ad jusjurandum spectantium.*

---

CAPUT I.

*De effectu religionis in doctrinam de jurejurando.*

§. XV.

*Introitus.*

**M**issis jam generalioribus rationis præceptis, quæ ad parandam ulteriori tractationi viam præmittenda erant, transeo ad specia- liorem istarum legum indolem, quarum di- versa applicatione, interpretatione ac imita- tione, ea sensim sensimque jurisprudentiæ varietas orta videtur, qua hodie in foro uti- mur. Jure quodam primum assignavi locum legibus mosaïcis, quæ cum generatim in va- ria juris romani, canonici & germanici capita- miros exseruerunt effectus, tum præcipue illarum influxus in doctrinam de jurejurando insignis fuit, quamvis negari non possit, va-

ria inde deprompta esse, quæ religioni, regimini; statuique populi Israëlitici tantum conveniebant, & e circumstantiarum individuum nexu divelli haud debuissent (1).

## §. X V I.

*Cultus unici ac veri Dei, tanquam religionis, ac reip. simul Israeliticæ fundamentum etiam ad jusjurandum translatus.*

Jam statim ubi fugitivum tantum ad internam istarum legum œconomiam advertimus oculum, cum illis id ubique primario intendi noverimus, ut salutaris doctrina de existentia unici ac veri Dei, tanquam omnium rerum conditoris, ac moderatoris, quæ quantis difficultatibus ac impedimentis apud homines antiquissimos obnoxia fuerit, constat, effertis barbarorum animis infereretur; tum idem quoque inter primaria legum capita reperimus, ne ullus ex populo per alium, quam quidem verum Deum, juraret (2).

---

(1) Indolem legum mosaicarum huc spectantium optime & egregie illustrarunt Valkenaer *de ritibus in juramentis a veteribus Hebraeis maxime observatis*, imprimis vero *illustris Eques Michaelis im Mosaischen Recht* §. 303 sq. addo virum ven. *Jerusalem in den Betrachtungen über die vornehmste Werke der Religion P. II. T. II.*

(2) Moses *L. V. c. 6. v. 13. c. 10. v. 20.*

## §. X V I I.

*Effecit tamen Dei patrii notio atque specialis, qua populus Israelitibus fruebatur, illius tutela, ut in eo cum aliis antiquorum hom. opinionibus conspirarent, quod jurisjurandi vim precipue in vindicta presentanea, malis ac infortuniis phisicis ostendenda, metu posuerint, cuius ratio indagatur.*

Ita vero comparata erat calens barbarorum hominum phantasia, ut, quamvis ejectis foedissimis idololatriæ sordibus, victisque impedimentis, unici ac veri Dei cultus in communem populi religionem adoptatus fuerit, attamen, id, quod a politioribus tantum ingeniis expectari potest, revocari illorum mentes a sensibus & cogitationes a consuetudine subito haud potuerint. Eorum potius more, qui raro animo quidquam cernunt, sed ad oculos omnia referunt, astrorum ordines, dierum noctiumque vicissitudines, mensium temperationem, & ea, quæ gignuntur ad fruendum, quotidiana quasi & repetita Patris omnipotentis creatione provenire putarunt. Vicissim etiam, licet Deum aliquem humana forma & imbecillitate indutum, quasi lapsum de cælo, hominumque cœtus adeuntem non ita, ut cæteri antiqui homines cogitaverint, sed digniori majestatis divinæ cognitione imbuti fuerint, ubique tamen immediatam invisibilis Dei vocem & orationem, illius curam specialem, ad quævis bene maleve facta immediate sese flectentem, denique præsentaneum

ejus judicium humano more efflagitaverunt, ad quæ deinde insignis illa persuasio, eundem Deum, præter universi moderationem, specialem populi Israelitici tuitionem & gubernationem in se suscepisse, accessit. Qualis Dei simul patrii idea, gentibus amica, non potuit non multum ad obfirmandum istum religionis cultum, eoque conferre, ut, diffusa veluti per rivulos veri Dei cognitione, ea sensim sensimque latius evagaretur & efformaretur, indeque mirandum providentiæ divinæ opus magis magisque patefieret. Ita quoque ex iisdem rationibus derivandum est, ut, cum generatim ob injurias atque contumelias, Deo O. M. simulque patrio & speciali populi protectori illatas, vindictam præsentaneam, in cujuscunque sensus mole sua ruentem, expectarent, eundemque tales hominum temeritates immoderatis tempestatibus, nimio calore, aut frigore, agrorum sterilitatibus, morbis, pestilentiis, interitu, omniumque calamitatum genere vindicaturum esse, persuasum haberent; tum maxime & perjurii vindictam subitam, & in sensus cadentem v. g. morbos & interitus eodem modo expectaret recens illorum religio. Adeo sapientissimus Legislatores, divino mandato instructus, ad tenuem rudiorum hominum, e quibus uno quasi nutu inveteratæ opiniones evelli non potuerunt, intellectum submittere se debuit.

## §. XVIII.

*Altera similitudo cum aliis antiquorum hominum opinionibus in eo conspicua, quod & apud populum Israeliticum ob perjurium sacra piacularia ad avertendam Dei vindictam adornata fuerint.*

Immo latius adhuc progressa indulgentia, quævis instituta, modo non in fundamentale religionis principium de unico Deo impingerent, ad communes populi opiniones attemperans, ut cum generatim fere apud antiquos altissimas radices egerit persuasio, Deos iratos more humano donis, victimis, piaculisque exorari posse, ita & quibuscunque ex populo, qui ad perjurium prolapsi essent, sacrum piaculare concessum, iisque, modo simul quævis oblata, cæteraque damna data læso restituerentur, vindictæ illius veniam futuram, promissum fuerit, quo præter sublimiorem finem, quem cum istis sacrificiis sibi proposuerat divina providentia, illud etiam inter homines istos rudiores effectum videtur, ut, qui facinoris commissi conscientia, vindictæque metu excruciantur, eo facilius ad animum, affectu forsân antea correptum, mutandum, restituendaque damna commoverentur; deinde & ipso pœnitentiæ metu a perjurio arcerentur.

*Tertia similitudo in eo conspicitur, quod perjuri pœna a potestate civili nulla statuta fuerint.*

Ex iisdem legum mosaicarum principiis de vindicta divina, in hac vita, malorum physicorum inflictione expectanda, sacrisque piacularibus, ad eam avertendam comparatis, sponte sequebatur eadem fere cum reliquorum antiquorum hominum opinionibus sententia, perjuri pœnam ab hominibus infligi nullam posse, quamvis ea multo certiori superstructa fuerit fundamento. Quum enim populo Israelitico indiciis sat gravibus persuasum esset, Deum O. M. speciale illius regimen & gubernationem, quam Nostrates *Theocratia* formulam nominare consueverunt, suscepisse, imprimis vero eum ipsum perjuri vindictam sumturum esse, adeo, ut in quibusdam jurisjurandi speciebus ipsa infortunia & physica, quæ illius contemptum sequerentur, mala, expressis verbis annunciata fuerint; eo ipso non poterat non in tali reipublicæ constitutione omnis simul potestati humanæ vis detrahi, ulteriorem perjuri pœnam statuendi. Quæ enim alibi de pœna talionis ob falsum testimonium occurrant, ad alia delictorum genera, neutiquam vero ad perjuri pœnas referenda sunt.





## CAPUT II.

*De usu & abusu iusjurandi apud Israelitas.*

## §. XX.

*Usus iusjurandi in populo Israelitico auspiorum, iudicii divini instar adhibitus. Similiter sorti sanctitas tributa. Quæ omnia maxima Pontificum auctoritate obfirmata sunt.*

**I**GITUR facile existimari potest, apud Israelitas, hisce principiis innutritos, frequentem fuisse iusjurandi usum, quo non solum maxime momenti negotia & munera auspicabantur, sed & in causis controversis immediatum Dei iudicium, veterum more expectabant. *Priori respectu populus in leges juravit & Reges etiam post suscepta regiminis gubernacula jurejurando devinciebantur.* Quod vero imprimis ad *posterius* attinet, sicuti generatim Israelitarum ingenia eo quoque cum cæteris antiquorum hominum opinionibus conspirarunt, quod omnem fere veritatem investigandi & inveniendi artem mysticis immediatam Dei voluntatem explorandi modis includerent, ideoque & *sorti*, qua maximi momenti negotia terminabantur, divinam vim inesse statuerent; ita imprimis quoque in causis privatorum controversis jurejurando

utebantur, quo ad immediatum Dei iudicium, vindictæ signo ostendendum, pacto compromittebant partes, qualis lites definiendi modus eo maxime promoveri debuit, quoniam, quod recentibus hominum societatibus fere commune, judicia solemnia deficiebant; sed omnis fere juris dicundi potestas *Pontificum* manibus concredita erat (1). Igitur præter *testium* iuramenta, etiam *partes* tam in causis civilibus, quam criminalibus jusjurandum deferebant.

## §. X X I.

*Jusjurandi formula.*

Formulam, quam Pontifex conceptis verbis recitabat, jurans vero affirmatione sua (amen) in se dejuravit, ad verum solummodo atque unicum Deum dirigi debuisse, populi religio fatis innuit. Attamen postea alias quoque religiosas devotiones & observationes, quatenus ad multiplicationem divinæ naturæ & idololatriam haud vergebant, plane reprobatae fuisse, haud patet. Ad minimum subsecutis temporibus innotuere quædam juramentorum licitorum species, quæ partim licentia poetica, partim despotismi genius sinu fovit. Quo pertinent jusjurandum per *cælum*, *templum*, *aras*, *urbem sanctam*, &c. quorum vero objectorum invocatione illis divinam naturam haud tribuit, sed

---

(1) *Ezech. c. 44. v. 24.*

Deum unicum ubique inhabitantem sibi repræsentare debuit luxurians illorum hominum phantasia (1).

Iusjurandum per propriam aliorumve salutem, quo vero tantum abfuit, ut nova quædam Deitas effingeretur, ut vita tantum salusque Deo devoverentur præcipue vero per caput salutemque Regis (2), quo iterum illud minime efficere voluerunt, ut divinam Regi tribuerent qualitatem, sed illius tantum vitam sacrificarent, interitumque, si falsum jurassent, expeterent, quod eo firmitus obligationi conciliavit vinculum, quo gravius immo læsæ majestatis existimari potuisset crimen, si quis perjurio in vitam Regis grassaretur.

## §. XXII.

*Abusus iurisjurandi. Sapientissima Christi sententia ad eum evertendum comparata.*

Postea vero, pessundatis sensim sensimque moribus, luxuries negotiorum commerciorumque multitudinem invexit, animisque a prima simplicitate remotis, libidines varii generis, fraudesque fidei locum occuparunt. Deinde, quod simul accidere solet, docta, initiataque hominum classis, quam ipsorum ordini concreditam acceperere, religionem, mutatis temporibus, ad pessimum ar-

---

(1) *Psal.* 139. v. 20.

(2) *Psal.* 63. v. 12.

bitrium fœdis interpretationibus, cujuscunque voluntati accommodatis, huc & illuc traxerunt, ut, re ipsa dudum obsoleta, simulacrum pristinae religionis tantum superesset. Inde evenit, ut Jurisjurandi religio, cum eum in finem innumeras invenirent distinctionum, limitationum, & cavillationum species, venalis esset, quo præcipue innotuit pharisæorum secta, qui sermonum figuras a re ipsa ac intentione jurantium acute separabant, dataque reservationibus mentalibus larga venia, illecebris, fraudibus, cæterisque jurisjurandi abusibus portas aperiebant. Itaque, cum Jesus Christus, hominum servator, teterrimum illum Reipublicæ statum intueretur, non potuit non illius ardor in perniciosam illam vim, jurijurando illatam, accendi, qui fœdas pharisæorum doctrinas acerrime reprobavit, eo vero omnem jurisjurandi usum tollere, tantum, abfuit, ut potius pharisaicas tantum interpretationes & cavillationes, quasi usitatis tunc temporis jurisjurandi figuris, e. g. per templum, &c. quibus tamen re vera ad ipsum Deum provocabatur, vis deesset, damnaret; simul tamen æquivocas illas & multiplicatas jurisjurandi formulas, levitatemque animi, in re quavis exigua sine necessitate ad illud pervolantis proscriberet (1).

---

(1) *Matth. V. v. 33 -- 37. XXIII. v. 16 -- 23. Jacob. epist. c. 5. v. 12. Pauli. epist. ad Ebr. c. 6. v. 16.*

## §. XXIII.

*De hodiernis Judæorum juramentis.*

Inde simul patet, quid existimandum sit de hodiernis Judæorum juramentis. Constat quidem, everfa illorum republica, quantum sequenti tempore, callidis Rabbīnorum fictionibus, inani interpretationis studio, varioque fraudulentarum cavillationum genere legum mosaicarum sensus perturbatus atque in novam fere sed deformem religionis faciem mutatus fuerit. Itaque varia theologorum ac jureconsultorum ingenia, concitata insuper inanibus profelytorum relationibus, odium tamen ubique prodeutibus, mire desudaverunt in inveniēda ac construēda cauta quadam iusiurandi formula, qua obviam iretur Judæorum fraudibus, si illis in causa, Christianos concernente, iurandum esset (1), ut risum tenere vix possit cordatior quis-

---

(1) Medio jam ævo in Germania ea scrupulositas & anxietas circa iusiurandi judaici formulam iudicum animos cepit, quod docuit Christ. Williguel *de juramentis Judæorum*. Jen. 1720. Inter recentiores præcipue laborarunt Frid. Wilhelm. Tauffenburg *de formula juramenti Judæorum*, cuius consilia imprimis approbavit senatus Mühlhusanus. Jo. Ge. Estor *de lubrico iusiurandi Judæorum*, Marburgi 1746. qui nescio quo odio contra Judæos inflatus ultra XXVII. cautelas compilavit, quas si quis omnes observare vellet, eum ferrea patientia præditum esse oporteret. Speciminis loco

que, cum immensam illam cautelarum inanium farraginem conspiciat. Verum enim vero, si concedam quoque 1°. spectare id ad periculosas doctrinas, quod, Rabbinos sapientesque jurisjurandi violati veniam & impunitatem impertire posse, statuunt, & pristina sacra piacularia ad imitationem, perversam plane, trahant (1); immo, si ulterius concedam, 2°. insigne illud odium adversus christianos cum omnibus, ridiculis sæpe effectibus, qui sive sub veritatis specie Judæis obijciuntur sive adfinguntur; exinde tamen id tantummodo consequeretur, Judæum a jurejurando adversus Christianum præstando plane arcendum esse. Etenim adversus eas fraudes maximus cautelarum cumulus nil juvaret, eademque maneret jurisjurandi ra-

---

eam nomino: ut curet quoque Judex, ne jurantis & aliorum Judæorum præsentium aures cera vel lana oclusæ sint. Car. Antons *Einleitung in die jüdische Rechte*, dabey vom Judneid gehandelt wird, wie solchen eine christliche Obrigkeit abnehmen kan. Braunschweig 1756.

(1) Maimonides *Constitutionum de jurejurando* c. VI. §. 1. & 5. p. 110. edit. Just. Christ. Dithmari ibi: qui juraverit jusjurandum promissorium, si jurisjurandi eum pœniteat, videaturque, se dolore affectum iri, si jusjurandum illud servet, mutetque mentem suam in aliam sententiam, vel aliquid contingat, quod in mente sua non habebat tempore jurisjurandi, unde pœniteat ipsum; ecce rogat (ut absolvatur) sapientem unum aut tres e vulgo, ubi non est sapiens. Ipse solvunt jusjurandum, posteaque licite poterit facere rem, quam se non factu-

tio, etiam si illius formula centum clausulis inunita fuerit. Fides Judæi non tam a jurejurando præstito, sed a reliquorum argumentorum gravitate & extantiori probabilitatis gradu derivanda est. Atqui, cum ipsi practici in eo omnes fere conveniunt, quod *testimonia* Judæorum adversus Christianos edita non probent, aut admittenda sint, nisi veritas aliter haberi non possit, vel judaici testes cum christianis ad supplenda & adjuvanda horum dicta producantur, aliæ adminicula concurrant: Judæus contra Christianum ad jusjurandum suppletorium admitti non possit, nisi quidem plus, quam semi-plena probatio adsit, & ad fidem juridicam non multum deficiat, denique si Christianus ipse Judæo jusjurandum detulerit, ille

*rum juraverat, aut non facere, quod juraverat, se facturum. Hoc est, quod vocatur absolutio jurisjurandi. Quomodo absolunt? Accedit, qui juravit, ad illustrem sapientem aut tres e vulgo, si ibidem non sit alius probatus dicitque: ego in illud vel illud juravi, & pœnitet me. Quod si ego scivissem tanto me dolore affectum iri propterea, aut fore, ut tale quid contingat, non jurassem. Tunc sapiens aut præcipuus e tribus dicit ei: dudum ergo pœnitet te? Ipse respondet: Immo. Dicunt illi: solutum tibi sit, vel licet tibi, vel venia datur tibi, vel simile quid in quacunque lingua. Verum si dicant ei: irritum sit tibi, aut pro nullo habendum jusjurandum tuum, aliudque simile, nihil dicunt. Nemo enim irritum facit, nisi maritus aut pater. Sapiens autem non potest uti nisi vocibus solutionis & remissionis.*

eo ipso ideo contentus esse debeat, quoniam fidem Judæi elegerit. Hisce principiis Practici fatis innuunt, unde Judæorum assertis fides concilietur, simulque declarant, tantum sese augere probabilitatis exactionem, quantum jurisjurandi judaici religioni detractum velint. Si enim posteriori eadem virtus ac Christiani juramento adcriberetur, tum nulla sufficiens adesset ratio, insignia illa probationum discrimina statuendi. Cum vero majores a Judæis probationes exiguntur, tum simul lubricitati juramenti judaici aliquid indulgetur. Ergo tanta scrupulositate circa formulam non opus est, maximamque laborum eo impensorum partem improbam fuisse, puto. Essentialia enim jurisjurandi judaici ad duo fere redeunt momenta, ut per verum Deum universi creatorem & specialem populi Israelitici protectorem concipiatur, & ut illi, qui expetuntur jurisjurandi & vindictæ divinæ effectus, non tantum ad vitam ulteriorem, sed & præsentem imprimis sermone dirigantur, quem in finem varia ex historia populi Israelitici exempla allegari solent (1). Reliqua ad accidentalalia spectant, quæ ut rite perficiantur, acquiescere potest judex, si, prout causæ gravitas suasit aut occasionis opportunitas permisit, Rabbinum convocavit, ab eoque jurisjurandi sacra & solemnia adornari curavit.

---

(1) Formula jurisjurandi cum solemnibus, quæ in plerisque judiciis praxi observatur, extat in *ord. cam. P. I. t. 86*. Præstatio jurisjurandi ita fit, ut





## LIBER III.

*De jurejurando ex Romanorum doctrina  
illiusque usu hodierno.*

## CAPUT I.

*De effectu religionis Romanorum in doctrinam  
de jurejurando.*

## §. XXIV.

*Generalia.*

**R**omanis a primis inde Reipublicæ incubulis solemne cordique maxime fuit, urbem novam conditam vi & armis jam etiam legibus moribusque firmare, efferatosque militia animos mitigare: ergo etiam omnium primum rem ad multitudinem imperitam & illis seculis rudem efficacissimam, Deorum metum, injiciendum rati sunt primi illius Statores & Legislatores, quo facto Deorum

judæus jurans dextram legibus mosaïcis & quidem L. II. c. 20. 7. 7. imponat. Formula curatior supremo Cellensi tribunali præscripta, quam exhibet Just. Henning. Bœhmer. I. E. P. L. II. t. 20. §. 24.

affidue infidens cura, cum interesse rebus humanis humano more cœleste Numen videretur, ea pietate omnium pectora imbue-  
rat, ut fides ac jusjurandum proximo legum  
ac poenarum metu civitatem regerent (1).

## §. X X V.

*Omnis jurisjurandi vis in miraculoso Deorum  
influxu & presentaneo vindictæ metu posita.  
Quod probatur ex ipso jurisjurandi usu ex  
formulis, ex sacrorum piaculorum institutione,  
ex obsecrationis & refecrationis indole, ex se-  
pultura eorum inhonesta, qui fulmine icti sunt.*

Verum tales inter homines, prima adhuc  
sensuum vi oppressos, quæ excultæ tantum &  
ad maturitatem deductæ est rationis fructus,  
nempe curatior doctrina de unico ac vero  
Deo, rerum omnium conditore, quæri non  
debet; & multo minus talis de jurisjurandi  
vera indole cognitio, qualem principia ratio-  
nabilia, supra exposita, suggerunt. Inter  
eos potius secundum varias, quas diversi ani-  
morum situs, ad primas revolutiones naturæ  
& fortunæ mobiles, progenuerunt, ideas at-

---

(1) Livius *Hist. rom.* L. I. Dionys. *Hal. Ant.*  
L. II. Notandi sunt inter varios scriptores Hanse-  
nius *de jurejurando veterum in Gravii th. ant. rom.*  
P. III. imprimis vero Theod. Regnerus de Bassen  
*de jurejurando veterum imprimis Romanorum.*  
Trai. ad Rben. 1728. in quibus tamen præter indi-  
gestam excerptorum molem nil fere invenies.

que sensationes, miram Deorum varietatem effecerunt sive timor, metus & admiratio, sive salutare corporum coelestium, in maturandis fructibus effectus, & grata beneficiorum memoria, sive sacrorum peregrinorum spontanea adoptio, sive variae denique prudentiae politicae fraudes. Quas deinde divinas naturas ad infirmitatis humanae modulum unice efformatas simul hominum felicitati infestas & insidiantes interdum, seu ad minimum ita vanas, irritabiles, & quibusvis hominum iraplorationibus annuentes, breviter, omnibus fere hominum infirmitatibus ac vitiis ita indutas cogitarunt, ut saepius ad hominum vulgarium exempla, aucto tantum affectuum gradu, sculptae appareant. Ergo suam quoque jurisjurandi religionem ad eundem modum efformarunt, & sicuti in homines, terrae tantum rebusque praesentibus adfixos, futuri parum curiosos, neque eorum motuum effectuumque, quos simplex naturae ordo, partiumque universi conspirantium, inque communem legem revocatarum convenientia profert, causis explorandis intentos nulla facile religio sine miraculi commento descendere potuit; ita omnem quoque jurisjurandi vim in miraculoso Deorum influxu, & morborum, vulnerum, contagionum, fulminum, exitii, infortuniorum vel quicquid fervida hominum religioso furore æstuantium phantasia diri malique imprecationibus adsequi poterat, metu posuerunt. Quae omnia non solum generatim nota sunt, sed &, quoniam insignis fuit illius religionis in jurispruden-

tiam effectus, argumentis quibusdam specialibus illustrari possunt; & quidem ex ipso jurisjurandi usu, quod, ut infra demonstrabitur, apud Romanos quoque non nisi *auspiciorum*, quibus in negotiis publicis Dii placabantur & *judicii divini* indolem subiit, ex *formulis ritibusque* jurisjurandi solemnibus, quod idem malum, quod symbolo quodam adhibito expressit, jurans in caput suum expetebat (1), ex *sacrorum piaculorum* institutione, quæ eum in finem præcipue adornata erant, ut mala physica, cæteraque infortunia a Deo-

---

(1) Conspicuum est jusjurandum, celebri, de quo ex historia romana constat, foederi Albanos inter & Romanos icto adjectum. Priusquam enim dimicarent, his conveniebant legibus, ut cujuscunque populi cives eo certamine vicissent, is alteri populo cum bona pace imperitaret. Igitur, peractis a fecialibus consuetis ceremoniis, pater patratus ad jusjurandum patrandum factus, recitatis fœderis legibus: *Audi*, inquit, *Jupiter*, *audi pater patratus populi Albani*, *audi tu populus Albanus*, *ut illa palam prima postrema ex istis tabulis ceræve recitata sunt*, *sine dolo malo*, *utique ea hic hodie rectissime intellecta sunt*, *illis legibus populus romanus prior non deficiet*. *Si prior defexit publico consilio dolo malo*, *tu illo Die*, *Jupiter*, *populum romanum sic ferito*, *ut ego hunc porcum hic hodie feriam*, *tantoque magis ferito quanto magis potes*, *pollesque*. Liv. L. I. c. 24.

Festus voc. *lap. fil. lapidem silicem* tenebant juraturi per Jovem, *hæc verba dicentes: si sciens fallo, tum me Diespiter salva urbe arceque bonis ejiciat, ut ego hunc lapidem.*

rum vindicta exspectanda, supposito animantium sanguine oblatisque hostiis averterentur, ita ut ad collegium pontificum relatum fuerit, quæ piacula, quibus Diis, quibusve hostiis fieri placeret (1), in quo tamen difficiliore interdum fuisse constat Pontifices, quod imprudentiam tantum expiatam metu liberarent (2). Ex *obsecrationis* & *refecrationis* indole. Ita enim Deos faciles & ad cuiuscunque preces sese flectentes fingebant, ut, si quis alterum obsecraret, Deos statim, quæ obsecrans in animo habuerit, effecturos crederent, adeoque alter tanto sacramento obstrictus videretur, ut liberari non posset, nisi obsecrans etiam eundem refecraverit, sive ea religione solverit, quod si noluerit, sacerdotes se interponere debebant, qui ritibus consuetis omnis religionis contractæ piaculum in priorem vertebant (3). Denique quoniam Jovem vindictam suam iramque ful-

---

(1) Cicero de harusp. resp. c. 10. ibi: *Diis violatis expiatio debetur*. Idem de Leg. L. II. ubi in notissimo legis antiquæ fragmento verba occurrunt: *sacrum commissum, quod neque expiari potuerit, impie commissum est, quod expiari poterit, publici sacerdotes expianto*. Add. Plautus Rudent. Act. V. sc. 3. v. 21. Livius L. 29. c. 19.

(2) Cicero de leg. L. II. *publicus autem sacerdos imprudentiam consilio expiatam metu liberet—Impius ne audeto placare donis iram Deorum*. Idem pro domo c. 51. de harusp. resp. c. 17.

(3) Festus voce *refecrare*. Plautus Aul. Act. 4. sc. 7. v. 4. Idem Pers. Act. I. sc. 1. v. 49.

minibus ostendere credebant, eadem quoque religione effectum est, ut antiquissimis temporibus & sub Numa jam constitutum fuerit, ne homini fulmine icto & occiso *justa* fierent, i. e. ne consueta solemnia observarentur, quoniam talem Deorum ira occisum putabant (1). Ea vero religio, quamdiu fides illi inter Romanos stetit, non poterat non insignem jurijurando auctoritatem conciliare (2).

---

(1) Plinius *Hist. nat.* L. II. c. 54. Livius L. X. Hoffmann *Hist. jur.* p. 38.

(2) Hinc egregie eam jurijurandi religionem extollit Cicero *de Legibus* L. II. sq. qui quamvis priori imbutus fuerit de divina natura cognitione vulgique opiniones quavis occasione deriserit, sententias tamen suas, quantum fieri potuit, ad populares sentiendi cogitandique rationes accommodavit. *Sit enim, inquit, hoc jam a principio persuasum civibus, Dominos esse omnium rerum ac moderatores Deos, eaque, quæ geruntur, eorum gerijudicio ac Numine, eosdemque optime de genere hominum mereri, & qualis quisque sit, quid agat, quid in se admittat, qua mente, qua pietate religiones colat, intueri, piorumque & impiorum habere rationem. His enim rebus imbuta mentes haud sane abhorrebunt ab utili & a vera sententia. Quid enim est verius, quam neminem esse oportere tam stulte arrogantem, ut in se mentem & rationem putet inesse; in cælo mundoque non putet, aut ea, quæ vix summa ingeniiratione moveri putet, quem vero astrorum ordines, quem dierum noctiumque vicissitudines, quemque ea, quæ gignuntur nobis ad fruendum, non grata esse cogant? Utiles esse au-*

§. XXVI.

*Per quæ sacra Romani juraverint ? Definitur antea religio publica Romanorum.*

Quicumque curatius scire cupit, per quæ sacra apud veteres Romanos jurari potuerit, eum ante omnia religionis statum nosse oportet (1). Ego vero ita de eo sentio. Omnis *religio publica*, sub qua non illam tantum, quam totus populus sed & eam, quam singulæ familiæ tenebant, comprehendo, non nisi sacris quibusdam atque ceremoniis externis, quibus immediatam Deorum voluntatem expiscari, illorum auxilium exorare, odium vero avertere: uno verbo, illos propitios sibi reddere studebant, obolvebatur, nec quidquam ad doctrinam moralem, vitæque rationem bene instituendam conferebat. Ista vero sacra publica, sicut generatim curæ magistra-

---

*tem opiniones has, quis neget, cum intelligat, quam multa firmentur jurejurando, quantæ salutis sint sædera religionis? quam multos divini supplicii metus a scelere revocarit, quamque sancta sit societas civium inter ipsos Diis immortalibus interpositis tum iudicibus tum testibus.*

(1) Conf. Corn. v. Bynkershoek *de cultu religionis peregrinæ apud vet. Rom.* opusc. T. II. p. 177. præcipue vero egregia comment. viri ven. Christ. Wilh. Walchii *de Romanorum in tolerant. dis diversis religionibus disciplina publica*, quæ extat in *Comment. novis societ. Regia scient. Göttingensis* T. III.

tuum ac Pontificum maxime commissa erant, ut constanter fervarentur, nec alienis ritibus turbarentur, non nisi publica auctoritate potuerunt recipi & approbari, quod cum amplificare suam religionem & ceremonias sacras augere vellent, peregrina Numina recipiendo, fieri debuit. Ita enim NVMA omnia publica privataque sacra pontificiis scitis subjecit, ut esset, quo consultum plebes veniret, ne quid divini juris negligendo patrios ritus, peregrinosque adsciscendo turbaretur (1). Atque in antiqua lege, cujus fragmenta Cicero refert, dispositum: *separatim nemo habessit Deos neve novos, sed ne advenas, nisi publice adscitos privatim colunto*, cujus rationem Tullius addit: *suosque Deos aut novos aut alienigenas coli, confusionem habet religionum* (2).

## §. XXVII.

*Religionis privatae indoles.*

Ex eo vero, ceu integra religionis illius compage demonstrari potest, *libertatem conscientiae* singulis relictam, eamque eo usque extensam fuisse, ut cuicunque de rebus divinis sentire ac scribere pro libero fere arbitrio licuerit; *peregrinis* in re publica romana degentibus Deos patrios & sacra sua domestica colendi liberam fuisse facultatem, modo, si cultum publicum exercere vellent, accederet

(1) Livius L. I. c. 20.

(2) Cicero de Leg. L. II. c. 8. § 10.



magistratuum consensus (1), denique *ipsis civibus romanis* indultum fuisse, si sacra aliena, inter publica nondum recepta singulatim cohererent, modo *sacra publicâ patriâ* illis *haud destruerentur vel interverterentur*, neque cætibus clandestinis, reipublicæ perniciosiss; aut flagitiis impune committendis *via sterneretur*. Quæ enim in allegato legis fragmento, a Cicerone in lucem producto occurrunt verba, *neve privatim Deos peregrinos colendos esse*, quæ a plerisque male intellecta inveni, illa minime id, quod quidem nos hodie privatum religionis cultum appellare consuevimus, indicant, sed unice de sacris familiarum, quarum quæque sua habere debuerat, publica auctoritate approbata, intelligenda sunt. Atqui vero ista familiarum sacra haud minus ad cultum religionis, nostro sensu publicum spectabant. Ergo prohibitio illa ad ea quoque extendenda erat. Verum enim vero longe diversa ratio fuit, *devotionis seu sacrorum alienorum cultus privati*, a *singulis exerciti*, qualem, *secretam* apud Romanos dictum, toleratum fuisse, præter ea, quod ob pluralitatem Deorum generatim religionis systema haud repugnabat, ex aliis adhuc argumentis probari potest, & quidem *ex ipsis sacrorum peregrinorum prohibitionibus ob varios excessus interdum factis*, quæ, tolerantiam tam diu, quam damnum reipublicæ inde haud imminebat, & ad cultum publicum non trahebantur ea sacra, obtinuisse, satis

---

(1) Quod innumeris exemplis demonstravit v. Walchius l. c.

docent. Confirmat id Livius, de quadam reipublicæ periodo ita differens: *quo diutius trahebatur bellum & variabant secunda adversæque res, non fortunam magis quam animos hominum tanta religio, & ea magna ex parte externa, civitatem incessit, ut aut homines aut Dii repente alii viderentur facti. Nec jam in secreto modo & intra parietes abolebantur ritus romani, sed in publico etiam & foro, capitolioque mulierum turba erat, nec sacrificantium nec precantium patrio more. Primo secreta honorum indignationes exaudiebantur. Deinde ad patres etiam & publicam querimoniam excessit res. Incusati graviter a senatu Aediles Triumvirique capitales, quod non prohiberent. Quum amovere eam multitudinem e foro ac disjicere sacrorum apparatus conarentur, haud procul absfuit, quin violarentur. Vbi potentius jam esse id malum apparuit, quam ut minores per magistratus sedaretur, M. Atilio Pratori urbis a senatu datum est, ut his religionibus populum liberaret. Is & in concione SCtum recitavit & edixit, ut quicumque libros vaticinos, precationesve aut artem sacrificandi conscriptam haberet, eos libros omnes litterasque ad se ante Kalendas Aprilis deferret, nec quis in publico, sacrove loco novo aut externo ritu sacrificaret (1). Clarissime vero ista cultus privati tolerantia patet ex notissima Bacchanalium sacrorum e Græcia translatorum, ob periculosas coitiones fœdissimasque, quibus initiati sese polluerant, flagitiorum sordes, facta prohibitione, cujus sequentia præcipue verba no-*

---

(1) Livius L. 25. c. 1.

tanda sunt: ne quæ Bacchanalia Romæ, neve in Italia essent: Si quis tale sacrum solemne & necessarium duceret, nec sine religione & piaculo omittere posset, apud Prætores urbanum profiteretur. Prætor senatum consuleret, si ei permissum esset, quum in senatu centum non minus essent, ita id sacrum faceret, dum ne plus quinque sacrificio interessent, ne qua pecunia commissa, neu quis magister sacrorum aut sacerdos esset (1). Adeo summa quoque periculorum tempestate singulis privata religionis libertas indulta, modo ea evitarentur, quæ societatis periculosa formam aut cultus publici speciem haberent. Immo ex Marciani Icti relatione constat: religionis causa coire non prohibitum fuisse, dum tamen per hoc non fiat contra Scutum quo illicita collegia arcentur (2). Deinde plenissimum illi sententiæ robur additur callido Mæcenatis consilio. Qui, cum, teste Dione, Augusto Imperatori commendaret, ut Deos quoque ipse semper & ubique ita colat, ut moribus patriis receptum sit, ad eundem cultum alios compellat, peregrinorum vero religionum auctores odio & suppliciis persequatur, non Deorum modo gratia, quos, qui contemnant, haud dubie neminem alium quoque magni facerent, sed

---

(1) Livius *L. 39. c. 18.* Scutum illud de *Bacchanalibus*, ære incisum extans, egregie illustravit corn. v. Bynkershoek, l. c.

(2) *L. 1. pr. D. de Colleg. & Corp. add. Paulus rec. sent. L. V. t. 21. §. 2. l. 30. D. de penis l. 2. D. de extraord. crim.*

propterea etiam, quod, qui nova Numina introducant, multos ad usum peregrinarum legum pellicerent, inde vero conjurationes, coitiones, conciliabula existerent, res minime unius principatui commodæ; Augustus tamen ea omnia, quæ Mæcenâs suasit, agere haud instituit, veritus, ne, si subito homines in alium statum traducere cuperet, res earum esset sibi successura, ideoque alia statim nutavit, alia postea temporis, nonnulla etiam secuturis Imperatoribus perficienda reliquit (1). Ex quo, quantum privato religionis cultui tributum fuerit, luculenter patet.

## §. XXVIII.

*Inde in causis, tantum ad rempublicam spectantibus, jusjurandum sacris publicis accommodari debuit. Adduor illius forma.*

Itaque, quam, ut statim ulterius explicabo, *jusjurandum in causis ad rempublicam spectantibus*, inde potissimum ortum suum traheret, quia negotia *quavis publica* non nisi cum Deorum *auspiciis & sacrificiis* illis oblati suscipi, alias vero in iis præcipue, quæ in comitiis peragebantur, felices eventus expectari haud posse credebant; facile jam existimari potest, tale jusjurandum, illiusque præstandi rationem minime vago privatorum arbitrio relictum fuisse, sed potius pro causa-

---

(1) Dio L. LII. c. 36. & 41.

rum diversitate certas illius atque perpetuas formas, a majoribus, felicem eventum primum expertis, acceptas, eandemque ob causam sanctissime semper custoditas extitisse. Ergo per *Deos patrios*, eosque speciatim, quos cuicunque negotio præesse idque influxu suo moderare putabant, potissimum per *Jovem* (1), cui & jurisjurandi vox originem debet, jurarunt, additis interdum consuetis sacrificiorum ritibus a *Pontifice* adornatis. Eademque ratione & prælatio jurisjurandi locis, cuicunque negotio convenientibus fiebat, e. g. in variis comitiorum campis, in *rostris*, in *curia*, ad *aram victoriae*, in *capitolio*. Notandus imprimis est celebris ille locus iurijurando destinatus, *Puteat*. s. ara in comitio ei loco, ubi defossa fuit

---

(1) Cicero pro Fontejo c. 10. ibi : *Jupiter ille, cujus nomine majores nostri sanctam testimoniorum fidem esse voluerunt. Derivationem jurisjurandi v. apud Gellium N. A. L. V. c. 12. De Sceptro Jovis & Lapide Silice ad jurandum adhibitis, conf. Festus voce Færetrius ibi : Jupiter Feretrius dictus a ferendo, quod pacem ferre putaretur, ex cujus templo sumebant sceptrum, per quod jurarent & lapidem silicem, quo fœdus ferirent. add. Servius ad Virgilium Aen. L. XII. v. 206. ibi : Majores ad fœdera semper simulacra Jovis adhibebant, quod cum tædiosum esset, præcipue, quando fiebant fœdera cum longe positis gentibus, inventum est, ut sceptrum tenentes quasi imaginem simulacri redderent Jovis. Sceptrum enim illius est imperium.*

Attii Navii *novacula*, imposita, apud quam interdum & judices, accusatores, testesque, in judiciis publicis de calumpnia sese purgantes jurasse, probabile est. Denique, ubi in causis publicis solemne jusjurandum præstandum erat, id plerumque fiebat *conceptis verbis*, quæ pronunciavit Pontifex aliufve magistratus, ita, ut si illi alios tantum jurejurando obstringerent, *præirent*, jurantes vero verbis notissimis: *ex animi sententia* illa in se derivarent, quum vero & illi simul jurassent, *præjurare*, reliqui vero verbis: *Idem in me, accedere* dicerentur.

## §. XXIX.

*In causis vero privatorum pro libero partium arbitrio per quæcunque sacra jurari potuisse, pacti, quo ad judicium divinum provocabatur, indoles secum ferebat.*

Quoniam vero jurisjurandi in *causis privatorum* adhibiti ea fuit indoles, ut, quod ex sequentibus clarius patebit, *pactis & commissis ad judicium divinum causas controversas deferre, atque vindictæ, in caput fallentis provocatæ spe ac eventu acquiescere deberent partes*; ea religio, si quidem ad lites dirimendas, finiendasque applicari vellet, ita

---

(1) l. 5. D. De jurejurando.

(2) Plinius Hist. nat. L. II. c. 45. ibi: *Hominis genibus inest quædam religio observatione gentium. Hac supplices attingunt. Ad hac manus tendunt,*

adornari debuit, ut alter alterius conscientiam stringeret. Deficiebat autem apud Romanos commune, quale nobis suggerit unicus ac veri Dei cognitio, religionis dogma, quod omnibus fuisset unicum atque firmissimum veritatis vinculum. Sed inter eos quisque fere propriis suis conscientiae scrupulis aliisque sacrorum superstitionibus laborabat, illisque regebatur, ad quæ in causis privatorum, si quidem iusjurandum vim quandam haberet, unice respici debuit. Ergo, cum & ea, quam supra demonstravi *religionis privata libertas* hoc casu efficax fuit, iusjurandum in causis privatorum per quoscunque Deos Deasve, per aquas stygias ipsi Jovi formidabiles, per Deos Penates Laresque, per Genios, per caput salutemve, uno verbo per quævis sacra, modo non speciali lege reprobata essent, immo ex propria superstitione concipi potuisse constat, quod optime explicat Ulpianus: *Omne omnino licitum iusjurandum, per quod voluit quis, sibi jurari, idoneum est. Et si ex eo fuerit juratum, prator id tuebitur. Divus Pius jurejurando, quod propria superstitione juratum est, standum rescripsit* (1). Notanda quoque sunt ex immensa formularum farragine illæ, quæ ad varias corporum partes (2) imprimis vero ad cineres ossaque defunctorum, quorum sanctior memoria fuit (3), dirigebantur, aliorumve objectorum sancto-

*hæc ut aras adorant. Inest & aliis partibus quædam religio; -- sicut dextra in fide porrigitur.*

(1) Tibulus *L. II. Eleg. 6. v. 29 -- 33. Propertius L. II. Eleg. 20. v. 15. Seneca controver. L. III.*

rum e. g. *ara*, *mensa hospitalis tactu* aut *manuum elevatione* in *cœlum* fiebant, quarum *variæ* ad *sequentia* quoque *tempora* sese *pro-  
pagarunt* & *aliis* *religiosis ritibus* *occasionem* *dedisse* *videntur*.

## §. X X X.

Omnia, quæ in hoc capite protuli, hodie quidem usu forensi destituuntur. Apud nos enim omne jusjurandum tam in *causis publicis*, quam *privatis* unice ad *verum Deum* dirigi debere, supra jam demonstravi. Sed maximi momenti est illa penitior religionis romanæ cognitio in interpretandis legibus romanis, ad jusjurandum spectantibus, quas sine ea nec intelligere nec ad statum nostrum juste applicare potes.

## CAPUT II.

*De jurejurando Romanorum in causis publicis.*

## §. X X X I.

*Romani in eo cum ceteris antiquis conspirarunt, quod Jurejurando tantum uterentur in causis publicis & quidem ad auspicii & sacrificii modum. Et in causis privatorum ut Judicium divinum sub illo representarent.*

QUAM generatim fere apud antiquos de



jurisjurandi usu obtinuisse philosophiam, adserui, quod nempe in causis & negotiis publicis ad *auspicii* sive *sacrificii* modum illud applicaverint, & in causis privatorum immediatum Deorum judicium sub eo intellexerint, eam etiam inter Romanos animadvertere licet. Nempe hominibus libertatem naturalem spirantibus, vel ad minimum nullis aliis, quam quæ sanguinis & sympathiæ affectus colligaverant, socialitatis vinculis adfuetis postea, cum primas quasi vitæ civilis lineas ducerent, atque necessarias magistratum officiorumque publicorum notiones definire vellent, variis opus erat imaginationis lusibus, ut aliorum arbitriis sese submittere, rem duram primo adspectu, addicerent. Ergo eundem in finem inventa varia auspiciorum, auguriorum, aliarumque divinandi artium genera, ut, quibus reipublicæ gubernacula concrederentur, ii immediata quasi Deorum vocatione e vulgari hominum cœtu eximerentur, illisque simul tanquam a Diis ipsis electis & sanctitate munitis consecratione auctoritas necessaria atque securitas ab aliorum injuriis conciliaretur. Iisdem auspiciorum inaugurationumque ritibus nulli, quam quidem apud veteres Romanos honor atque auctoritas major stetit qui generatim ne ulla quidem comitiorum genera populique conciones rite peragi, aut negotia publica ventilari posse statuerunt, nisi prius auspiciis sacrificiisque adhibitis Dii consularentur, & placarentur. Ex eodem vero

fonte maxima juramentorum in causis publicis apud veteres Romanos usitatorum pars, ad quorum exemplum postea, sine ratione, ingens juramentorum officialium numerus ad perversum plane finem inventus videtur, originem traxit, e quibus hic speciminis loco quædam tantum recensere juvat.

---

(1) Livius L. I. c. 18. ibi: *Accitus (Numa) sicut Romulus augurato urbe condenda regnum adeptus est, de se quoque Deos consuli jussit. Inde ab Augure (cui deinde honoris ergo publicum id, perpetuumque sacerdotium fuit) deductus in arcem, in lapide ad meridiem versus consedit. Augur ad levam ejus capite velato sedem cepit, dextra manu baculum sine nodo aduncum tenens, quem lituum appellaverunt, inde ubi, prospectu in urbem agrumque capto, Deos precatus, regiones ab oriente ad occasum determinavit, dextras ad meridiem partes, levam ad septentrionem esse dixit. Signum contra, quo longissime conspectum oculi ferebant, animo finivit. Tum lituo in levam manum translato, dextra in caput Numæ imposita precatus est ita: Jupiter Pater, si est fas, hunc Numam Pompilius, cujus ego caput teneo, Regem Romæ esse, uti in signa nobis certa adclarassis inter eos fines, quos feci. Tum peregit verbis auspicia, quæ mitti vellet, quibus missis declaratus Rex Numa de templo descendit.*

(2) Plinius *Paneg.* c. 64. § 65.

(3) Magistratum plus quinque dies, nisi qui ju-

§. XXXII.

*Præcipue juramentorum publicorum apud Romanos veteres usitatorum species.*

Eo igitur referenda sunt juramenta Regum (1), Consulum (2), reliquorum magistratum, qui idem interdum finito quoque munere, se contra leges nihil egisse, repetebant (3), Judicum, præsertim in judiciis publicis subfortitorum (4), Accusatorum cum

---

raffet in leges, non gerere licuisse, patet ex Livio L. XXXI. c. 50. Inter juramenta finito officio præstita notum est illud Ciceronis. *Conf. ejusdem Orat. pro Domo* c. 53. *Ep. fam. L. II. ep. 2.* ibi: nam, cum ille (trib. pleb.) mihi nil, nisi, ut jurarem, permitteret, magna voce juravi verissimum, pulcherrimumque jusjurandum, quod populus item magna voce, me vere jurasse, juravit. De Censore v. Livium L. XXIX. c. 37. ibi: Exitu censura, quum in leges jurasset C. Claudius & in ararium ascendisset, inter nomina eorum, quos ararios relinquebat, dedit college nomen.

(4) Cicero Off. L. III. c. 10. *At neque contra rempublicam neque contra jusjurandum ac fidem amici sui causa vir bonus faciet, nec si Judex quidem erit, de ipso amico. Ponit enim personam amici, dum induit judicis. Tantum dabit amicitia, ut veram amici causam esse malit, ut peroranda litis tempus, quoad per leges liceat, accommodet. Cum vero jurato dicenda sententia sit, meminerit, Deum se adhibere testem, i. e. ut ego arbitror, mentem suam, qua nil homini dedit ipse Deus divinius.* Sigonius de Jud. L. I. c. 28. L. II.

delatione nominis & subscriptione in crimen simul de calumnia sese purgantium (1), *Testium in publicis judiciis productorum*. Præterea, cum *populus* ipse sub communi quodam vinculo sine ea religione contineri haud potuisset, sed eandem ob causam quam maxime necessarium fuit, varia de miraculoso Deorum influxu & auxilio commenta atque superstitiones animis inferere, quibus homines bello efferati, in otio vero luxuriantes ad communia consilia ineunda, atque concordiam conjungerentur, inde non solum generatim *comitia* & quosvis publicos civium conventus non nisi cum Deorum auspiciis celebrari debuisse neminem fugit sed & speciatim cum *fœdera* pangerentur, *leges* conderentur, quarum sanctior custodia ad publicam salutem maxime spectare videbatur, jusjurandum, quo Diis superis violantium capita devovebantur; insuper accedebat, plerumque a Fecialium principe patre patrato, ad id electo, nomine populi præstitum. Immo & idem *populus*, sententiam tanquam judex in causa quadam pronunciaturus, cæterique in comitiis quidquam agentes, e. g.

---

c. 6. Immo ipsos Prætores, quamvis antea jam intuitu officii religione obstrictos postea tamen in singulis causis, se Judices dolo malo non legisse, jurarunt ex *lege Servilia Glaucia*. Cicero *pro Cluentio* c. 43.

(1) Livius L. XXXIII. c. 47. Sigonius l. c. L. II. c. 10.

(2) Gellius N. A. L. V. c. 19.

arrogatores, jurejurando obstricti (2). Porro singulos *cives* de *censu* jusjurandum, quo nomina, ætatem & bona, seque liberorum procreandorum causa uxores habere, indicabant, præstitisse constat (3). Memoratu digna quoque sunt varia juramenta a *militibus* præstita, quæ iterum iterumque cum in finem haud adornata sunt, ut milites præstiti jurisjurandi vi ad officia eo certius observanda demum adigerentur, sed eam tantum habuere rationem, ut nempe *sacrati* (4), sub immediato Deorum auxilio pugnarent, eorumque adjumentum experirentur. Ergo *milites* statim in ipso *delectu*, cum professio nominum facta erat, singuli jurabant, quod *sacramentum* vocabatur. Aut, cum subito oriretur belli tumultus, & ob periculi vicinitatem tempus, singulos interrogandi non vacaret, qui fuerat ducturus exercitum ibat ad capitolium, & exinde proferens duo vexilla unum roseum, quod ad pedites spectabat, & alterum cæruleum, quod erat equitum, qui rempublicam salvam esse vellent, eos evocavit, & qui conveniebant, jurarunt, quæ militia *conjuratio* dicebatur (5). Postea vero

---

(3) Igitur *L. Porcius Nasica* Cenfori Catoni secundum morem quærenti: *Et tu ex animi tui sententia uxorem habes? facete respondit: non bene ex tui animi sententia*, Gellius N. A. L. 10. c. 20. Cicero de or. L. II. c. 64.

(4) Livius L. VIII. c. 34.

(5) Livius L. XXII. c. 24. IV. c. 53. XLV. cap. 2.

ad prius additum alterum adhuc jusjurandum, quod *milites* sacramento jam obstricti præstabant, cum in *centurias* & *decurias* describerentur. Nempe cum antiquis temporibus sæpe contingeret, ut milites in decuriis ipsis se se invicem ad fortiter pugnaudum adhortarentur, factisque spontaneis conjurationibus præclara quævis effecissent, res boni exempli, quamvis unice ad animi affectum referri debuisset, occasionem dedit, ut ex voluntario quarundam centuriarum decuriarumque jurejurando fieret necessarium, unde simul observare licet, varias juramentorum species a casu mere fortuito ortum traxisse. Denique milites interdum post metationem castrorum jurabant, se non furaturos, sed si quis forte aliquid inveniret, ad tribunos plebis delaturos, de præda non intervertenda &c. (1). Notandum etiam jusjurandum *Ducis militaris* (2). Denique inventa quoque varia juramenta ab illis præstanda, qui ob morbum aliamve justam causam a militia cæterisque muneribus vacare voluerunt.

## §. XXXIII.

 *Applicatio ad statum hodiernum.*

Indagata igitur genuina juramentorum publicorum apud Romanos usitatorum in-

---

(1) Gellios N. A. L. XVI. c. 4.

(2) Præcipue etiam eo agebatur de vero hostium

dole, in promptu sententia ferri potest, ea a nobis minime in exemplum allegari posse, ut inde juramentorum officialium usum defendamus. Quæ enim inter Romanos illa progenit ratio, nempe auspiciorum atque comitiorum sub illis celebrandorum natura, cæteris religionis principiis conveniens, ea apud nos plane cessat, & nullo modo applicari potest. Nostra vero officialium juramenta ad diversum plane finem eoque solum tendunt, ut jurantes tali vinculo obstricti ad implendas qualvis officiorum partes eo fortius adigantur. Num vero hæc philosophia sanæ rationi conveniat, eam supra jam in examen revocavi quæstionem.

### C A P U T I I I.

*De jurejurando, in causis privatorum, spectatim a partibus delato extrajudiciali & judiciali.*

#### §. X X X I V.

*Jusjurando assertorium in causis privatorum a partibus delatum judicii divini, pacto suscepti, naturam induit.*

QUAS Romani generatim de miraculoso ac physico Deorum influxu circa jusjuran-

cætorum ac civium amissorum numero indicando. Valerius Max. L. II. c. 8. ex. 1.

dum fovebant, atque sedulo propagabant; opiniones, eas quoque ad causas privatorum, quamvis sub alia quadam forma, transtulerunt. Eo vero, ut infra pluribus demonstrabo, non tam ad ineunda aut obfirmanda pacta atque promissa, quam potius ad dirimendas controversias utebantur. Repræsentabant enim sub illo *immediatum Deorum judicium*, ad quod *pactis* atque *compromissis* partium eo fine provocari posset, ut in fallentis caput vindictas suas immitterent Dii, quibus deinde acquiesceret alter, qui, quod justum æquumve videbatur, ab adversario abstinere non potuit. Ergo non tam ad eruendam veritatem spectavit jusjurandum a partibus delatum, sed unice pacti naturam induit, quo in eo convenerunt litigantes, ut unus alterius jurejurando, quo ob malam causam iram Deorum, tanquam summum infortunium sibi contraxerit, contentus esset, damnumque cum vindictæ illius voluptate compensaret.

## §. X X X V.

*Origo jurisjurandi delati extrajudicialis, pactique desuper initi curatius indagatur, & derivatur, ab antiquo judiciorum defectu ac impatientia.*

Progredior ad varias jurisjurandi in causis controversis a partibus delati species, inter quas ob antiquitatem primum tenet locum *jusjurandum extra judicium delatum*, quod pac-



ti atque transactionis naturam induere, alta voce canit communis interpretum cohors, quamvis ipsi, quid proprie sub istis vocibus intelligendum sit, nesciant, & in mera terminorum, per integram seculorum seriem propagatorum indicatione subsistant. Igitur, quæ fuerit illius jurisjurandi origo & indoles e simplici veterum Romanorum sentiendi agendique ratione altius repetendum est. Jam primum, ubi ad antiquas hominum & imprimis Romanorum coalitiones animum advertimus, cum primam eorum sollicitudinem in eo unice versatam intelligimus, ut regulas quasdam ordinesque, quibus vim externam a recenti societate arcerent, iustaque cum hostibus acie dimicarent, inter se stabilirent, cæterum paci internæ, judiciis legibusque sancientiæ, minimum adhuc curæ illi impenderunt; tum progressu quoque temporis, ubi attrita quodammo do morum ferocitate ad ulteriorem vitæ socialis gradum sese admovebant, illud semper durissimum ac intolerabile fere fuit animis, nimia libertate luxuriantibus, suspensis quasi armis ac belli privati juribus, necessitate quadam cogente, aliorum hominum ipsis æqualium arbitrio causas, controversasque suas dirimendas subicere; ut, quo majore in roboris innati vim, quam nescio an libertatis elogio mactare possis, antiquorum hominum præcordia occupasse constat, eo lentiori fere gradu, varias judiciorum formas ac constitutiones processisse, ex indubitatis historiarum documentis facile ad oculum demonstrari posset, quod non solum ex

historia rei judiciaræ romanæ, sed & antiquo Germanorum statu clarius adhuc patet. Itaque alio artificio Romanorum legislatoribus antiquis opus fuisse inveni, ut effæatos coalescentium hominum animos a vi, bellisque privatis societatis indoli adversis sensim arcerent, eosque passim ad subeunda judiciorum juga præpararent. Invecto enim variorum Deorum aliorumque sacrorum cultu, ut mens tota religioso trepidaret metu, omni studio laborarunt, eoque simul effecerunt, ut, qui judiciorum humanorum vinculis nondum subjici poterant, immediatis tamen Deorum judiciis parerent homines rudiores, in exquirendis simplicibus naturæ legibus, ac probabilitatem regulis tardiores, eo procliviores vero ad qualescunque eventus abocultis qualitatibus, Deorumque miraculis derivandos. Inde jussus jurisjurandi a partibus in causis controversis ob judiciorum defectum ex pacto præstiti originem traxit, eoque effectum, ut adversarius religionis metu ad præstandum id, quod jus fasque esset, adigeretur, aut si falso quoque jurasset, alter tamen a vindictæ & iræ divinæ in adversarii caput ruentis expectatione voluptatem quandam caperet, eoque damnum in patrimonio passum compensaret. Ergo antiquissimis temporibus in causis dubiis plerumque ex alterutrius partis, *fide ac sacramento, arbitria*

---

(1) Dionys. L. II.

(2) Nuper eam Pontificum auctoritatem illustravit Christ. Frid. Glück D. in *tr. de jure civili Pa-*

facta fuisse apprime testatur Dionysius (1). Fuit tamen ea jurisjurandi extra iudicium delati indoles, ut alter ad acceptationem cogi non posset, sed iudicium divinum libero pacto & compromisso acciperetur.

## §. XXXVI.

*Maxima Pontificum potestate tam in causis sacris quam civilibus conspicua.*

Auxit eam jurisjurandi in definiendis litibus auctoritatem maxima Pontificum auctoritas, tam in jure sacro, quam civili primis Romæ temporibus conspicua (2). Sicuti enim, teste Dionysio (3) omnes lites sacras dirimebant, novas de sacris leges condebant, in omnes magistratus, quibus sacra erant commissa, inquirebant, rudi & imperitæ plebi de cultu Deorum rebusque sacris respondebant, ritusque ei interpretabantur, adeo, ut quod tres Pontifices statuissent, id semper populo romano, semper senatui, semper ipsis Diis satis sanctum, satis augustum, satis religiosum visum sit (4); ita quoque insignis fuit illorum potestas non solum in causis ad rempublicam spectantibus, cum in comitiis nil rite peragi posset, nisi iis præsentibus ac legitimis preces & sacra facientibus, sed & præcipue circa privatorum causas litesque. Tenebant enim

---

piriano, Hale 1780. §. 31. sq.

(3) Dionysius L. II.

(4) Cicero de barnsp. resp. c. 6.

*dierum fastorum nefastorumque tabulas* (1). Omnis etiam legis actionum & interpretandi scientia apud collegium Pontificum erat; ex quibus constituebatur, quis quoquo anno præesset privatis, qua consuetudine annis prope centum usum esse populum, refert Pomponius (2). Immo jus civile per multa secula inter sacra, caeremoniasque Deorum immortalium abditum, solisque Pontificibus notum fuisse, asserit Valerius Maximus (3), quod & confirmat Livius, dum civile jus repositum in penetralibus Pontificum evulgasse Cn. Flavium enarrat (4). Denique præter innumera, quæ adhuc proferri potuissent testimonia, idem quoque adserit Cicero, qui, se ex patre audivisse, ait, Pontificem neminem bonum esse, nisi qui jus civile cognosset (5). In tali vero rerum statu, quo incerto magis jure, consuetudine ac Pontificum auctoritate regi passus est populus, non solum jurejurando conventionali, quibus divinum judicium s. arbitrium eligebatur, sine subtiliori aliorum probandi modorum regularumque indagatione plurimas definitas controversias, sed & omnem sacrorum eum in finem adhibendorum directionem Pontificibus, Deorum voluntatem cognoscentibus, traditam atque commissam fuisse, facile eo certius existimari potest, quum & aliorum

---

(1) Cicero pro Mur. c. 11.

(2) L. 2. §. 6. D. de orig. jur.

(3) Valerius Max. L. II. c. 5. ex. 2.

(4) Livius L. IX. c. 46.

(5) Cicero de Leg. L. II. c. 19.

antiquorum hominum status e. g. Israelitarum & Germanorum fere conspirat.

§. X X X V I I.

*Stabilitis sequenti tempore Pratorum judiciis, jurisjurandi tamen extra judicium delati usus quodammodo servatus, & pacti pratorii naturam induit.*

Postquam vero sequenti tempore, quum Pontificum in causis civilibus potestas, in despoticum fere arbitrium degenerata, odiosa fieret, quod e cupiditate, qua populus evulgatos a Cn. Flavio actionum formularumque libros, antea nemini fere, nisi Pontificibus notos accepit, reputandum est, sensim curatior judiciorum facies efformabatur, & aucto cum hominibus litium numero *Pratores*, juri dicundo destinati, ut scirent cives, quod jus de quacunque re obtineret, publica edicta quotannis proponebant; tractus quidem jurisjurandi delati usus ad ipsa judiciorum subsellia, eorumque necessitati accommodatus est. Ea tamen mutatione jurisjurandi extra judicium delati usus haud plane sublatus. Sed inter utrumque *judiciale* nempe & *extrajudiciale* ea tum differentia obtinuit, quod posterius a libera semper voluntate descendere, ideoque non illius delatio solum sed & acceptatio aut recusatio adeo libera manserit, ut nulla ad illud subeundum aut referendum

*Tom. I.*

**F**

## 82 L. III. De jurejur. ex Rom. doctrina

obligatio intercefferit (1). In eo tamen cum judiciali conveniebat, quod susceptum etiam extra judicium jusjurandum Prætor tueretur, i. e. pactum antea nudum nova qualitate eo usque, ut non exceptio solum, sed & actio inde oriretur, augeret, atque pacti pratorii vi muniret (2).

### §. XXXVIII.

*Descriptio & origo jurisjurandi in judicio delati, quod itidem pacti indolem induisse, probatur generatim ex antiqua judiciorum Romanorum forma.*

Constitutis Prætorum judiciis jusjurandum deferendi facultatem inter ipsa judicia transpositam fuisse, jam indicavi. *Maximum enim remedium*, Cajus ait, *expediendarum litium in usum venit jurisjurandi religio, qua vel ex pacitione ipsorum litigatorum vel ex auctoritate judicis deciduntur controversiæ* (3).

(1) Paulus in l. 17. D. de jurejur. ibi: *jusjurandum, quod ex conventionione extra judicium defertur, referri non potest.* conf. III. G. L. Bœhmeri elegantissima tractatio de auctoritate judicis circa jusjurandum delatum & relatum §. 4. in *Elef. jur. civ. T. II. p. 657.*

(2) L. 3. L. 7. L. 9. pr. §. 1. 2. & 3. D. de jurejur. §. 11. *Inst. de Añ.* Cujacius *Obs. L. XXII. c. 7.*

(3) L. 1. D. de jurejurando. conf. Ant. Faber in *Rational. ad D. L. XII. tit. 2.*

(4) Ea Edicti verba præter alios in ordinem po-

Ita vero usum hujus jurisjurandi in judicio a partibus delati describit *Edictum Prætorium*: *Eum, a quo jusjurandum petetur, solvere aut jurare cogam, si is, qui petet jusjurandum, paratus sit jurare, non calumnia causa id se postulare. Si jusjurandum referre malet, quam jurare, potestatem faciam. Si is, qui jusjurandum petet, conditione jurisjurandi non utetur, judicium ei non dabo* (4). Ergo eo modo a Prætoribus necessitas quædam introducta, ut cum extra judicium omnia a libero tantum partium consensu penderent, nunc contra, si in judicio jusjurandum delatum esset, illud, adversario antea de calumnia sese purgante, acceptari & præstari, aut idem in adversarium deferentem referri deberet, cui tertiam adhuc viam, nempe facultatem deferentis intentionem ordinaria contrarii probatione destruenti, addo, quam jure quoque romano jam ad eum effectum, ut jusjurandum declinari potuerit, competiisse, contra alios infra

Suit Gerard. Noodtius *Comment. ad Pand. T. II.* p. 279. & 283. cui add. Jo. Gottl. Heineccius *ad Edict. perp. t. 2. Opusc. postb.* p. 523. conspirat Paulus in *recept. sentent. L. II. t. 1. ap. Schulting. jurispr. antejus.* p. 268. ibi: *In pecuniariis causis si alter ex litigatoribus jusjurandum deferat, audiendus est. Hoc enim & compendio litium & aequitatis ratione positum est. Deferre jusjurandum prior actor potest. Contrarium autem de calumnia jusjurandum reo competit. Si, reus cum jurare velit, actor ei necessitatem jurisjurandi remisit, & hoc liquido appareat, actio in eum non datur.*

docebo. Verum enim vero quamvis ea necessitate, unam ex allegatis tribus viis eligendi, reo imposita, pacti notionem, quam tamen de jurejurando quoque judiciali quavis pagina inculcant legum verba & interpretum chorus, plane everfam esse, eamque potius inter fragmenta referri debere, primo aspectu videri posset; genuina tamen pacti & transactionis iudiciiue divini superstructi indoles inter ipsa judicia salva mansit & argumentis gravissimis demonstrari potest: quæ vero altius quoddammodo, quam quidem interpretes nuda terminorum indicatione acquiescentes facere solent, repetenda esse puto. Igitur, cum antiquissimis Romæ temporibus ob iudiciorum inopiam & impatientiam maximam controversiarum privatarum partem pactis & Pontificum auctoritate finitam fuisse ostendi, tum sequenti quoque tempore, ex quo, auctis hominibus litibusque, tandem Prætorum judicia obtinuerunt, tantum abfuit, ut eorum libero arbitrio totos sese dederint homines, ad libertatem conservandam in minimis usque ad invidiam intenti, ut omnia fere Prætorum jura præter annuorum Edictorum potestatem eo circumscripta inveniamus, ut cives a vi tantum privata prohiberent, & quæ in liquido erant, exequerentur, cum etiam causæ controversæ ad ipsorum tribunalia deferrentur, illæ quidem sub Prætorum auctoritate sed unice *pactis & transactionibus* finirentur, eoque libertas naturalis in ipsis judiciis representaretur.



§. XXXIX.

*Speciatim ex indole analogæ litis contestationis, cujus vices iuramentum in iudicio delatum subiit.*

Igitur eandem pacti notionem per omnia fere iudiciorum genera sese propagasse constat. Speciatim litis contestatio in Jure sive coram Prætorē a litigantibus facta meræ pactionis, quæ sub nomine *quasi contractus* omnibus nota est, formam habuit, qua in iudices pedaneos constituendos, litisque decisionem ab illorum arbitrio expectandam compromittebant, eoque pristinam libertatem, secundum quam unumquemque juris sui & retinendi & dimittendi ipsum auctorem esse debere, dudum statuerunt, in medio iudicio conservari putarunt, cum quo principio reliqui litis contestationis effectus amice conspirarunt. Clarius adhuc patet illa pacti indoles ex ipsa iudicum constitutione. Ea enim non nisi litigantium consensu fiebat, ita, ut vel is, qui ad iudicium provocaverat, aliquem iudicem adversario *ferre* diceretur, huic vero talem iudicem *ejurare* jus esset, vel etiam a Prætorē *postularetur* aut *forte* & *urna* assignaretur. In quovis tamen modo consensu disceptantium opus fuit, qui inter se convenire debebant, ita, ut qui neutri displiceret, hunc postea prætor addiceret (1). Ergo cum nullus decidendæ causæ

---

(1) L. 80. D. de iudiciis.

præficeretur judex, quem non partes ipsæ approbassent, jam in aprico est, qualem pacti seu compromissi naturam judicii constitutio, seu litis contestatio, coram Præatore facta, comprehenderit, quam nescio, an quis clarius unquam explicuerit ipso Cicerone, qui, *neminem inquit, voluerunt majores nostri, non modo de existimatione cujusquam, sed ne pecuniaria quidem re minime esse judicem, nisi qui inter adversarios convenisset* (1). Ideo in pluribus causis etiam intuitu judicum coram ipso Præatore acceptorum antiquam *arbitri* nuncupationem sedulo servatam fuisse idem docet (2). Immo jam illud, inquit, *mihi quidem mirum videri solet, tot homines tam ingeniosos per tot annos etiam nunc statuere non potuisse, utrum judicem an arbitrum dici oporteret* (3). Hisce vero de genuina judicii romani forma nil nisi veram pacti & compromissi naturam spirante præmissis, jam facillimum est, jurisjurandi in judicio a partibus delati, pactique sub illo latentis indolem penitus cognoscere. Sicuti enim litigantes in iis litibus, quarum causa ulteriori indigere videbatur discussione & probatione, si argumentis instructi erant, litem contestabantur, i. e. invicem contrahebant, eoque compromittebant, ut judex sive arbiter, de quo sub auctoritate Præatoris convenissent, jam auditis testibus, inspectis instrumentorum tabulis, cognitisque cæteris, quæ quisque ad inten-

---

(1) Cicero *pro Cluentio* c. 43.

(2) Idem *pro Q. Roscio Am.* c. 4.

tionis suæ probationem & confirmationem proferret, sententiam conciperet, formulæ in juræ acceptæ accommodatam; ita contra, ubi vel probationum subsidia deficiebant, vel & compendio litis atque brevitatis studio omnes ambages præscindere voluerunt, sine litis contestatione ad jurisjurandi delationem statim coram Prætore descenderunt, seu quod idem est, electo in locum judicii humani immediato Deorum judicio, ut Prætor secundum eum, qui jurasset, & vindictam istam miraculosam casu oppressæ veritatis in caput suum provocasset, sententiam ferret, convenerunt.

#### §. X L.

*Denique ex ipsa jurisjurandi delati indole & variis, illud evitandi modis, reo competentibus.*

Ne vero reus videretur absolute ad conditionem jurisjurandi acceptandam cogi, eoque contra liberam conventionum naturam invitus ad specialem quandam pacti speciem adigeretur, tres illi patebant viæ, nempe acceptationis, relationis, & litis contestationis seu contrarii probationis. Ergo generatim Prætoris potestas in eo tantum vigilabat, ut sine vi privata legitimo modo i. e. pacto causam finirent partes. Ipsa vero electio & propior pacti determinatio partibus ipsis relicta, quæ illud vel in jurisjurandi con-

---

(3) Idem pro *Murena*.

ditionem vel litis contestationem dirigere poterant, quod egregie explicat Ictus Paulus (1), ibi: *ex quibus causis non cogitur legatus iudicium accipere, nec jurare cogendus est, se dare non oportere, quia hoc iusjurandum in locum litis contestationis succedit.* Idem etiam iurisjurandi ac litis contestationis erant effectus, & quamvis Ulpianus, ait: *si is, qui temporaria actione mihi obligatus erat, detulerit iusjurandum, ut jurem, eum dare oportere, egoque juravero, tempore non liberatur, quia post litem contestatam cum eo perpetuatur adversus eum obligatio*, illis tamen verbis, tantum abest, ut utrumque pactum confundatur, ut manifesto iurijurando tantum iidem effectus tribuantur, qui alias litis contestationis sunt (2).

## §. X L I.

*Hodie iurisjurandi delatio minime inter pacta sed unice inter probandi modos referenda est. Notantur simul Practicorum errores.*

Quamvis hodie Romanorum principia de immediato Deorum iudicio atque pactum iurisjurandi, quod illis superstructum invenimus, puriori religioni haudquaquam conveniat; delationis tamen usus sanæ rationi haud adversatur, verum non inter pacta sed unice probationis species referendus est. Cum enim Romani tali jurejurando non tam ad

---

(1) L. 28. §. 2. D. de jud.

eruendam veritatem, sed ea solum intentione uterentur, ut, si partes de jurejurando convenissent, causa pro finita haberetur & transacta, quoniam genuina hujus transactionis indoles supra indagata (§. 34.) in eo solum versabatur, ut alter alteri sub conditione jurisjurandi jus suum remitteret, damnumque passum cum vindictæ divinæ, quam in hac adhuc vita in adversarii pejerantis caput exspectabat, voluptate quasi compensaret; facile existimari potest, Romanos quævis pactorum jura e. g. de personarum habilitate, objectorum qualitate, tempore, irrevocabilitate, cæterosque pactorum effectus, ad jurisjurandi delationem transtulisse, eoque ipso in varias conclusiones religioni puriori manifesto contrarias incidisse, quæ a nobis applicari non possunt. Ergo id solum rationi convenit, ex *jurisjurandi delatione aut relatione, subsecutaque præstatione, exoriri probabilitatis gradum, qui ob aliarum probationum defectum pro veritate juridica in subsidium accipi potest.* Varia enim occurrere possunt inter homines negotia, quæ re quasi trepida & subito geruntur, ideoque nec testes, nec documenta, nec alias circumstantias, ex quibus posthac probabilitatum argumenta elici possent, admittunt. In tali vero causæ statu præcipuum usum præstat jusjurandum, in commune fidei receptaculum ultimumque veritatis eruendæ subsidium inventum (§. 12.) Dum igitur sponte alter alteri jus-

---

(2) L. 9. §. 3. D. de jurejur.

jurandum defert, aut refert, sufficiens probabilitatis gradus inde oritur, eum, qui ex ipsa partium electione atque voluntate jurat, fide dignum ac veritatem dicturum esse. Sicuti enim jurijurando a judice partibus delato reliquorum argumentorum concursu plena fides conciliatur, ita in jurejurando delato idem ipsa partium confidentia efficit, quæ aliorum argumentorum locum occupat. Sæpe itaque miratus sum, quoties in interpretum scripta & practicum decisa, hodiernum antiquam pacti notionem quavis pagina ad nauseam usque urgentia, incidebam, qui fieri potuerit, ut talis conceptus ad primas tantum & simplices antiquorum hominum de jurejurando opiniones accommodatus, sanæ rationis autem ac religionis principiis e diametro adversus, tam altas radices agere atque & hodiernorum Ictorum ingeniis ita sese infigere potuerit, ut quavis occasione, ubi de usu jurisjurandi delati sermo est, pactorum & transactionum terminos mira prodigalitate profundant, & quævis magis juris principia missuros, quam communem errorem eos derelicturos esse, videatur. Effecit ea pertinacia, ut, præmissis erroneo pacti principio, in applicationibus & conclusionibus ex eo deductis, nisi in sanæ rationis & religionis præcepta turpiter impingere vellent, quovis fere momento illud iterum deferere ac innumeris limitationibus e. g. circa personarum & objectorum habilitates, delationum revocationes, & retractationes &c. circumscribere, vel in

monstrosam formam transmutare cogentur. Hinc simul miræ ICtorum dissensiones ac opinionum varietates, etiam hanc doctrinam intolerabili juris incertitudine turbantes, derivandæ sunt, quarum tamen conciliatio facillima esset, si obstructo errorum fonte, a saniori principio doctrina nunc exiret. Sensit gravissimum erroris communis pondus Justus Henning. Boehmerus (1), qui tamen cum aliis in eo iterum lapsus est, quod quævis præcepta sua, ex probationis indole derivata, ea etiam, quæ non nisi prioribus sanæ rationis & religionis principiis tribuenda erant, in Romanorum legibus exquirere, illisque adfingere voluerit, eumque in finem probationis atque pacti heterogeneous partim naturas confuere studuerit, ubi potius eas separare debuisset. Quanta vero intercedat differentia inter utraque principia indicata, id e singulis jurisjurandi delati momentis sequentibus clarius patebit.

# §. XLII.

*De personis deferentibus, & quibus deferri potest  
jusjurandum secundum jus romanum & usum  
hodiernum.*

Jusjurandum secundum principia juris  
romani is tantum deferre potest, qui pacif-

---

(1) Just. Henning. Boehmerus *de probatione  
per delationem juramenti. Exercit. ad Pand. T. III.  
n. 47.*

cendi atque de rebus disponendi facultate gaudet. Recte igitur Ulpianus ait: *sive pro pacto convento, sive pro solutione, sive pro judicio hoc jusjurandum cedit, non ab aliis delatum probari potest, quam qui ad hæc habiles sunt* (1). Ergo deferre tantum possunt domini, ad bonorum administrationem habiles (2), ex qua ratione excluduntur pupilli (3), minores, curæ subjecti, qui tamen si & ipsi administraverint, ob incautam delationem in integrum restituuntur, quando se captos esse, docere possunt (4); furiosi & prodigi (5).

(1) L. 35. §. 1. D. de jurejurando.

(2) L. 9. §. 4. L. 17. 18. & 19. D. de jurejurando.

(3) L. 17. §. 1. D. de jurejur. ibi: *Pupillus tutore auctore jusjurandum deferre debet. Quod si sine tutore auctore detulerit, exceptio quidem obstabit, sed replicabitur, quia verum administrandum jus ei non competit.*

(4) L. 9. §. 4. D. de jurejurando, ibi: *Si minor XXV. annis detulerit, & hoc ipso captum se dicat, adversus exceptionem jurisjurandi replicari debet, ut Pomponius ait. Ego autem puto, hanc replicationem non semper esse dandam, sed plerumque ipsum Prætorem debere cognoscere, an captus sit, & sic in integrum restituere. Nec enim utique, qui minor est, statim & circumscriptum se docuit. Præterea exceptio ista statutum tempus post XXV. annum non debet egredi.*

(5) L. 35. §. 1. cod. Prodigus, si deferat jusjurandum, audiendus non est.

(6) L. 17. §. 3. D. de jurejur. Procurator quoque, quod detulit, ratum habendum est, scilicet, si



Recte deferunt illi, quibus *illimitata bonorum administratio* commissa est a domino (6). *Tutores & curatores*, in quantum alienare possunt (7), alias decreto magistratus opus est; *procuratores speciali* mandato instructi (8); non vero generale tantum mandatum habentes, etiamsi clausula *cum libera* inserta sit (9); eodemque modo *defensores municipiorum & procuratores fisci*, si nempe *specialiter* ad delationem instructi sunt (10).

Deferri jusjurandum potest omnibus, quibuscum lis agitur. Eorum intuitu jus ro-

aut univerforum bonorum administrationem sustinet, aut si id ipsum nominatim mandatum sit, *aut si in rem suam procurator sit*.

(7) L. 35. D. *jurejur.* Tutor pupilli omnibus probationibus aliis deficientibus, *jusjurandum deferens audiendus est, quandoque enim pupillo denegabitur actio.* L. 17. §. 2. eod. Si tutor, qui tutelam gerit, aut curator furiosi, prodigiae, *jusjurandum detulerit, ratum id haberi debet. Nam § alienare res § solvi eis potest, § agendo rem in judicium deducunt.*

(8) L. 17. §. 3. D. *de jurejur.*

(9) L. 18. D. eod. "Alias autem procuratorem deferentem jusjurandum non esse audiendum Julianus libro X. Digestorum scribit". L. 19. eod. "Si igitur mandatum fuit, procurator ut petat, ille jusjurandum detulit, aliud fuit, quam quod mandatum est".

(10) L. 34. §. 1. D. *jurejur.* "Defensor municipum vel cujusvis corporis jusjurandum deferere potest, si super hoc mandatum habeat". L. 1. §. 1. D. *de off. proc. Cas.*

manum ad personalem habilitatem fere non respicit, & quamvis Ulpianus ait: *non semper consonans esse, per omnia referri jusjurandum, quale deferretur, cum ex diversitate rerum & personarum quedam emergant, quæ varietatem inducant* (1) id tamen effatum moniti solum rationem habet, quod & Quintilianus egit (2), incautam jurisjurandi delationem patronis causarum dissuadens. Nempe secundum religionem romanam cuicunque liberum esse debuit, caput suum Diis devovere, qua vindicta si deferens contentus esse voluit, judex illud non impedire poterat. Nulla enim doctrina moralis aut cura animarum ad eam religionem spectavit. Igitur Paulus ait: *qui jurasse dicitur, nihil refert, cujus sexus ætatisve sit. Omni enim modo custodiri debet jusjurandum adversus eum, qui contentus eo, cum deferret, fuit* (3). Ex eo vero jam explicari potest, cur pupillis jusjurandum non solum deferri potuerit, sed & iidem, si voluerunt, illud ipsum præstare potuerint. Eadem enim ratione, qua meliorem conditionem suam efficere poterat pupillus, etiam jusjurandum ab eo præstitum, si eo con-

---

(1) L. 34. §. 8. D. de jurejur.

(2) Quintil. *Inst. orat.* L. V. c. 7. n. 6.

(3) L. 26. D. de jurejur.

(4) L. 26. D. l. c.

(5) L. 42. D. de jurejur.

(6) L. 34. §. 2. D. jurejur.

(7) Conf. Barclajus *Comm. ad tit. D. de jurejur.*  
ap. Ottonem in *thes. jur. rom.* T. III. p. 950.

tentus esset deferens, validum erat, & omnes effectus producere, putabatur (4), quod claris verbis affirmat Pomponius (5), cui sententiæ, quamvis contradicere videatur Ulpianus (6), hic tamen ita intelligendus est, pupillum cogi non posse ad iusjurandum præstandum, neque odiosos illius recusati effectus in eum redundare, quoniam quidem meliorem non vero deteriore reddere causam potest (7); deferitur tutoribus & curatoribus, qui de iis, quæ ab ipsis gesta sunt, jurare debebant (8), immo etiam, si deferens contentus fuit, de factis ab ipsis non susceptis, sed volentes tantum jurare poterant, grave enim videbatur, & ignorantes & invitos tutores sub alieni compendii emolumento etiam perjurium anceps subire. Si tamen tantam affectionem pupillo suo vel adolescenti tutoris vel curatores præstare volunt, auctoritas juris non refragabitur, quin iudicio, quod inter ipsos acceptum est, finis ejusmodi possit adhiberi; non enim ad suam utilitatem referenda est, sed ad domini, cujus nomine tutela ratio postulatur (9) similiter procuratoribus & defensoribus, qui secundum eadem religionis princi-

---

(8) L. 5. C. de R. C. "Cum etiam a pupillorum tutoribus velut ab ipsis pupillis relicta fideicommissa videantur, super fideicommissis Præses provinciæ cognoscet, & si id tibi relictum esse constiterit, reddi tibi efficiet. Idem si inficietur, ad iusjurandum, ut desideras, tutorem adiget". L. 20. C. de fideicommissis.

(9) L. 4. pt. D. de jur. in lit. L. 34. §. 3. D. de jurej.

pia volentes illud ipsum præstare potuerunt, dominoque actiones inde oriundas acquisiverunt, quoniam meliorem omnino illius conditionem effecerunt (1). Neque tamen semper dominis jusjurandum cum effectu deferri potest, quo præcipue pertinent *debitores obarati*, quorum saltem recusatio & confessio in fraudem creditorum reliquorum allegari non potest (2).

Hodie, quamvis jurisjurandi delatio non tam ex pacti regulis sit æstimanda, sed potius inter probandi modos referenda, ea tamen est actus, variis cum præjudiciis conjunctus, ideoque maxima cum cautione in subsidium eligendus, qui ab illis tantum valide suscipitur, qui ad res administrandas agendasque capaces sunt. Ergo principia juris romani de personis deferentibus hodiernum applicari possunt. *Perjuris* etiam deferendi facultas competit,

---

(1) L. 9. §. 6. D. *de jurejurando*. "Jusjurandum defensoris vel procuratoris, ei ab adversario delatum, prodesse, exceptionemque domino parere, Julianus scribit. Idem ergo dicendum erit, & si datus ad petendum procurator, reo deferente juraverat, dari mihi oportere. Nam actionem mihi parit. Quæ sententia habet rationem". L. 34. §. 3. *eod.* "Procurator non compellitur jurare, nec defensor, & ita Julianus scribit". L. 10. "Digestorum, defensorem jurare non compelli, sufficereque ad plenam probationem, si paratus sit iudicium accipere". L. 42. §. 2. *eod.* "Sed &, si actore deferente, defensor absentis vel præsentis juravit, eum, quem

competit, cui quidem sententiæ id adversari videtur, quod in tales nulla relatio fieri possit (2). Sed hodie referendi facultas non ex pacti libertate, ut apud Romanos, est explicanda, sed eo solum fine conceditur, ut facta referendi occasione, is, qui maiorem fidem habet, a partibus ipsis ad jurandum eligatur. Atqui vero, qui vel ex delatione vel ex relatione jurat, in tali conditione versatur. Si autem ab initio in persona deferentis adest impedimentum, tum nihil obstat, quo minus alter absolute aut ad jurandum aut ordinariam contrarii probationem adigatur. Contra autem hodie non omnes, in quos jure romano jurisjurandi delatio fieri potest, ad jurandum admitti possunt, neque ea Romanorum doctrina, qua quisque, cum quo deferens contentus esset, ex pacto jurare possit, hodie applicanda. Igitur deferri jusjurandum non potest *perjuris*, qui, etiamsi deferens contentus esset, tamen arcendi sunt, quoniam probabilitas fidei deficit, judici vero

---

quem defendit, dare non oportere, exceptio jurisjurandi ei, cujus nomine juratum fuerit, dari debebit”.

(2) L. 9. §. 5. D. *de jurejur. ibi*: „Sed &, si quis in fraudem creditorum jusjurandum detulerit debitori, adversus exceptionem jurisjurandi replicatio fraudis creditoribus debet dari. Præterea si fraudator detulerit jusjurandum creditori, ut juret, sibi decem dari oportere, mox bonis ejus venditis experiri volet, aut denegari debet actio, aut exceptio opponitur fraudatorum creditorum”.

*Tom. I.*

G

ex officio incumbit, perjuria evitare, eo-  
que cultum veri Dei casto jurisjurandi usu  
promovere (§. 7.). Cæterum deferri qui-  
dem potest *pupillis*, sed præstatio jurisju-  
randi usque ad habilem ætatem suspenden-  
da est (§. 9.); *tutoribus & curatoribus* super  
factis propriis; de factis alienis non sunt ad-  
mittendi (1), *procuratoribus & defensoribus*,  
*præfectis principum*, aliisque *administratori-*  
*bus & institoribus*, circa ea, quæ ipsi gesse-  
runt (2). De factis alienis & domini procu-  
ratores eatenus tantum jurant, quatenus ex  
mandato in animam alterius jurare licet, de  
quo infra. Immo ab iisdem personis sc. ad-  
ministratores, &c. in causis & negotiis ab  
ipsis gestis, aut illis solum notis præstandum  
est jusjurandum, etiamsi domino delatum  
fuerit (3); defertur *pluribus consortibus*, *cor-*  
*poribus & universitatibus*, quo tamen casu, ut  
irrationalis multiplicatio evitetur, non om-  
nes jurant, sed quidam, qui rei notitiam op-  
timam habent, & regulariter ab ipsa univer-  
sitate eligi ac mandato instrui possunt (4); si

---

(1) Leyser sp. 136. m. 5.

(2) Idem sp. 136. m. 1. 2. 3. 4. De Puffendorf  
obf. T. I. obf. 81.

(3) L. 97. D. de cond. & demonstr. Claproth  
*im bürgerl. Process* §. 333.

(4) Nisi a deferente probabiles & idoneæ causæ,  
cur alii designandi sint, afferantur. De Puffendorf  
T. II. Obf. 124. Leyser Sp. 143.

(5) L. 14. 19. D. ad municip. L. 97. D. de  
cond. & dem.

omnes in æquali notitia versantur, administratores & præfides ad jusjur. admittuntur (5), quamvis existere posse casus concedam, quibus plurium aut omnium quoque jusjurandum exigat peculiaris causæ qualitas, de quibus tamen ob innumeras causarum huc spectantium diversitates regulæ universales tradi non possunt.

§. XLIII.

*De causis, in quibus jusjurandum deferri potest jure romano & hodierno.*

Jusjurandum jure romano deferri potest in omnibus causis, transactionum pactorumque facultati subjectis, ergo in actionibus præjudicialibus & principalibus, realibus & personalibus, possessoriis & petitoriis, bonæ fidei & stricti juris (6). Ulpianus enim ait: *Jusjurandum & ad pecunias & ad omnes res locum habet. — Nec de injuria queri adversarius potest, cum possit jusjurandum referre* (7). Quam etiam

(6) L. 3. §. 1. D. de jurejur. ibi: *Quæcunque autem actione quis conveniatur, si juraverit, proficiet ei jusjurandum, sive in personam, sive in rem, sive in factum, sive pænali actione vel quavis alia agatur, sive de interdicto.* L. 10. C. de R. C. ibi: *In actione etiam depositi, quæ super rebus quasi sine scriptis, datis movetur, jusjurandum ad exemplum caterorum bonæ fidei judiciorum deferri potest.* Varia exempla occurrunt in L. 13. & L. 28. D. de jurejurando.

(7) L. 34. D. de jurejurando.

sententiam sovet Paulus, qui in omnibus visionibus tradit, licentiam concedendam esse ei, cui onus probationis incumbit, adversario suo de rei veritate jusjurandum inferre, prius ipso de calumnia jurante, ut iudex juramenti fidem secutus, ita suam sententiam possit formare (1). Speciatim, cum delictorum privatorum ea esset natura, ut præter damni persecutionem poena legibus statuta unice ad actoris patrimonium spectaret, in illis quoque tam circa actionem rei persecutoriam, quam poenalem, transactionem (2) & jurisjurandi delationem licitam fuisse, facile existimari potest, eo quidem effectu, ut utraque actio præstito ju-

(1) L. 25. §. 3. D. de prob.

(2) L. 11. D. de actione rer. amot. ibi: Qui rerum amotarum instituit actionem, si velit magis jusjurandum deferre, cogit adversarium jurare, nihil divortii causa amotum esse, dum prius de calumnia juret, qui jusjurandum desert. L. 5. §. 8. D. de injur. Hac lege permittitur aëtori jusjurandum deferre, ut reus juret, injuriam se non fecisse.

(3) L. 13. §. 2. D. de jurej. Idem Julianus scribit, eum, qui juravit, furtum si non fecisse, videri de toto jurasse, atque ideo nec furti neque condictionis tenetur, quia condictionis, inquit, solus fur tenetur. Ergo & in famoso judicio locum habuit jurisjurandi delatio. L. 9. §. 2. D. h. t. L. 6. §. 4. D. de his qui not. infam. Sed ob recusationem infamiam cessasse probabilius est. Van de Water obs. jur. rom. L. II. c. 10.

(4) L. fin. C. de prob.

(5) L. 9. §. 7. D. de jurejur. ibi: Si petitor ju-



rejurando periret, & ex recusato condemna-  
tio tantum pecuniaria sequeretur (3). Exci-  
piuntur tamen *judicia criminalia*, in quibus  
accusatores eam tantum rem in publicam no-  
tionem deferre jubentur, quæ munita sit ido-  
neis testibus, vel instructa apertissimis docu-  
mentis vel indiciis ad probationem indubita-  
tis & luce clarioribus (4); *jura tertiorum*,  
quæ jurejurando interverti non possunt. Er-  
go jusjurandum a possessore aut petitore præ-  
stitum proficit quidem adversus deferentem,  
tertio vero supervenienti, & jus suum per-  
sequenti nocere non potest (5). Neque re-  
gulariter super *factis alienis* delatio fieri po-

ravit, possessore deferente, rem suam esse, auctori  
dabitur actio, sed hoc duntaxat adversus eum,  
qui jusjurandum detulit, eosque, qui in ejus lo-  
cum successerunt. Caterum adversus alium si velit  
prærogativa jurisjurandi uti, nihil ei proderit. L.  
10. eod. Quia non deberet alii nocere, quod inter  
alios actum esset. L. 11. eod. Sed si possessori fuerit  
jusjurandum delatum, juraveritque rem petitoris  
non esse, quam diuquidem possidet, adversus eum,  
qui detulit jusjurandum, si petat, exceptione ju-  
risjurandi utetur; si vero amiserit possessionem,  
actionem non habebit, ne quidem si is possideat,  
qui ei jusjurandum detulit, non enim rem suam  
esse, juravit, sed ejus non esse. Proinde, si cum  
possideret, & deferente petitore rem suam juravit,  
consequenter dicemus, amissa quoque possessione,  
si is, qui detulit jusjurandum, nactus sit possessio-  
nem, actionem in factum ei dandam & fructus  
perceptos ex re, quam meam esse juravi, restitui  
mibi placuit. Sed & partum editum, factusque pe-

tuit (1); quod vero secundum principia juris romani ita tantum intelligendum est, invitum neminem cogi potuisse, ad jusjurandum de facto alieno præstandum (2), sed legitimam eo casu adfuisse excusationis causam (3). Sicuti autem tutores, procuratores, defensores volentes etiam de factis alienis jurare potuisse supra docui, ita quoque secundum eadem religionis principia volentes admittebantur alii e. g. ii, quibus a muliere, ventris nomine bonorum possessionem petente super graviditate propria jusjurandum delatum est (4); hæredes, qui quidem de

---

*corum restituendos constat post jusjurandum delatum.*

(1) Arg. L. 4. D. de jurejur. in lit.

(2) L. 11. §. 2. D. de act. rer. amot.

(3) L. 42. D. de R. I. ibi: *Qui in alterius locum succedunt, justam habent causam ignorantia, an id, quod peteretur, deberetur. Fidejussores quoque non minus, quam hæredes justam ignorantiam possunt allegare. Hac ita de hærede dicta sunt, si cum eo ageretur, non etiam si agat, nam plane, qui agit, certus esse debet, cum sit in potestate ejus, quando velit experiri, Et ante debet rem diligenter explorare, Et tunc ad agendum procedere.*

(4) L. 3. §. 3. D. de jurejur. Unde Marcellus scribit, etiam de eo jurari posse, an pragnans sit mulier, vel non sit, Et jurijurando standum. Denique ait, si de possessione erat questio, servari oportere; si forte quasi pragnans ire in possessionem volebat, Et cum ei contradiceretur, vel ipsa juravit, se pragnantem, vel contra eam juratum est;

factis defuncti ad iusjurandum minime cogi, sed tamen volentes admitti debuerunt (5). Cessavit etiam in *exceptione non numerata pecuniae* post biennium vel reliqua tempora legitima elapsa, quia tum contra confessionem numerationis scriptam nulla amplius contrarii probatio locum habere potuit.

# §. XLIV.

*De causis hodie exceptis: I. de factis alienis & jurejurando heredum, II. de irrelevantia causa, ubi & speciatim de probatione consuetu-*

nam si ipsa, ibi in possessionem sine metu, si contra eam, non ibi, quamvis vere pragnans fuerit. Proderitque, inquit Marcellus, mulieri juranti iusjurandum, ne conveniatur, quasi calumniae causa ventris nomine fuerit in possessionem, neve vim patiatur in possessione. Sed an iusjurandum eo usque proficit, ut post editum partum non queratur, ex eo editus, an non sit, cuius esse dicitur, Marcellus tractat. & ait veritatem esse quarendam, quia iusjurandum alteri neque prodest, neque nocet. Matris igitur iusjurandum partui non proficiet, nec nocebit, si mater detulerit, & juretur, ex eo pragnans non esse.

(5) L. 42. de R. I. L. 11. §. 2. D. de act. rer. amot. ibi: Jurare autem tam vir, quam uxor cogetur. Pater autem amoventis jurare non cogitur, cum iniquum sit, de alieno facto alium jurare. It ergo cogitur jurare, qui amovisse dicitur, & idcirco nec heres ejus, qui quare amovisse dicetur, jurare cogetur.

dinis agitur, III. de probatione aliunde per-  
fecta, IV. de causis levissimis.

Principia juris romani hætenus exposita ad calculum sanæ rationis & religionis christianæ revocanda sunt, & non sine cautione applicanda (§. 12.). Igitur manet quidem regula, jurisjurandi delationem in omnibus causis fieri posse. Sed partim catalogo causarum exceptarum aliæ, ubi perjurii aut temerarii abusus metus jusjurandum arcet, addendæ, partim vero illæ, quas jus romanum nominat, varie corrigendæ sunt. Excipiuntur ergo ob ignorantiam *facta aliena*, quorum alter, cui jusjurandum deferretur, notitiam non habet, ita, ut ne quidem volens ad jusjurandum admitti possit. Quod enim jam supra circa paradoxa juris romani principia expurioribus religionis præceptis monui, hodie nempe omnia perjuria, quæ prævidentur, evitanda, neque si ipse deferens contentus sit, permittenda esse, id etiam hic obtinet. Ergo speciatim *heredes* jurare tantum possunt de propriis factis, de factis defuncti, ipsis notis, aut denique de ignorantia, quod sc. ea defuncti facta, quibus deferens intentionem suam superstruit, nesciant. Quod vero vulgo vocatur jusjurandum *credulitatis*, cum omnibus suis distinctionibus & limitationibus ad erronea Doctorum commenta pertinet & tanquam irrationabile & superfluum e foro proscribendum est. Omnis enim credulitas fluctuat. Ad incertam autem animi senten-

---

(1) Claproth l. c. §. 321.

tiam jusjurandum accedere non potest. Si quis argumentis movetur, ut factum, quod ipse sensibus non percepit, sic magis, quam aliter contigisse, credat, ea indicanda sunt, & per se non vero ex jurejurando causam instruunt. Igitur ex eadem ratione jusjurandum credulitatis in indaganda veritate ne exiguum quidem utilitatem præstat & mere superfluum est, quoniam jurans in ipsis credulitatis ratiociniis facillime errat. II. Illæ causæ, ubi jurisjurandi delatio non juvat, si nempe aut factum, de quo jusjurandum delatum, decisioni causæ non inservit aut causa ita comparata est, ut pro singulari illius natura jurejurando probari non possit. Quo pertinet e. g. probatio *consuetudinis & observantiae*, quæ jurejurando delato fieri non potest. Agendum prius de alia quæstione, num *possessiois immemorialis* probatio jurejurando delato adstrui possit, quam simpliciter negat ill. Claproth (1) affirmat autem ill. Puffendorff (2). Ego vero, quamvis in cæteris omnibus temerarium fere putem, a tantis viris dissentire, neutri tamen in præfenti totus accedere possum, sed sententiam dividendam censeo, ita, ut in plerisque casibus possessionis immemorialis probationem jurisjurandi delatione fieri non posse, concedam, sed casus tamen dari contendam, ubi ad eum finem illi locus esse possit. Nempe, cum in tali causa præter cæteros probandi modos ii præcipue communitatis consortes,

---

(2) V. Puffendorf Obs. T. II. obs. 55.

qui ætate provectiores, audiendi & tanquam testes producendisint, sicum junioribus lis agitur, nil juvat jusjurandum hisce delatum, quoniam ætate provectiores, alia forsan notitia instructi, audiendi sunt (1). Ergo in eo casu cessat jurisjurandi delatio tanquam irrelevans. At si cum senioribus ipsis, qui reliquos ætate vincunt, lite quadam contendo, tum equidem non dubito, quin illis jurisjurandum a me, deferri possit, ita tamen, ut interdum simul ætate post illos proximiores tanquam testes produci & audiri possint, si natura causæ eos exigit; & relatio jurisjurandi in me cessare debeat. Neque hoc casu obijciendum quod non admitendum sit jusjurandum, ubi aliunde perfecta probatio prodest. Diversa enim adsunt capitula probationis. Nempe posteriores & seniores de alia periodo temporis atque sua scientia deponunt & seniorum quidem, quibuscum litem ago, locus aliorum personis suppleri non potest. Neque obstat relationis impossibilitas. Dantur enim & alii casus, ubi jusjurandum judiciale sine relationis facultate locum invenit. Tantum quidem de possessione immemoriali. Sed diversa plane ratio est *consuetudinis & observantiæ*, quam jurisjurandi delatione nullo casu probari posse consentio. Priori enim casu de privatorum & litigantium tantum jure sermo fuit. Hoc vero si etiam cum senioribus immo personis, judicis qualitate præditis, qui alias tanquam

---

(1) Idem I. c. T. I. obs. 151.

testes producendi essent, litem ago, ob propriæ causæ impedimentum mea delatio & fidei electio efficere non potest, ut tertiorum juribus præjudicium inferatur. Atqui consuetudo probata tanquam lex reliquos omnes obligat. Itaque ad eum effectum probatio aliis modis fieri debet. Neque contra me ipsum jurisjurandi delatione consuetudinem legitime probavi. Quod enim respectu ad alios legis qualitate destituitur, id nec adversus me efficax esse potest.

Cessat jurisjurandi delatio *contra alterius probationem jam perfectam*, speciatim, e. g. *contra confessiones & documenta plenam fidem inferentia*, &c. jurisjurandi delatio non amplius locum invenit. Hodie tamen, quatenus etiam post tempus privilegiatum effluxum exceptio non numeratæ pecuniæ, quam practici vocant non privilegiatam, conceditur & probari potest, debitori ad eam provocanti etiam jurisjurandi delatio permitenda esset. Cessat etiam *in causis levissimis*, quoniam tum abusus jurisjurandi committeretur.

## §. X L V.

### *Continuatio V. de causis criminalibus.*

Excluduntur porro a jurisjurandi delatione *Causa Criminales* & quidem hodie ex iis rationibus, quia ob metum poenæ, vitam, corpus, aut famam invadentis, atque affectus eo ipso excitati vehementiam lapsus ad perju-

rium facillimus est, neque recusatio fidem conciliare posset, cum in criminalibus exiguntur probationes luce meridiana clariores & confessiones claræ, perspicuæ, qualificatæ; quia ob salutem publicam, cujus jura magistratus ex officio persequitur, poena publica in quævis delicta statuitur, etiam ea, quæ jure romano privata tantum poena notata inveniuntur, ideoque & probationum electio privatorum quamvis accusantium arbitrio non amplius relinqui potest; quoniam ea, quæ in causis civilibus præcipue jurisjurandi delati usum suadet causa, ut nempe privati sine sua culpa ob negotii naturam solemnibus probationibus destituti, habeant tamen in ultimum subsidium remedium quoddam, quo jura sua aut damnorum ipsis illatorum resarcitiones persequantur, in causis criminalibus, quatenus de poena tantum agitur, deficit. Poena enim jura privatorum læsa damnaque in patrimonio passa non restituit, sed salutem tantum publicam i. e. futuram securitatem, exemplorum metu firmandam curat. Ad eum vero finem obtinendum, id, quod læsis tantum ad suum recuperandum intentis ignoscendum est, judicem non decet argutulum esse, sed potius manifestæ probationes requiruntur. Immo si jusjurandum quoque admittendum est, ut e. g. purgatorium, id a judice ipso deferri deberet. Hæc omnia clara sunt. Sed occurrunt sæpe casus, ubi præter poenam publicam decernendam simul de privatorum damnis, delicto datis, resarciendis quæritur; num illi ad finem posteriorem obtinen-



dum probationem jurisjurandi delatione adstruere possint? Difficillime ea quæstio regula universali comprehenditur, neque a Doctoribus certi quidquam ea de re traditum adhuc inveni. Sed tentabo tamen, regulas quasdam, ad nostrum statum accommodatas, definire.

*Prima hæc est: ubi interesse privatum, nempe rei ac damni persecutio gravior est, quam pœna publica, factum illicitum subsequens, ibi, ut e. g. in delictis levioribus, in qua tantum mitior carceris pœna aut mulcta pecuniaria statuitur, jurisjurandi delatio ab actore, privatum interesse persequente, fieri potest, & quidem eo effectu, ut ob recusationem non solum ad actionis rei persecutoria summam reus condemnandus, sed & intuitu pœna infligendæ pro confesso habendus sit.* Quod enim in causa principali graviori hoc casu iustum est, id & in accessoria leviori obtinere, censendum. Ergo e. g. in causis stuprorum deferri potest jusjurandum, ubi stuprata ad alendum & agnoscendum partum, refundendos puerperii sumtus atque congruam dotem, sive potius damnum defloratione datum, resarciendum agit. Recusato jurejurando præter satisfactionem privatam tantquam causam graviolem, simul pœna, quæ hodie carcere tantum aut mulcta pecuniaria consistit, neque infamiam juris inferre videtur, decerni potest. Idem juris esse puto in causis vulnerationum leviorum, quas solum mulcta aut carceris pœna sequitur. Si igitur tali casu actione legis Aquiliæ utili ad restituendos sumtus, in curam factos resarciendaque reliqua damna, aut in factum agitur,

jurisjurandi delatione non solum causa principalis satisfactionis privatae deciditur, sed & accessorium, nempe poena decerni potest. Denique etiam in aliis causis, ubi factio illicito alteri damnum in patrimonio datum est, secundum indicatam regulam, illiusque limitationes jurisjurandi delationem cum iisdem effectibus fieri posse, non dubito; e. g. si testamentum ob nullitatem impugnatur, quod alter testatorem dolose ad testandum coegerit.

*Altera regula: Etiam in causis, ad delicta graviora, poenam corporis afflictivam aut minimum infamiae juris inferentia, spectantibus, quoad privatam rei damnive persecutionem locum habet jurisjurandi delatio, quae tamen a priori regula in eo differt, quod haec ob jusjurandum recusatum aut ex relatione praestitum condemnatio quidem intuitu causa privatae pecuniariae fieri, neutiquam vero simul poena publica gravior decerni, deinde, si reus illud acceptavit, cessante recusationis effectu iudex tamen ob perjurii metum interdum actuale illius praestationem prohibere possit.* Applicari haec possunt principia juris romani supra allegata, quamvis ex diverso fonte hausta, nempe, de actione sua civili & privata quemque etiam in causis famosis transigere potuisse, ideoque jurisjurandum deferre, sed poenas publicas aut criminales ob recusationem locum non invenisse. Hodie, quamvis jurisjurandi delatio non amplius inter pacta & transactiones, sed unice inter probandi modos referri debet, illa tamen etiam posteriori respectu non sufficit, ut facta recusatio, aut jusjurandum ex relatione praestitum pro-

confessione aut idonea probatione habeatur. Requiritur enim ad pœnam graviolem & in specie criminalem inferendam confessio pura, perspicua, qualificata. Neque accusatoris testimonio ad illum insignem effectum fides tribuenda. Quodsi vero intuitu pœnæ odiosi recusationis effectus cessant, tum causa criminalis, quoad rei persecutionem & interesse privatum, causæ civilis naturam assumit, adeoque nullum amplius impedimentum adest, quo minus posteriori respectu jurisjurandi delatio cum eo effectum, ut recusationem aut relationem condemnatio pecuniaria sequatur, locum habeat. Si vero acceptavit reus, hunc quoque effectum cessare necesse est, quamvis actualis præstatio interdum a iudice remitti & ob perjurii metum prohiberi possit, quod jam observavit Boehmerus ad C. C. C. a. 62. §. 3. Contingere id potest, e. g. in variis *falsorum* generibus, *incestu juris humani*, in *adulteriis*, quatenus ad alendum partum illegitimum & reliquam satisfactionem agitur, ubi recusato jurejurando eove ex relatione præstato condemnatio quidem pecuniaria, non vero pœna publica neque divortium locum invenit.

*Tertia regula: in criminibus vero gravissimis, ubi pœnæ vel capitales, vel corporales, illis proximiores sequuntur, tam quoad pœnam publicam, quam interesse privatum non admittenda est jurisjurandi delatio.* Si enim limitatio, secundæ regulæ addita, quod nempe recusatio jurisjurandi quoad pœnam fictæ confessionis effectum habere non possit, etiam heic

applicari vellet, obstaret tamen gravitas causæ & suspicio, reum acceptato & præstito jurejurando adeoque commisso perjurio maluisse ob metum pœnæ humanæ etiam remotissima delicti indicia arcere, quam eo recusato & satisfactione læso præstita, judicis oculos in se convertere. Quantumvis enim secundum istam limitationem recusatio talis quoad pœnam adversus eum allegari non posset, ille tamen metuit, judicem in requendis reliquis indiciis eo attentiolem & scrupulosiorem futurum, quod efficit, ut in tali casu nulla a delatione utilitas expectari possit. Ergo e. g. in *incestu juris divini*, in *homicidiis*, *incendiis*, *rapinis*, *furtis*, etiam quoad damni persecutionem plerumque cessat jurisjurandi delatio. Quamvis enim quoad furti obijci posset, interdum e. g. intuitu furti parvi & primi mitiores obtinere pœnas corporales, eo tamen casu levitas summæ plerumque obstare mihi videtur, ut & ob solum interesse privatum jusjurandum deferri possit. Neque, ut satis constat, Romanorum principia de furtis ac rapinis, tanquam delictis privatis heic applicanda sunt, quoniam hodie ea omnia fere ad publicam & criminalem cognitionem pertinent.

Tenendum tamen *quarto*: in omnibus istis casibus, ubi in causis criminalibus jusjurandum deferri posse docui, id tantum finita inquisitione atque deficientibus omnibus aliis probandi modis fieri debere. Si enim ipse judex inquirendo veritatem jam detexit, causa privata statim decisa est, nec ulteriori delatione jurisjurandi eget.

Denique

Denique quinto: id adhuc monendum censeo, me in regulis hæcenus stabilitis sub causa privata nil nisi veram rei aut damni persecutionem intelligere, minime vero ea remedia, quæ & hodie forsan, ad meram vindictam & pœnam privatam exercendam competunt. Deficit enim ibi genuina ratio, jurisjurandi delati usum sustinens, nempe patrimoniorum summa securitas & ultimum necessitatis subsidium, ad eam servandam comparatum. Qualem favorem causæ, mere voluptuariæ, illæ imprimis, quæ affectus hominum perversos incitant, non merentur. Ergo in causis injuriarum, si æstimatoria tantum aut recantatoria agitur, cessat jurisjurandi delatio; quoniam utraque pœnalis est.

#### §. XLVI.

*Continuatio VI. de causis matrimonialibus, in quibus nova theoria offertur.*

Spectant huc porro VI causæ matrimoniales. Constat, quantos in dissensus atque perversarum opinionum gyros circumacta fuerit maxima Jureconsultorum etiam protestantium pars, ineptis quibusdam canonum, apertis erroribus superstructorum, traditionibus. Nempe secundum eas contractus matrimonii inter mere spiritualia refertur, continens sponsiones indissolubiles plane Deo factas, ac quævis temporalia respuit. Ad hanc sententiam stabiliendam Patrum meditationes oratoricæ ansam dederunt, imprimis

Tom. I.

H

Chrysostomi & Augustini, qui epistolam ad Ephesios tot figuris exornarunt, ut domum sacramentorum in classem reposita sit conjugii celebratio. Eo vero simul effectum, ut non solum ipsa matrimonia plene contracta sed & sponsalia de presenti, quæ jure canonico verum & ratum matrimonium constituunt (1), omni transactionum facultati subtraherent (2); simul vero totam Romanorum de jurejurando delato doctrinam, quod illi insit transactio, huc transferrent, illiusque usum quidem pro non vero contra sponsalia & matrimonium concederent (3). Verum enim vero, quoniam Protestantes ea de sacramento matrimoniali principia nunquam adoptarunt, atque porro in eo conveniunt, meris sponsalibus etiam per verba de presenti conceptis, quæ secundum concilium Tridentinum non, nisi coram proprio paracho & testibus (4), inter *Protestantes* vero demum benedictione sacerdotali in matrimonium verum & ratum promoventur,

(1) C. 14. X. de conversione conjugatorum. c. 22. 31. X. de spons.

(2) C. ult. X. de transactionibus.

(3) C. 34. X. de jurejur. c. 9. in fin. X. de restit. in integr. c. 7. X. de sent. & re jud. Unde quoque explicandum est, cur non licuerit jurisjurandi delatio super facto impotentiae ad concubitum. Obstare quidem videtur c. 5. X. de frigidis, &c. ubi jusjurandum permissum. Sed ibi tantam de supplendis reliquis probationibus sermo est.

(4) Conc. Trid. sess. XXIV. de Reformat. matrimonii c. 1. Espen Jus eccles. P. II. S. I. t. 12.

effectus matrimoniales indistincte tribui haud posse (5); intelligi vix potest, quibus rationibus persuaderi potuerint etiam Doctores protestantes, ut, destructo licet principio, conclusiones tamen juris canonici admiserint, & in Protestantium quoque foris jurisjurandi delationem quidem pro, minime vero contra sponsalia & matrimonium fieri posse contenderent (6). Ergo si tantum ea perversa ratiocinandi ratio consideratur, neque ad alia causarum matrimonialium momenta respicitur, mirari non debemus, piguisse alios & puriores religionis ac jurisprudentiæ cultores talium errorum, atque spuriarum conclusionum ad reliquias ecclesiæ Romanæ referendarum. Itaque pertruxerunt tandem praxin eam tyrannizantem, præcuntibus atque signa ferentibus præcipue Ictis Hallensibus, & in causis sponsalia concernentibus jurisjurandi in judicio sive a partibus sive a iudice delati usum tam contra sponsalia, quam pro illis admiserunt (7) cæ-

c. 5. §. 26. T. I. p. 568.

(5) Just. Henning. Boehmerus de incongrua Praxi doctrinæ de sponsalibus de futuro & de præsenti c. II. Brukner Dec. jur. matr. c. I.

(6) Loco omnium provoco tantum ad Carpzovium in Jurispr. for. P. I. c. 12. def. 30. Const. 2. def. 3. n. 1. Jurispr. eccles. L. II. def. 213. n. 4. L. 3. def. 44. n. 10. illiusque Defensorem Gothofr. Barthium de juramento judiciali contra matrimonium non admittendo, Lips. 1712.

(7) Brunnemann ad l. 9. de jurejur. n. 25. 26. Strykian pater in usu mod. tit. de jurej. §. 30. Stry-

terum vero jurisjurandi delationem quidem pro non vero ad dissolutionem matrimonii jam contracti concesserunt (1). Cujus vero sententiæ sequentes præcipue rationes allegantur.

Quod doctrinæ juris canonici de sacramentis matrimoniorum & sponsalibus de præsentī hodie ad nostra sponsalia applicari non possint; & quamvis hodie etiam, non quidem ob sacramenti qualitatem, sed alias salutis publicæ rationes, neque matrimonia sine legitima causa rescindenda, neque sponsalium dissolutiones meris ac privatis partium arbitriis relinquendæ sint, attamen in causis matrimonialibus sponsalia imprimis concernentibus sub auctoritate consistoriorum & judicum variæ transactiones validæ omnino contingere possint, adeoque omni ex parte claudicare debeat conclusio ab inhabilitate objecti ad transigendum desumpta, & ad causas sponsalicias Protestantium atque jurisjurandi delationem sub auctoritate iudicis factam, derivata. Ego quidem huic ICto-

---

kus fil. de delatione juramenti in causis matrimonialibus. Casp. Matth. Muller de jur. delat. in causa contr. matr. Boehmerus in jure eccles. prot. L. II. t. 24. §. 66. Idem von dem richtigen Gebrauch der Erfüllungseides in Ehesachen, in Wöchentlichen Hallschen Anzeigen a. 1735. n. 21. & in exc. Schottii juristischen Wochenblatt 1. Jahrg. Leipz. 1772. n. 13. Ludovici in der Einleitung zum Consistorial-proceß c. 15. §. 5. Leyser sp. 135. m. 8. Titius in der Probe des teutschen geistlichen Rechts



rum sectæ in eo lubens accedo, quod hodie saltem inter Protestantes nulla fere juris canonici applicatio hac in doctrina fieri possit, sed omnes conclusiones inde deductæ ad absurdum redeant. Immo liberiores eorum sententiam novo adhuc, eoque gravissimo argumento sustineri posse, mihi videtur, quod nempe jurisjurandi delatio hodie minime inter pacta & transactiones sed unice inter probandi modos referri debeat. Quo supposita, tota illa disputatio de forma matrimonii, de habilitate illius ad transigendum, cum cæteris consecrariis uno fere ictu evertitur. Sed missa illa matrimoniorum inspectione, eorumque cum transactionibus facta comparatione, cui indagandæ hætenus Icti unice fere incubuerunt, equidem, si de lege ferenda sermo esset, aut opinionibus novas opiniones addere liceret, ex alio plane juris capite omnem in causis matrimonialibus jurisjurandi delationem, sive pro matrimonio sive contra illud fiat, hodiernæ jurisjurandi indoli adversari contenderem, atque parcum illius usum causarum patronis & ju-

---

L. V. c. 5. §. 3. sq. Kæstner progr. juramentum in causis matrimonii recte etiam negative deferri Lipf. 1727.

(1) Conf. præter auctores jam citatos de Puffendorf T. I. Obs. 73. Claproth *Einleitung in den ordentlichen bürgerlichen Process* I. Th. 2. Abtheil. §. 321. n. 3. 4. Suppletorium tamen etiam contra matrimonium admittunt. Boehmer *von Gebr. des Erf. Eides in Ehesachen* l. c.

H 3

dicibus suaderem, idque ex sequentibus rationibus.

Obstat enim affectuum vehementia & regula supra §. 12. stabilita, quo minus jurijurando litis decisorio tali in causa locus esse possit. Sive enim pro, sive contra agitur, aut amor, aut insignis lucri cupido, aut odium implacabile, aut metus individuae ac perpetuae societatis partium animos mire perturbat, ut nullibi facilior ac probabilior lapsus ad perjurium cogitari possit. Probo potius ea in re cautiorem Romanorum philosophiam. Recte enim, Cicero inquit: *Impulsio est, quae sine cogitatione per quandam affectionem animi facere aliquid hortatur, ut amor, iracundia, aegritudo, vinolentia & omnino omnia, in quibus videtur animus ita adfectus fuisse, ut rem perspicere cum consilio & cura non potuerit, & id quod facit, impetu quodam animi potius, quam cogitatione fecerit* (1) & alibi: *qui se propter vinum aut amorem aut iracundiam fugisse rationem dicet, is animi vitio videtur nescisse, non imprudentia* (2). Recte etiam Justinianus, novimus, inquit, & castitatis sumus amatores, nihil esse furore amoris vehementius, quem retinere philosophia est perfecta, monentis etiam, & insipientem & inhaerentem concupiscentiam refranantis (3). Atqui, cum liquido jurandum esse censuerunt (4), amantium

(1) Cicero de inv. L. II. c. 5.

(2) Idem ad Herenn. c. 16.

(3) Nov. 74. c. 4.

(4) L. 18. D. de jurejur.

juramentis parum fidei tribuisse, facile existimandum est, quod etiam indicant varia poetarum carmina (5). Sed accedit alia ratio. Nullum enim casum fingere mihi possum, quo in causis matrimonialibus justus sit juramenti litis decisorii usus, quoniam præter impedimentum affectus, jam indicatum, aut genuina ratio hujus jurisjurandi, nempe favor necessitatis & patrimonii servandi deficit, aut alia probatione causa instrui potest, aut sine probatione ea ad decisionem apta existit, quod per inductionem probabo, præcipuos casus possibiles indicando.

Si ad implenda sponsalia agitur, quorum nulla alia existit probatio, tum actor illud propriæ culpæ imputare debet, quod ea coram testibus non celebraverit. Ita enim probatio haberi potuisset. Ergo deficit favor necessitatis. Deficit etiam patrimonii servandi ratio, quoniam tantum de lucro captando agitur. Nec objici potest, interdum simul ad resarcienda damna patrimonialia vel saltem injuriarum agi. Hæc enim causa accessoria est. Si igitur in principali ob defectum probationis sua culpa actor occubuit, tum non immerito & damna accessoria sentire debet.

Si sponsalia legitime probata sunt, sed alter exceptionem perfidiæ, insignis mutatio-

---

(5) Jupiter ex alto perjuriam ridet amantum

Et jubet Æolios irrita ferre nothos.

Ovid. *art. amat.* L. I. v. 635. Horat. *carm.* L. II. od. 8.

nis corporis, morumve, &c. opposuit, tum aut nullum plane argumentum ad eam exceptionem confirmandam allegavit, aut quædam argumenta protulit, aut exceptio ejus est indolis, ut alia probatione, e. g. oculari inspectione doceri possit & debeat. Si *primum* assumitur, probata causa principali, merito rejicitur exceptio tanquam frivola, quæ ne minimo quidem indicio stipata est. Quodammodo etiam usum jurisjurandi heic prohibent rationes supra indicatæ. Si *secundum*, judex & in aliquali exceptionis probatione acquiescere potest. Neque in tali causa rigor probationis summus esse debet. Constat enim, etiam sponsalia perfecta, contra quæ nil plane præter animi aversionem allegatur, sæpissime ob metum solum tristis eventus dissolvi, & quidem recte, quoniam absoluta coactio neque possibilis, neque rationi ac fini matrimonii convenit. Ergo multo facilius judex esse debet in dissolvendis sponsalibus, si exceptio valida opposita & argumentis quibusdam firmata. Si *tertium* e. g. corporis vitium objectum, tum & alias jusjurandum nihil probat, sed omnia redeunt ad ocularem inspectionem.

Si de matrimonio jam contracto sermo est, tum aut agitur ad divortium aut illius annulationem. Causæ divortii legitimæ in factis illicitis & delictis gravioribus versantur. Ergo intuitu adulterii, insidiarum vitæ structarum (de malitiosa desertione sermo heic non esse potest,) neque actori i. e. contra matrimonium, neque reo i. e. pro matrimonio jus-

jurandum deferendum. Obstat enim causæ criminalis qualitas. Neque si alias saltem ob adulterium a tertiis intuitu satisfactionis privatæ jurisjurandi delatio cum limitatis effectibus §pho priori indicatis fieri posset, id ad causam matrimonialem trahendum est. Ergo respectu ad eam arcendi sunt conjuges a jurejurando, cui obstat effectus vehementia & matrimonii gravitas, cujus desiderium aut odium, ex rationibus indicatis criminalem inspectionem metumque pœnæ fere vincit. Accedit etiam, si causæ divortii allegatæ argumentis & indiciis gravibus sustultæ sunt, aut totales animorum aversiones cum graviorum malorum metu apparent, neque heic summum probationis rigorem exigi, sed inter-dum ob præsumptiones & probationem mere artificialem, divortium decerni posse, imprimis cum prævidetur, alteram partem probabiliter læsam desertione vel quasi aliove modo divortio viam paraturam esse, quales pro- tractiones publicam sæpe privatamque civis ruinam conciliantes, judiciaque insuper inu- tili negotiorum mole obruentes evitandæ ac præscindendæ sunt. Si agitur ad *annullandum matrimonium*, tum iterum iterumque omnia oculari inspectione aliisve probationibus ex- pediri possunt.

## §. XLVII.

*Recensentur variae juramentorum species, quibus male peculiaris natura a Practicis affecta, cum unice ad jurisjurandi a partibus delati classem referri debuissent, I. De jurejurando editionis.*

Introduxerunt Icti perniciosam docendi rationem, dum ex quovis casu speciali, quo forsan a legibus, jurisjurandi delati mentionem factam esse, invenere, statim singulares jurisjurandi species sine ratione effinxerunt, utque de re nova dicendi copia esset, inanum quæstionum turbas vi arcefferunt, Quodsi vero generatim verum est, hujusmodi doctrinarum sectiones & disjunctiones scientias steriles reddere, cum a fonte & fomite communi non aluntur & sustentantur, tum id maxime in jurisprudentia nil nisi inanes gignit repetitiones, atque erroneas dogmatum multiplicationes. Ergo hanc doctrin-

---

(1) L. fin. C. de fide instrum. ibi: „ Si postuletur ab aliquo in judicio, ut instrumentum non adversus se ipsum, sed alium quendam producat, quod alteri profit, idque producere recuset, ut qui damnum inde metuat; verum is, qui exhiberi chartam petit, nequaquam eum lædendum dicat, sed pecuniam ipsam ab illis accepisse, qui per instrumentum exhibendum coarguendi sunt, vult constitutio, ut is, qui habet instrumentum, id ipsum proferat, siquidem ex illius prolatione nihil ipse damni sensurus sit. Sin reapse detrimentum ei prolatum instrumentum afferat, nequaquam sum-

nam ad pristinam suam simplicitatem reducendam, & juramentorum ad varias plagas distractorum reunionem tentandam esse censui.

Spectat huc jusjurandum, quod vulgo vocant *Editionis*, quod nil nisi jurisjurandi delati species est. Varii nempe contingere possunt casus, quibus quis vel ab adversario, vel tertio documentorum editionem petere potest, quæ si recusatur, aut eorum ammissio prætexitur, jurisjurandi delationem desuper concefferunt Romani. Sed liberior pacti notio ea quoque in specie effecit, ut justo amplior fuerit jurisjurandi usus. Scilicet non solum ad factum possessionis sed & ad ipsam editionis obligationem varie dirigi potuit illius delatio & formula. Ille enim, qui conveniebatur, qualvis fere recusationis causas, jurejurando editionis docere potuit, e. g. se magnum & grave ea editione damnum aut in patrimonio aut circa famam aliunde passurum esse, eamque ob causam illam recusare (1), documenti editionem eas perfo-

cogi ad proferendum debere, cum ei magis expediet, id occultare, quam publicare. Quodsi affirmat is, cui opus est instrumento, nihil ei fraudi ex eo futurum, duntaxat jusjurandum præstat: quod existimando se fidei suæ detrimentum pati propter instrumenti exhibitionem, eam ipsam ob causam proferre chartam recuset. Et quoniam sibi danino id fore putat, curiosius sacramentum præstet, atque dicat: se non, quia pecuniam acceperit, vel quid aliud, non proferendæ chartæ causa, vel quid muneris promissionem habeat, nec metu illius, con-

nas offensuram esse, contra quas nec alias ad testimonium ferendum cogi posset; compararunt enim Romani editionem cum testimonii obligatione (1), Documentum contra fiscum allegatum iri ab adversario, cuius editionem privatis non licere (2), se documentum sine culpa sua amisisse (3).

Delato jurejurando, sæpissime quoque jus-

tra quem instrumentum requiratur, nec ejusdem amore chartæ exhibitionem recusare, sed quia magnum ex eo circa facultates suas detrimentum capiet."

(1) L. 22. l. c. ibi: „Nam in quas personas invitus quis testimonium non dicit, adversus easdem nec codices vel instrumenta vel quid aliud tale proferre cogitur. Notissimi sunt autem ex legibus, qui adversus aliquos inviti testimonia dicere non coguntur, sicut & ii, contra quos aliqui testimonium perhibere non coguntur”.

(2) L. 45. §. 5. D. *de jure fisci*. „Neque instrumenta, neque acta a quoquam adversus fiscum edi oportet”.

(3) L. 22. C. *de fid. instr.* „Sed si quis juret, se instrumentum quod desideratur, non habere; prorsus id proferre, quod non habet, haud cogitur. Sin ejusmodi sacramentum præstare non sustinet, omnino cogitur, desideratum instrumentum exhibere. Quod si semet occultaverit, quasi qui nec jurare, nec instrumentum edere velit, omne damnum, quod hinc emerget, ei, cui opus est instrumento, de suo compenset”.

(4) L. 6. §. 2. D. *de edendo*. „Exigitur autem ab adversario argentarii jusjurandum, non calumniæ causa postulare, edi sibi, ne forte per superva-



jurandum calumniæ a petente præstari debuit, præcipue cum deferens interesse editionis nondum aliunde satis docuit, aut editionem supervacuam esse, suspicio adesset (4); aut quis documentum antea jam ab adversario editum posthac falsitatis incusare vellet, eumque in finem repetitam illius editionem exigeret (5).

---

cuas rationes vel quas habet, edi sibi postulet vexandi argentarii causa. L. 9. §. 3. cod. Cæterum omnibus postulantibus, & jurantibus non calumniæ causa petere, rationes, quæ ad se pertineant, edi jubet. Faber Rationalia ad h. l."

(5) L. 21. C. *de fid. instr.* „ Cum quidem instrumentum protulerit vel aliam chartulam, eique fidem imposuerit, postea autem persona, contra quam ista chartula, vel instrumentum prolatum est, quasi falsum hoc constitutum redarguere nitatur: ne diutius dubitetur, utrum necessitatem ei, qui protulit, imponi oporteat, repetita vice hoc proferre, an sufficiat fides jam approbata, sancimus, si quid tale eveniat, eum, qui petit iterum eam chartam proferri, prius sacramentum præstare, quod existimans, se posse falsum redarguere, quod prolatum est, ad hujusmodi veniat petitionem. Quid enim, si cum nosset, deperditam esse chartam vel forte concrematam vel alio modo diminutam, hanc requiri adsimulans & ad difficultatem productionis respondens, hujusmodi faciat petitionem? Et postquam hoc ab actore vel petitore fuerit juratum & inscriptionum pagina apud competentem judicem deposita, tunc necessitatem imponi ei, qui protulit chartam, de qua quæritur, iterum eam judicem criminis proferre, quatenus

Jam vero facile existimandum est, hodie cautiorem quodammodo jurisjurandi editionis usum esse debere, quoniam id quoque unice ad probationis indolem redit. Nempe obligatio editionis a facto possessionis curatius separanda est. Prior est quæstio juris, ad quam jurisjurandi usus non semper spectat. De eo enim, num petentis vere inter sit, documentum proferri, atque de obligatione adversarii ad edendum, instituta comparatione libellit aut exceptionis cum legibus præcipue constare debet. Ergo hæc ad præjudicialia & quæstionem competentiae pertinent, qua demonstrata demum jusjurandum editionis peti potest, quod regulariter solummodo ad factum possessionis documenti, tanquam verum thema probandum, dirigendum est. Cæterum hodie de recusationis causis supra allegatis, quibus editio declinatur jure romano, atque de jurisjurandi simul adhibiti usu ita tenendum. Nempe posita editionis obligatione, ob instrumenti proprietatem aut communionem aliudve jus in eo quæsitum, si adversarius gravius tantum damnum aliunde metuens prætexit, interdum ad editionem absolute non cogitur, sed tamen petenti solvere debet, quod ex documento interest, sicut alias contamax in edendo effluxo termino peremptorio ad damnum refarciendum condem-

---

possit apud eum crimen falsitatis ventilari. Sin autem dicat, non esse sibi possibile, eam ostendere, quia per fortuito casus hujus copia ei abrepta sit, tunc subeat sacramentum, &c."

natur (1). Ergo eo casu jusjurandum plano superfluum foret. Tum vero, cum de edendo instrumento ex æquitate tantum naturali, quod sc. *illius editio possessori non noceat, petenti vero profit*, agitur, iustum esse potest jusjurandum cum formula supra allegata. Neque objiciendum, quod injuncta argumentorum, ex quibus alter damnum metuat, indicatione, judex ipse de veritate hujus quæstionis cognoscere, eoque jusjurandum præscindere possit. Ea enim ipsa speciali revelatione damnum sibi inferret. Ergo talis injunctio ridicula esset, sed judex eo casu generali damni metuendi prætextu jurato acquiescere eo magis debet, cum ea credulitas factis possessori cognitis superstructa est.

Editio documentorum non inepte comparatur cum testimoniorum obligatione. Id enim potest omnino æque ac testimonium reverentiam certis personis e. g. patri debitam lædere, cum quis cogitur ad instrumentum contra illum edendum. Sed documenta talia supponenda, quæ tantum ex æquitate naturali petuntur, quæ tum graviore & specialiori officio e. g. erga patrem cedere eo magis debet, quoniam in tali nexu plerumque etiam in utrumque, filium & patrem, simul damnum redundaret. Ergo sufficit eo casu jurato affirmasse, se damnum in eum, contra quem ad testimonium ferendum cogi non posset,

---

(1) L. 10. §. 3. D. *de edendo*. L. 9. §. 8. L. 10. 11. *pr.* L. 12. §. 4. D. *ad exhib.* L. 21. & 22. §. *sed si quis* &c. C. *de fid. instrum.*

redundans ex editione metuere. Si vero de editione instrumenti aut petentis proprii aut communis sermo est; tum cessat ille qualitatis testimonialis prætextus, & ex rationibus ante indicatis ob existentiam obligationis absolutæ aut ad edendum aut præstandum interesse jusjurandum plerumque exulat & superfluum esset. Verum genuinus casus adest, quo jusjurandum editionis usum præstat, nempe si de facto possessionis documenti disceptatur. Jurare enim debet, se documentum neque possidere, neque dolo aut culpa perdidisse, quatenus pro causæ qualitate ad hanc quoque præstandam obligatus est, de quo antea ex disputatione super obligatione editionis constare debet.

Denique nec jurijurando calumniæ regulariter hodie locus est, quoniam interesse editionis & obligatio adversarii ex ipsa actione & libello antea satis patere, atque simul existentiam documenti probabilibus quibusdam argumentis suffultam esse, supponendum. Reliqua ad generales cautelas de usu juramenti calumniæ, infra adstructas, redeunt. Cæterum relatio fieri non potest, quatenus de facto adversario solum cognitio agitur. Sed contrarii probatione jusjurandum evitari posse, nullus plane dubito. Quod denique ad amissionem documentorum spectat, claram lucem iterum inani regularum inutilium cumulo turbarunt Icti practici, quas evitare potuissent, si jurijurando editionis singularem naturam non affinxissent, illudque a reliquorum juramentorum delatorum classe ditra-

xissent.

xissent. Ego totam disputationem tribus casibus includi posse arbitror; scilicet 1°. si probata existentia et possessione alter amissionem documenti *ipsum proprii*, cujus tamen editio ex æquitate naturali deberetur, allegat, tunc amissio ad jusjurandum delatum dubio haud obnoxia est. Hoc enim probato amissionis factio liberatur a præstando interesse. 2°. Si supposita eadem probatione existentiae & possessionis, de instrumento petentis proprio aut communi, quod e. g. alteri conceditum; sermo est, tunc regulariter jusjurandi delatione non opus est, sed is qui exceptionem amissionis opponit, aut interesse simpliciter, ad minimum tenorem probando præstare, aut saltem casum fortuitum, eumve culpæ gradum, quem refarcire alias non teneretur, probare debet. 3°. Si dolo malo atque delicto alter petenti instrumentum surripuit, & eo probato ad amissionem provocat, tum cessat jusjurandum, quoniam ille simpliciter ad refarciendum damnum obligatus est.

## §. XLVIII.

### II. *Jusjurandum manifestationis & specificatio jurata.*

II. Alter casus speciatim in legibus ab Imperatore Justiniano expressus consistit in eo, quod, ut verba sonant, *licentia danda sit creditoribus seu legatariis vel fideicommissariis, si majorem putaverint esse substantiam a defuncto derelictam, quam haeres in inventario scripsit,*

Tom. I.

I

quibus voluerint legitimis modis<sup>1</sup>, quod superfluum est, approbare vel per tormenta forsitan servorum hereditariorum --- vel per sacramentum illius, si alia probatione defecerint, ut undique veritate exquisita, neque lucrum neque damnum aliquod hæres ex hujusmodi sentiat hereditate; illo videlicet observando, ut si ex hereditate aliquid hæres surripuerint, vel celaverint, vel amovendum curaverint, postquam fuerint convicti, in duplum hoc restituere vel hereditatis quantitati computare compellantur (1). Ex clavis hisce legis verbis, quæ, quamvis tantum de legatariis & creditoribus loquuntur, tamen & ob rationis similitudinem generatim ad cohæredes applicanda sunt, equidem sequentes conclusiones eliciendas esse censeo: I. Cohæredibus, legatariis, & creditoribus facultas competit, hæredi, etiamsi inventarium legitimum confecerit, tamen super ommissis in inventario, si nempe majorem fuisse bonorum substantiam credant, jusjurandum deferre. Quamvis enim inventarium legitime conditum instrumenti publici vi ac qualitate præditum est, contra qualia documenta, plenam fidem ac probationem inferentia, regulariter cessat jurisjurandi delatio, nil tamen impedit, quo minus super rebus celatis, surreptis, aliove modo ommissis, generatim de majori substantia jusjurandum deferri possit. Varii enim casus contingere possunt, ubi hæres omnia inventarii solemnia observavit, & tamen bonorum partem distraxit. Si quæritur, num eo casu,

---

(1) L. ult. §. 10. C. de jure delib.

quo nempe inventarium confectum est, deferentes specialia facta, objecta, aut suspensiones eum in finem allegare & probare debeant, an generalem indicationem jurejurando firmatam ab hærede exigere possint, respondeo, specialia objecta aut facta a deferentibus indicari debere, si ob hæredis absentiam juris intellectu impossibile fuit, eum ante obsignationem & publicam inventarii confectio- nem hæreditati se immiscuisse, quoniam tum generalis & vaga jurisjurandi delatio fri- vola esset; generalem vero juratam manifest- ationem exigi posse, si hæres in domo de- functi cohabitavit, familiaris, præsens fuit, aliave celandi occasio obtigit; tum enim in- ventarii confectio non obstat; nullo vero ca- su suspensiones antea probari debere a deferen- te, quoniam id fini delationis, in subsidium introductæ repugnaret.

II. Quivis hæres regulariter inventarium solemne conficere debet, si quidem contra cohæredes, legatarios & creditores securus esse velit. Ergo illius defectus oblatione jura- tæ specificationis non suppletur. Si tamen ca- su fortuito hæres impeditus est, inventarium ante conficere, tum personæ indicatæ juris- jurandi delatione acquiescere tenentur, & ju- rata specificatio ab hærede edita hoc casu legi- timi inventarii effectibus prædita est, ita, ut creditoribus ultra vires hæreditatis non te- neatur, & quartam falcidiam deducere possit. Si hæres *culpa* omisit inventarii confectio- nem, tum cohæredibus quidem, si aliis probationi- bus ad suppletorium sufficientibus destituan-

tur, nil præter jurisjurandi delationem, sive juratæ specificationis exactiorem superest, qua contenti esse debent (1). Creditores vero & legatarii hoc casu jurata hæredis specificatione non egent, quoniam hæres ob omisam inventarii confectionem & ultra vires hæreditatis ad integrum tenetur. Si dolo inventarium omisit, cohæredes aut jusjurandum deferre, aut statim propriam admissionem ad jusjurandum suppletorium in litem & taxationem hæreditatis, quatenus aliud impedimentum haud obstat, petere possunt, quoniam ob dolum alterius maxima præsumptio pro reliquis cohæredibus militat (2). Creditores & legatarii ob rationem ante indicatam iterum jurata specificatione haud egent, quoniam ad totum præstandum hæres obligatus est.

III. Qui ab editione inventarii alias vel juris vel testatoris dispositione liberi sunt, ab illis nec regulariter jurata specificatio in subsidium jusjurandum manifestationis generale exigipotest. Distinguendum tamen, num inventarii confectio ideo, ne facultates defuncti publice patefiant, prohibita, an tantum in favorem hæredis remissa sit. *Priori* casu tamen super factis & objectis specialibus juramentum deferri posse censeo, *posteriori* vero ne hæc delatio quidem locum habet, quoniam reliqui hæredes & legatarii contenti esse deberent, si plane non instituti fuissent, ergo

---

(1) L. 5. §. 3. D. *de in lit. jur.*

(2) L. 4. & 5. D. *de jurejur. in lit.*

(3) L. ult. §. 1. C. *arbitr. tut.* Nam cui plus



multo minus de facultatum inopia queri possunt (3). Liberi, quibus legitima debetur, in omni casu prohibitionis aut remissionis iusjurandum generaliter & specialiter deferre seu specificationem juratam exigere possunt, quoniam alias legitimæ quantitas e rui & salvari non posset. Creditores nec hoc casu iusjurandi delatione indigent, quoniam in illorum præjudicium defuncto nullum jus fuit, de inventario disponendi; hæres igitur adiens simul etiam ultra tenetur.

IV. Hæredibus hæredum iusjurandum deferri potest secundum regulas supra propositas de propriis factis, aliisve ipsis notis, de ignorantia (§ 44.).

V. Quatenus alias hodie iusjurandum calumniæ applicari potest, eatenus tantum & heic illud locum habet, de quo infra.

VI. Relatio plerumque cessat, quoniam de facto hæredi solum cognito agitur.

VII. Iusjurandum delatum etiam heic contrarii probatione avertitur, in quantum ea possibilis est.

VIII. Denique ea dogmata non solum ad hæredes sed & tutores, curatores aliosve administratores, ad inventaria obligatos, suo modo applicanda sunt. Hæc omnia verbis & analogiæ juris consentanea sunt.

Sed progenuerunt Doctores Saxonici antiqui partum quendam monstruosum, quem iti-

---

licet, hæredem scilicet ex asse facere, & cohæredibus ac legatariis nihil relinquere, ei quod minus est, sc. remissio inventarii non potest non licet.

dem juratam specificationem vocant, & in omnibus casibus vices inventarii sollemnis indistincte sustinere sine ulla legum auctoritate tradiderunt, ut in arbitrio hæredis sit, inventarium aut juratam specificationem edere, eaque eosdem, quos beneficium inventarii producit, effectus contra legatarios etiam & creditores gignat. Quæ erronea interpretatio ita illorum fora occupavit, ut non erubuerint, eam pro jure communi ubique usitato venditare, quod facile erat eo tempore, quo omnis juris scientia, fontibus præclusis, ex arbitrariis Practicorum decisionibus hauriebatur. Ergo recentiores, quamvis errorem periculosum & rationi adversum agnoverunt, mirati tamen sunt, cæteras Germaniæ gentes Saxoniam hac in parte imitari & specificationem juratam pari facilitate admittere. Sed tamen & in hac opinione errarunt, quoniam tale jus alibi extra Saxoniam haud obtinere, ab aliis jam satis demonstratum est (1).

## §. XLIX.

III. *Jusjurandum hæredi super fideicommissis a defuncto relictis delatum.*

III. Nominavit Imperator Justinianus

---

(1) Usum juris communis, illis Doctorum traditionibus adversum, docuerunt Goethe *de adit. hæred.* c. 2. §. 18. Mevius P. VI. dec. 411. de Pufendorf l. c. T. II. obs. 101. §. 2. Ayer *de abusujur.* §. 63.

aliud adhuc speciale casum, quo jurisjurandi delatio obtineat, quod omnibus aliis codicillorum solemnitatibus ab illo exæquatur. Constat enim, codicillos vel testamento in futurum aut præteritum confirmari, vel sine expressa confirmatione ad testamentum fieri, vel denique ab intestato condi. Prior species solemnitate nulla indigent, sed testamento substinentur. Ast reliqui codicilli cum solemnitatibus & ex Theodosii imperatoris constitutione coram testibus fieri debent (2). Invenit autem Imp. Justinianus novum, codicillos sine testibus condendi modum, aut pristinorum fideicommissorum simplicitatem quodammodo restauravit. Constituit enim, ut, si testator hæredis ipsius fidem elegerit & coram eo clare nuncupaverit, cui legatum vel fideicommissum relinquere vellet, hoc omnibus modis valere debeat, licet nullus plane testis intervenerit, nisi hæres jurejurando affirmare possit, se tale nihil a testatore audivisse (3). Mens autem Imperatoris jam ad duo redit momenta, 1º. ut & codicilli sollo hærede præfente sine testibus nuncupati valeant, 2º. ut illorum probatio non nisi jurisjurandi delatione, neutiquam vero testibus, etiamsi duo vel plures adsint, fieri debeat. Cujus

---

(2) L. ult. C. de codicillis.

(3) L. ult. C. de fideicommissis ibi: „Sancimus, si sine scriptura & præsentia testium fideicommissum derelicto, fideicommissarius elegerit hæredis jurisjurandum, vel forsitam legatarii vel fideicommissa-

dispositionis, & quod legatariis fideicommissariisque aliæ probationes quamvis plenæ præclusæ sint, rationem & genuinum fundamentum indagare plerisque ICTis admodum difficile visum est<sup>(1)</sup>. Equidem ita de ea quæstione censeo.

Constat ex notissima fideicommissorum historia, ea originetenus a nuda hæredum gravatorum fiducia & conscientia pependisse. Quod quamvis ab Imperatoribus dudum mutatum, illisque perfecta obligatio adscripta est, Justinianus tamen pristinam hæredum fidem quodammodo saltem postliminii fere jure restaurare, atque probationem, electa

rii, quoties ab eo relictum est fideicommissum, siue universitatis, siue speciale, necesse habere hæredem vel legatarium s. fideicommissarium, prius jurejurando de calumnia præstito, vel sacramentum subire & omni inquietudine sese relaxare, vel si recusandum existimaverit sacramentum, aut certam partem vel quantitatem manifestare fideicommissario derelictam noluerit, si forsitan majorem fideicommissarius expetat: omnimodo exactioni fideicommissi subjacere & eum ad satisfactionem compelli: cum ipse sibi iudex & testis inveniatur, cujus religio & fides a fideicommissario electa est, nullis testibus nullisque aliis adventitiis probationibus requisitis. Sed siue quinque sint testes, siue minores vel nemo, causam per illius sacramentum velandum vel recusandum suam habere tam firmitatem quam exactionem ”.

(1) Conf. Christ. Ferd. Harpprecht *de remedio leg. ult. C. de fideicommissis*. l. H. Boehmerus *de*

illorum fide, fieri voluit. Cum enim, ait, res per testium solemnitatem ostenditur, tunc & numerus testium & nimia subtilitas requirenda est. Lex etenim, ne quid falsitatis incurrat per duos forte testes compositum testamentum, majorem numerum testium exposulat, ut per ampliores homines perfectissima veritas reveletur. Cum autem is, qui aliquid ex voluntate defuncti lucratur (& maxime ipse hæres, cui summa auctoritas totius causa commissa est) dicere compellitur veritatem per sacramenti religionem, qualis locus testibus relinquatur, vel quemadmodum ad extraneam fidem decurratur, propria & indubitata fide relicta (2)? Deinde ea, quæ, ut

---

*codicillis sine testibus validis c. 2. Exercit. ad ff. T. V. n. 78.*

(2) L. ult. C. de fideic. Clarius id patet ex §. ult. I. de fid. hæred. ibi: „Nuper & nos eundem Principem (*Augustum*) superare contententes, constitutionem fecimus, per quam disposuimus, si testator fidei hæredis sui commisit, ut vel hæreditatem vel speciale fideicommissum restituat, & neque ex scriptura, neque ex V. testium numero (cui in fideicommissis legitimus esse noscitur) possit res manifestari, sed vel pauciores quam quinque, vel nemo penitus testis intervenerit: tunc si pater hæredis siue alius quicumque sit, qui fidem hæredis elegerit, & ab eo restitui aliquid voluerit, si hæres perfidia tentus adimplere fidem recusat, negando rem ita esse subsecutam, si fideicommissarius jusjurandum ei detulerit, cum prius ipse de calumniis juraverit; necesse eum habere vel jusjurandum subire, quod nihil tale a testatore audierit,

infra pluribus demonſtrabo, Juſtiniano de jurejurando inhæſit philoſophia, quod nempe ſacramento vim quandam extraordinariam, ſive potius influxum phyſicum ad veritatem gignendam aptum tribuerit, etiam hæc effecit videtur, ut hæredis ſacramentum omnes alias probationes ſuperare crediderit. Cæterum & in hac jurisjurandi delati ſpecie juramentum calumniæ a deferentibus præſtandum, expreſſis verbis præſcriptum eſt. Relatio ideo non concedenda, quoniam de facto hæredi ſolum noto agitur. Deferri poteſt hoc juſjurandum a legatariis & fideicommiſſariis aut *ſpecialiter*, cum ſc. certam ſummam, quam ipsis deſunctus relinquere promiſerit, allegant, quo caſu reſuſato jurejurando eadem ſumma ab hærede præſtanda eſt; aut *generaliter*, cum nempe certas ſummas allegare non poſſunt, ſed tantum de voluntate deſuncti, ipsis aliquid relinquendi, loquuntur. Quæritur ergo hoc caſu, in quam ſummam hæres reſuſato ſacramento condemnandus ſit. Suppono deferentes ignorare certam ſummam, neque in ſupplementum eam jurato aſſerere poſſe. Ita-

---

vel reſuſantem ad fideicommiſſi vel univerſalis vel ſpecialis ſolutionem coarctari, ne depereat ultima voluntas teſtatoris fidei hæredis commiſſa.

(1) L. 16. pr. C. de fid. inſtrum. Nov. 73. c. 1. § 4.

(2) L. 16. pr. L. 20. C. de fide inſtrum. Nov. 73. c. 7.

(3) Auth. contra C. de N. N. P. contra quæ

que nil superest, quam illius taxationem prudentis judicis arbitrio relinquere, qui ex personarum conditione, bonorum statu, atque reliquorum legatorum quantitate de præstanda summa arbitrari eamque præfigere debet.

§. L.

IV. *Jusjurandum diffissionis.*

IV. Si quis in judicio instrumentum privatum contra alterum produxit, hic vero illius fidem ac subscriptionem negavit, tum non poterat non secundum principia juris romani actori probatio incumbere, quæ vel per testes (1), vel per *comparationem litterarum* (2), vel per *jurisjurandi delationem* peragi potuit (3). Excogitarunt vero Germani singularem jurisjurandi speciem, quam *diffissionis* vocant Pragmatici, eamque ab aliis juramentis ideo differre putant, quoniam instrumenti privati productioni ea statim insit obligatio alternativa, ut adversarius illud aut recognoscere aut jurato diffiteri debeat (4). Turbavit hujus jurisjurandi indoles maximam interpretum partem (5), ut singularem illi naturam

---

*propriam scripturam, qua convenitur abnegat, vel numerationem inficiatur, convictus in duplum condemnatur, nisi sacramento illato confiteatur &c.*

(4) Conf. Jo. Gæ. Frommann *de jurej. diffissionis*. Marb. 1723.

(5) Conf. Stryk *de caut. juram.* P. III. S. III. c. 5. Nævius *de juram.* P. III. c. 8. Leyser *sp.* 272.

adfingerent, eandemque ob causam proprio illud insignirent nomine.

Ego vero neutiquam conspicio vera differentiae indicia, sed & hanc iurisjurandi speciem cum reliqua delatione anice conspirare puto. Constat enim, ab actoris producentis arbitrio pendere, rei negantis juratam diffessionem ordinaria probatione praevenire & avertere, quod fieri potest secundum reliquam juris analogiam, scilicet *testium* productione, qui tempore subscriptionis praesentes fuerunt, eamve aliunde satis comperitam habent & *comparatione litterarum*, quae quamvis interdum est remedium lubricum & fallax, id tamen, concurrentibus aliis veritatis adminiculis, interdum efficit, ut producens ad iuramentum suppletorium admittatur. Dum vero producens unum eorum probandi modorum haud eligit, eo ipso tacite iusjurandum adversario detulisse censetur, atque hic, quando aliud impedimentum non obstat, ad juratam diffessionem admittitur. Quae delationis tacitae natura intelligi vix potest, nisi illius historia brevissime indicetur.

Nempe *Germanis* ob varias juris *manuarii*

(1) Potgiesser de obstagio personali.

(2) Ekard de obligatione sub poena banni ecclesiastici & imperialis. Jen. 1739.

(3) Brunquell de piff. fam. Muller de oblig. sub infam.

(4) Engau de additione debitoris ad manum creditoris. Jen. 1736.



& bellorum privatorum turbas atque difficultates, semper curæ cordique fuit, mutuum aliaſve obligationes invicem contractas quovis modo firmare, ne tædioſis proceſſuum ambagibus, vel totali judiciorum inopia actio inanis fieret, aut executione deſtitueretur. Invenerunt eum in finem varios, perſonas debitorum arctius conſtringendi modos, ut e. g. obligationem ad *obſtagium* (1), ad *bannum* (2), ſub *infamia* & *pictura famoſa* (3), ſub *fide generoſa*, *traditione debitoris ad manum creditoris* (4), cum aliis *pignorationum privatarum libertatibus* (5), quæ remedia, cum maximam partem tanquam paci publicæ adverſa, legibus imperii ſublata ſunt (6); ea tamen reliquerunt veſtigia, ut & jure recentiori remediis judicialibus executivis adornandis inſignis cura impenſa fuerit. Igitur præter obligationes *cambiales*, non ſolum ex *instrumentis publicis* aut *clauſula executiva* munitis promptæ executiones, & mandata illimitata de ſolvendo decernuntur; ſed invenerunt etiam Doctores Saxonici aliam proceſſus executivi ſpeciem, ob *instrumenta quævis clara*, vitio viſibili carentia, & cauſam debendi perſpi-

---

(5) Conf. Kobii *comm. de pecun. mut. tuto collocanda* c. 2. § 3. Quistorp *von der Strafe der Banqueroutirer nach ältern und neuern Geſetzen. Beytr. P. I. n. 13.*

(6) R. I. de a. 1577. t. 17. & 1600. §. 30. Clap-roth *in der Einleit. in ſämtl. ſummar. Proceſſe*, p. 173.

cue indicantia ea ratione instituendum, ut reus aut recognoscere instrumentum productum & solvere, aut jurato statim illud diffiteri debeat (7), exceptiones vero in contingenti haud liquidæ durante processu executivo rejiciantur. Eo vero simul evenit, ut eadem principia de recognitionis & diffessionis juratæ obligatione, quamvis illorum ratio processui tantum executivo accommodata esset, ad reliqua etiam instrumenta privata in judiciis producta translata, immo legibus communibus confirmata sint (8). Induit vero, ut equidem puto, jurata diffessio in processu ordinario jurisjurandi delati indolem. Sive enim illud *expresse* deferas, sive deficientibus aliis probandi modis per testes & litterarum comparisonem, *tacite* illud adprobes, id juris diversitatem nullam fere gignere potest.

Ob eandem similitudinem reum non solum ad juratam diffessionem sive jurisjurandi delati acceptationem admittendum, sed & relationem aut contrarii probationem, modis ordinariis instituendam, ei concedendam esse censeo. Præstito vero jurejurando, producenti catenus tantum probatio contra illud competere potest, quatenus & alias ea contra jusjurandum permittitur. Decet enim actio-

---

(7) Conf. Colerus *de processibus executivis*. Berger *Elem. proc. execut.* Rutger Ruland *thesaurus juris executivi*. Claproth *in den Summar. Proc.* p. 173. sq.

rem, follicite conquisitis omnibus probationum adminiculis rei jusjurandum evitare. *Hæredibus & tertiis* non nisi de propria subscriptione, aut de ignorantia subscriptionis ab alio factæ illud deferri posse puto.

§. L I.

*V. Jusjurandum in ipso processu executivo deferri potest.*

Quoniam jurisjurandi delatio est probandi modus, qui maxima cum facilitate & celeritate expeditur, recte ille numeratur inter probationes in continenti liquidas, & in ipso processu executivo partibus conceditur. Quod plerumque intuitu rei de exceptionibus probandis intelligendum est. Assumit enim interdum ea delatio, a reo facta, naturam relationis, cum nempe super eodem facto, e. g. subscriptione, quam reus jurato diffiteri deberet, actori refertur jusjurandum. (§. 50.)

§. L I I.

*Delatio jurisjurandi sine probatione præcedenti aliisque probabilibus argumentis fieri potest.*

Quærent nonnulli, num jurisjurandi delatio etiam sine præcedente aliquali proba-

---

(2) C. O. C. P. III. t. 22. §. 1. R. I. de 1654. §. 39. & 45.

tione & conjecturis pro deferente militantibus fieri possit? Qui negarunt, & probabilitatem quandam ac præsumptiones exegerunt, confusione diversarum juramenti a partibus & a iudice delati specierum turbati sunt (1). Ergo affirmantium sententia juris analogiæ convenit, sine ulla alia præcedenti probatione deferri posse jusjurandum. Supra enim docui, jurisjurandi delationem inter veteres Romanos vices litis contestationis subiisse eamque exclusisse. Eo vero supposito de aliis probationibus sermo non esse potuit. Hodie autem eum præcipue usum præstat ille probandi modus per jurisjurandi delationem, ut, quod in variis casibus contingere potest, deficientibus etiam omnibus probationibus, adsit tamen commune quoddam fidei receptaculum. Nonnulli porro ante ipsam delationis admissionem a deferente peculiarem exigunt demonstrationem, alios probandi modos deficere. Verum quamvis id naturæ hujus juramenti subsidiariæ admodum convenire videtur, universalis tamen regula inde formari haud potest, quoniam plerumque negativæ probatio ad impossibilia pertinet, atque non nisi tum ea sententia obtinere posset, si ipsa negotii natura aliarum probationum existentiam prodit.

## §. LIII.

---

(1) Conf. Hilligerus in *Donello enucleato* L. XXIV. c. 20. lit. D. Mevius P. VI dec. 405.

## §. L I I I.

*De tempore delationis.*

Supra jam docui, jure romano veteri eas causas, in quibus res per jurisjurandi religionem conficiebatur, solemni litiscontestatione caruisse, ideoque delationem semper in jure coram Præ tore, i. e. ante litis contestationem aut potius sine illa factam esse (§. 22.) Nempe eodem fere modo, quo solemni litis contestatione præter testium invocationem judices pedanei eligebantur, in quos ceu arbitros compromittebant litigantes desuper quasi contrahentes, eo & interdum neglecta litis contestationis via immediate & statim ad Deorum judicium jurisjurandi pacto coram Præ tore provocabant, atque de controversia transigebant. Graviter itaque errant Pragmatici plerique, cum ex transactionis indole liberam Romanis veteribus jusjurandum in quacunque judicii parte deferendi, facultatem adfingere conantur. Eodem argumento telum in ipsos retorqueri potest. Partes enim aut transigebant de jurejurando præstando aut de contestanda lite. Si posterius factum, a compromisso, quo judicium humanum electum, resilire non poterant ad jusjurandum & judicium divinum; si jusjurandum electum, idem pactum revocationi minime obnoxium fuit. Ergo una transactionis species alteram exclusit, & semper ante litis contestationem, aut, ut rectius dicitur,

*sine ea* fieri debuit jurisjurandi delatio. Eo enim controversia statim componebatur, neque adeo judicis datione, aut causæ cognitione opus erat, sed ex jurejurando prælitato aut nova actio aut exceptio peremptoria nascebatur. *Successit enim jusjurandum in locum litis contestationis* (1). Postquam vero sequenti tempore secundo præcipue & sequentibus Imperatorum seculis tota judiciorum forma sensim sensimque immutata est, litis contestationum formulæ abolebantur, neque ea amplius, quæ in jure, ab iis, quæ in judicio fieri deberent, curatius discernebantur (2); deinde, quod probe notandum, ea judicum consuetudo, qua ipsi interdum ob inopiam probationum jusjurandum in causis dubiis deferebant, a parvulis initiis orta latius propagabatur; jam facile existimandum est, eas mutationes, quarum rationem infra illustrabo, insignes in jurisjurandi delatione exseruisse effectus, ut tandem, asserente Imp. Justiniano, in quacunque judicii parte, vel

---

(1) L. 28. §. 2. D. de Jud. Winkler *de discrimine inter litis contestationem jure veteri ac moderno*. §. 8.

(2) Winkler l. c. c. 10. in fine.

(3) L. 12. C. de reb. cred. Nov. 73. c. 4.

(4) Jus Saxonicum eadem fere principia adhuc fovet, quæ obtinebant jure romano veteri. Nempe jurisjurandi delatio ibi quoque non nisi ante litem pure contestatam fieri potest. Postea & præfixo termino probatorio cessat. Carpzov. P. I. c. 12. def. 32. §. 33. Zanger *de Except.* P. II. c. 21. n. 74. Menke

in principio, vel in medio vel in ipso termino litis delatio fieri potuerit (3). Hodie, quamvis jurisjurandi delatio unice ad modos probandi referenda sit, nullum tamen est dubium, quin ea, nisi jam cum ipso libello eventualiter conjuncta fuerit (4); non solum post responsionem rei, quam hodie litis contestationem, vocamus & in termino probatorio; sed & post effluxum terminum probatorium, immo post alias probationes ante susceptas usque ad conclusionem litis fieri possit, atque jus romanum novissimum observari debeat (5). Quod etiam rationi atque indoli hujus remedii convenit. Potest enim aliquis bona fide testes producere, eosque factum, de quo sermo est, percepisse atque enunciaturus esse, credere. Quodsi vero jam testes id ignorant, aut ad minimum ignorantiam prætexunt, tota causa in eundem statum deducitur, ac si nullæ probationes susceptæ essent, & æquitati consentaneum est, ut actori concedatur ultimum re-

---

ad *proc. Sax. disp.* 18. §. 4. Alibi ad terminum probatorium adstricta est. Puffendorf *ad Proc. Brunsv. P. III. c. 5. §. 5.* Dissentiunt tamen, & ibi quoque postea adhuc delationem admittunt de Puffendorf *T. I. o. 154.* Strube *rechtl. Bed. P. I. n. 164.*

(5) Voetius *ad tit. ff. de jurejur. §. 2.* Brunne-  
mann *ad L. 12. C. de reb. cred. G. L. Boehmer de*  
*auctoritate judicis circa jusjurandum del. §. 13.*  
Puffendorf l. c. Strube l. c. Claproth *bürgerl. Proc.*  
§. 322. Rudolph. Christ. Henne *de jurisjurandi de-*  
*latione in omni parte judicii licita.* Erf. 1767.

fugium, ad eruendam veritatem inserviens. Adjicienda tamen limitatio per se clara, scilicet, tum cessare jurisjurandi delationem, cum probationes a deferente antea frustra susceptæ contra eum tanquam producentem plene probant. Hoc casu reus contrarium probasse censetur, adeoque jusjurandum juste declinare potest.

## §. L I V.

*De variis, quas alter post factam delationem inire potest, viis & quidem I. de Acceptatione jurisjurandi & juramento calumnia.*

Delato jurejurando alteri varia competere juris remedia, supra jam explicavi, quorum genuina ratio quærenda est in pacti notione. Nempe quoniam iniquum Romanis videbatur, alterius arbitrio absolute aliquem subiectum esse & ad certam pacti speciem cogi, reus, modo a vi privata abstineret, cæterum ex quibuscunque legitimis litem finiendi modis ipse, cui insistere, & qua transactionis specie causam terminari velit, eligere po-

---

(1) L. 37. D. de jurejur. ibi: "Si non fuerit remissum jusjurandum ab eo, qui detulerit, sed de calumnia non juratur, consequens est, ut debeat ei denegari actio. Sibi enim imputet, qui processit ad delationem jurisjurandi, nec prius de calumnia juravit, ut sit iste remittenti similis." L. 11. §. 1. D. de Act. rer. amot. L. 9. C. de rebus cred.



tuit, modo causæ qualitas & reliquæ circumstantiæ delationis habilitati non obstarent. Ergo huc spectat *Acceptatio* jurisjurandi delati, quo tamen casu antea ab adversario deferente jusjurandum calumniæ exigere poterat (1), eum non vexandi animo jusjurandum detulisse, a quo tamen liberi erant *patroni* atque *parentes* (2). Genuinam vero jurisjurandi calumniæ originem, equidem, si conjicere licet, a judicii divini indole derivandam esse censeo. Ut enim verum adesset compromissum, uterque ad Deorum tribunal provocare debuit. Idem & majores nostri, nempe veteres Germani egerunt, dum ad probationes illas vulgares, quibus Dei miracula exigebant, suscipiendas interdum utrumque litigantium cogeant, neque unius experimento contenti erant.

Hodie, quamvis illa pacti notio ad nostrum religionis ac judiciorum statum minime applicari potest, sed jurisjurandi delatio unice inter probandi modos referri debet; attamen etiamnum illud aut acceptandum aut una reliquarum viarum eligenda est, quod quidem nunc illi pactorum libertati haud tri-

---

(2) Clare id probant L. 16. D. *de jurejur.* L. 7. §. 3. D. *de obsequio parentibus & patrono præst.* Quibus contradicere videtur L. 14. §. 4. D. *de jurejur.* Sed lectionem æque in Noricis Pand. occurrentem textui Florentino, qui habet *neque*, præferendam esse, tota juris analogia suadet. cf. Bynkershoek *Obs. L. VII. c. 9.* Leyser *sp.* 140. cor. 2.

buendum esse puto, sed eum præstat usum, ut libera partium voluntate is, penes quem maximum fidei pondus probabiliter existit, detegatur, & ad jusjurandum admittatur. Verum enim vero jurisjurandi calumniæ ratio apud nos cessat, idque inter juramenta mere superflua referendum est, quorum usum summa cum anxietate evitandum esse, sanioris religionis præcepta innuunt. Ad minimum, si non in totum illud proscribi vult, cessare tamen debet illius applicatio, si uterque litigantium, se factum, de quo sermo est, nosse, asserit, quo casu alterutrum pejerare necesse est, quæ perjuria ante prævisa prohiberi & evitari debent, ut itaque sufficiat, tali casu jusjurandum principale solum admitti. Si deferens aliis simul argumentis, ad juramentum suppletorium decernendum insufficientibus, intentionem suam quodammodo probabilem reddidit, quia heic deficit calumniæ metus denique intuitu eorum, a quibus alias ob causas remota est calumniæ suspicio.

## §. L I V. \*

*Continuatio de effectibus acceptationis. De revocatione jurisjurandi delati & probatione provitando perjurio, traditur theoria.*

Igitur ex prædictis jam facile existimandum, acceptationem sequentes producere effectus. Ex principiis juris romani veteris ea jus acquiritur, juramentum præstandi, quod a deferente revocari nullo modo po-

test. Quamdiu alter jusjurandum ipsi delatum nondum acceptavit, illud revocationi quidem subest, quoniam sine utriusque consensu pactum validum deficit atque legitimi illius effectus cogitari nequeunt. Acceptione vero alterius consensus accedit, quo plenipacti perfectio gignitur, & omnis revocationis facultas excluditur (1). Sed insignem in jure antiquo mutationem fecit Imperator Justinianus, qui cum & alia jurisjurandi capita indoli religionis christianæ propius accommodare studuit, tum etiam, ut omnis perjuriorum occasio evitetur, revocationis facultatem latius extendit, eamque & post acceptionem usque ad litis terminum & sententiam definitivam provocatione non suspensam permisit. Sancit enim: *Si quis jusjurandum intulerit, & necdum eo præstito, postea (utpote sibi allegationibus abundantibus) hoc revocaverit, nemini licere penitus iterum ad sacramentum recurrere (satis enim absurdum est redire ad hoc, cui renunciandum putavit, & cum desperavit aliam probationem, tunc denuo ad religionem convolare) & judices nullo modo eos audire ad tales iniquitates venientes. Si quis autem sacramentum intulerit & hoc revocare maluerit, licere quidem ei hoc facere, & alias probationes, si voluerit, præstare, ita tamen, ut hujusmodi licentia usque ad litis tantummodo terminum ei præstetur. Post definitivam autem sententiam, quæ provocatione suspensa non sit, vel quæ, postquam fuit appellatum,*

---

(1) L. 16. & 39. C. de transact.

corroborata fuerit, nullo modo revocare juramentum, & iterum ad probationem venire, cuiquam concedimus, ne repetita lite, finis negotii alterius causa fiat exordium (1). Dubius plerisque videtur genuinus hujus legis sensus, quem ideo mirum in modum agitarunt interpretes, & in diversas partes traxerunt. Ego argumentis quibusdam ab aliis nondum visis demonstrari posse satis clare, censeo, Imperatorem revocationem jurisjurandi non solum usque ad interlocutoriam, sed potius usque ad actuale illius præstationem concedere voluisse. Innuunt id verba initialia *Et nondum eo præstito &c.* Deinde permittit Imperator revocationem usque ad *litis terminum Et sententiam provocatione non suspensam*. Atqui sub verbis posterioribus *interlocutoria* intelligi non potuit, quoniam secundum L. 12. C. de reb. cred. deferenti appellationis facultas hoc casu denegatur, & etiam, si alter, cui delatum, ab interlocutoria provocaverit, statim pro recusato haberi debet jusjurandum, relicta tantum ulteriori judici, sententiam principalem emendandi potestate. Ergo quum utroque casu interlocutoriam statim sententia definitiva subsequeretur, eaque coincideret, vel præstito jurejurando absolvens, vel ob recusatorem condemnans, ego usque ad actuale jurisjurandi præstationem (utpote quæ

---

(1) L. 11. C. de reb. cred.

(2) Brunnemann. ad L. 11. C. de reb. cred.  
Jo. Tob. Carrach de imaginaria aequitate prob.

sub sententia definitiva tanquam coincidente intelligitur) revocationem fieri potuisse, credo. At mire dissentiunt Doctores circa sensum & hodiernam applicationem hujus legis. *Alii* enim revocationem post acceptationem simpliciter denegant (2). *Alii* usque ad finem termini probatorii aut interlocutoriam super jurejurando latam eam concedunt, posteaque non nisi novas probationes prævio jurejurando malitiæ concedunt (3). *Alii* sine omni limitatione usque ad ipsam præstationem jurisjurandi revocationem cum probatione pro vitando perjurio licitam esse contendunt (4). Mihi vero plerique revocationis facultatem cum aliarum probationum proferendarum libertate confundere, & quasi una alteram semper includat, innuere videntur. Quæ tamen facultates plane diversæ sejungendæ potius sunt.

Nempe affirmo equidem, revocationem fieri posse usque ad præstationem jurisjurandi. Idque ob perjurii metum tali casu a deferente, salvis tamen reliquis suis probationibus aliunde non præclusis, remissum esse existimandum est. Quæ revocationis libertas legis sensui, ac genuino hujus jurisjurandi fini, quem subsidarium & maxime restringendum esse, aliquoties jam inculcavi; ita convenit, ut alterius obligatio ad jusjurandum præstandum ea ipsa remissione

---

*pro vitando perjurio.*

(3) Claproth l. c. p. 447.

(4) Leyser sp. 138.

cessare debeat, quoniam in jurejurando delato præcipue a partium electione fides probationis pendet, quæ ratio facta revocatione sublata est. At cum revocatione minime semper conjuncta est omnium reliquarum probationum libertas, & recoctio. Illæ enim tantummodo admittendæ sunt, quæ secundum reliquam juris analogiam adhuc competere possunt. Ergo quidem facultas documenta producendi etiam post revocationem usque ad conclusionem in causa jure communi competit; testes vero produci non amplius possunt, si tempore revocationis terminus probatorius jam effluxus est. Quodsi vero novæ plane probationes adsunt, quarum antea nullam notitiam revocans habuit, illæ etiam post conclusionem aut terminum probationis adhuc audiendæ sunt, si ignorantiam suam revocans probabilem reddidit, quo tamen casu restitutionem in integrum a judice etiam sine juramento malitiæ ante exacto, (quod plerumque nil juvat) reliquis circumstantiis consideratis brevi manu impertiri posse, neque eum nimis rigidum esse debere censeo. Nec objici potest cum Leysero, restricta hoc modo probationum facultate, neminem facile jusjurandum revocaturum esse atque perjuriam haud evitari. Ea enim ipsa ratione litigantes providi redduntur, atque ut quævis probationum argumenta sedulo conquirant & congerant, antequam ad juramenti delationem progrediantur, efficitur. Eo vero nescio an simul fortius detur perjuriam evitandi rempe-

dium. *Deficiente probatione pro vitando perjurio suscepta revocantem ad delationem regredi non amplius posse*, clara legis verba innuunt & reliqua juris analogia, qua ad renunciata & remissa non datur regressus.

§. L V.

*Post acceptationem neque relatio juramenti neque probatio pro exoneranda conscientia locum habet.*

Efficitur acceptatione jurisjurandi, ut neque relatio, neque probatio pro exoneranda conscientia locum amplius habere possit. Jure romano ob pacti indolem id nulli dubio obnoxium est. At neque reliqui jurisjurandi respectus, qui hodie præcipue considerari debent, sc. juramenta non nisi probandi modos subsidiarios esse, aliud præcipiunt. Quæ enim ratio revocationem jurisjurandi cum probatione ad vitandum perjurium fovet, quod nempe deferens neque sperare neque prævidere potuit, alterum jusjurandum acceptaturum esse, eamque ob causam probationes suas distulit, ea in persona acceptantis cessat. Hic enim, dum deliberato animo jusjurandum acceptavit, eo ipso bonam conscientiam prætendit, aut aliarum probationum defectum declarat. Ergo cur ab acceptatione resiliatur, nullum adest rationale fundamentum. Excipio tamen probationes novas, quæ, si illarum ignorantia anterior verisimilis redditur, etiam acceptanti

156 L. III. De jurejur. ex Rom. doctrina  
pro exoneranda conscientia concedendæ  
sunt.

§. L V I.

*Si quis post acceptationem jurisjurandi ante illius  
præstationem moritur, illud ceteris paribus pro  
præstito habendum esse docetur. Caterum hæ-  
redes acceptantis non nisi de factis propriis  
aut ipsis notis vel de ignorantia jurare te-  
nentur.*

Si quis acceptato jurejurando postea ante  
actualem illius præstationem mora sua haud  
dilatam vita decedit, quærunt, num illud  
pro præstito habendum sit? Deficiunt leges,  
quidquam de eo casu fancientes, neque le-  
gum aliarum argumenta, quorum ingentem  
cumulum Doctores congesserunt, siue pro  
siue contra aliquid probant. Quæ vulgo de  
iis, qui in contractibus casu impediti sunt,  
obligationes implere, in medium proferunt  
juris principia, spuriam analogiam indican-  
tia, haud magis applicari possunt. Hinc mi-  
rus Ictorum in decidenda hac quæstione dis-  
sensus. *Alii* enim negant pro præstito haberi  
posse tale jusjurandum (1). *Alii* ob variarum  
limitationum multitudinem sibi ipsi fere haud  
constant (2). Saniores doctrinam fovet Ley-  
ferus, qui, hoc casu jusjurandum accepta-

---

(1) Dubitavit jam olim de religione morientium  
Glossa ad cap. 14. *de præsumt.* & notum est  
illud Baldi: *non omnis moriens est Johannes*  
*Evangelista.* Conf. Tilesius *de usu brocardici*: non



tum præstiti effectus habere confirmat, sed tria simul exigit requisita rationi convenientia, ut nempe *primum* appareat, offerentem virum bonum & integrum nec de levitate suspectum esse, *deinde* oblationem non tantum per procuratorem, sed ab ipso & serio quidem factam, *tandem* præstationem iurijurandi decedentis mora aut tergiversatione non impeditam fuisse. Ego de quæstione proposita ita sentio. Pro præstito habendum est iusjurandum acceptatum & Leyseri sententia applicanda, si is, qui ad probandum obligatus haud fuit, sponte iusjurandum actori, cui probatio incubuisset, detulit, hic vero post acceptationem decedit, quoniam tali delatione ipse adversarius actori summam fidem conciliavit, quod & in eo casu obtinere æquum; si is, cui relatum iusjurandum, aut ab ipso iudice ad supplendas probationes illud impositum est, moritur.

Cum autem is, qui probare debuit ipse, necessitate coactus, iusjurandum adversario detulit, & hic post acceptationem mortuus est, tum eum effectum cessare & causam in eum statum redire, ac si revocatio facta esset, atque probationes secundum regulas supra datas aliunde nondum præclusas adhuc admittendas esse censeo. Sola enim acceptatio eas impedire haud potest, quoniam pac-

---

*omnis moriens* §c. Berger in *El. disc. for.* p. 577.

(2) *Styrk de morte loco iurijur.* Diff. Voll. II. n. 4.

torum regulæ secundum deducta hodie in jurisjurandi delatione applicationem haud patiuntur. Ergo cum nullum aliud adest impedimentum, ego non video, si casu jurisjurandi præstatio impedita, cur non reliqua probationum argumenta salva esse debeant, nempe testium productio, quatenus terminus probatorius adhuc currit, documenta vero & reliquæ allegationes usque ad conclusionem. Nec objici potest, in revocatione de vitando perjurio agi, ideoque alias probationes concedendas esse. Potuisset enim etiam in præsentī casu jusjurandum usque ad actuale illius præstationem revocari, nisi mors alterius intervenisset. Neque obstat, iniquum videri, tales probationes post alterius demum mortem produci. Actor enim, etiam si jurisjurandi delatio nulla facta esset, tamdiu, quam termini probatorii cursus aut reliqua fatalia sinunt, probationes suas deferre easque post mortem alterius producere potuisset. Jam vero etiam in præsentī casu eas non indistincte sed sub limitationibus supra explicatis concedo.

Si ipse deferens postea tergiversationibus suis jurisjurandi delati præstationem impedivit, tum, si altera pars antea moritur, illud jam acceptatum sine distinctione præstito habendum aliasque probationes oblatas rejiciendas esse censeo.

De hæredibus acceptantis idem, quod jam aliquoties monui, repetendum est, nempe illos non nisi de factis propriis, & cognitis, aut de ignorantia jurare teneri.

## §. L V I I.

## II. De Relatione jurisjurandi.

II. Altera via illi, cui jusjurandum delatum est, patens consistit in *Relatione datur enim & alia facultas reo, ut, si malit, referat jusjurandum, & si is, qui petet, conditione jurisjurandi non utetur, judicium ei Prætor non dabit.* Æquissime enim hoc facit, cum non deberet displicere conditio jurisjurandi ei, qui detulit. Sed nec jusjurandum de calumnia referenti defertur, quia non est ferendus actor, si conditionis, quam ipse detulit, de calumnia sibi velit jurari. Immo modestius, qui referat, quam si ipse juret, facere credidere (1).

Hodie nullum dubium est, quin ea relationis facultas recto usui jurisjurandi delati conveniat. Ea enim ratione optime eruitur, cui major fides tribuenda sit. Partes ipsæ plerumque indubiam eorum, quæ in lite versantur, factorum cognitionem habent. Dum igitur deferunt aut referunt juramenta, eo ipso facto probabilitatis pondus unus in alterum transfert, cui deinde judex antea hæsitans, insistit. Idem vero etiam intuitu relationis juris esse, quod circa delationem obtinet, facile existimandum est. Ergo quæ de personarum & objectorum qualitate supra

---

(1) L. 34. §. 7. D. de jurejur. L. 25. §. 3. D. de prob. L. 12. §. 1. C. de reb. cred. L. 25. §. 1. D. de const. pec.

docui, & heic suo modo applicari debent. Speciatim relatio cessat, si factum quæstionis illi, cui delatum est jusjurandum, solum innotescit, deferens vero illius notitia destituitur (1); si intuitu deferentis adest impedimentum, ob quod ad jurandum admitti non potest, e. g. si perjurus detulit. (§. 7.) Cæterum relatio fieri debet super iisdem momentis, de quibus antea delatio facta est, interdum & ignorantia, si causæ qualitas id permittit (2). Deferens jusjurandum ipsi relatum aliarum probationum oblatione minime declinare potest. Quæ enim in casu revocationis aut intuitu illius, cui delatum est jusjurandum, occurrunt rationes, aliarum probationum admissionem suadentes, illæ in casu præsentis plane cessant, & a deferente allegari minime possunt. Sed idem jam ipsæ leges allegatæ evidentius docuerunt, quam ut ulteriori ea sententia indigeat explicatione (3).

Denique facta relatio jurisjurandi revocari haud potest neque ad eum effectum, ut deinde referens illud adhuc præstet, neque ut aliæ illius probationes pro exoneranda conscientia admittantur. Consentiant plerique Icti, sed ad rationes hodie non congruas, nempe, pacti regulas provocant. Ego revocationem relationis eam ab causam hodie cessare puto, quoniam is, qui jurisjurandi conditione

---

(1) L. 11. §. 3. L. 12. L. 13. *de act. rer. amot.*  
*conspirat* c. 36. *X. de jurejur.*

conditione sibi oblata illam in deferentem devolvit, eo facto summam fidem adversario tribuit, ideoque facta posthac revocatione animum quam maxime malignum ac frivolum prodit. Excipio tamen probationes, antea incognitas, sed denuo repertas, quas cæteris paribus haud plane exclusas velim.

§. L V I I I.

III. *De probatione pro exoneranda conscientia, qua Quintiliani testimonio comprobatur.*

III. *Tertia* via illi, cui jusjurandum delatum est, patens consistit in *probatione*, quam Pragmatici vocant, *pro exoneranda conscientia*. Hic enim ejus momenti factique, de quo lis agitur demonstrationem aut refutationem aliis probandi modis instituendam ante acceptationem offerre potest. Spectavit id ad pacti libertatem, quam in ipsis judiciis eo usque Romanos extendisse docui, ut, cum omnia non nisi pactionibus ac transactionibus ibidem decidi & finiri posse putarent, alterius semper libera voluntas & electio accedere deberet. Igitur delato jurejurando alter id aut acceptare aut referre, aut ordinariam probationem inire potuit, quo casu ad contractum litis contestationis causa devolvebatur, atque in iudices pedaneos arbitrosve constituendos compromittebatur.

(2) L. 34. §. 8. D. *de jurej.* Claproth l. c. §. 329.

(3) L. 34. §. 7. D. h. t.

Hæc autem omnia, cum ad communem omnium interpretum sententiam respicitur, non nisi per fictionem ac sine omni juris auctoritate dixisse videor. Deprehendi enim iterum mirum Doctorum dissensum in doctrina de origine ac fundamento hujus probationis. *Alii* in eo acquiescunt, usum illius juris analogiæ non adversari, & cum leges expressæ deficiunt, desudant in colligendis aliis legum argumentis obtorto collo huc tractis, quibus illius justitiam adstruere conantur. *Alii* meris interpretum opinionibus, consuetudine tamen confirmatis, eam originem suam debere, contendunt. Nullus vero hactenus illius existentiam & usum inter Romanos directe affirmare & demonstrare ausus est. Ergo, quum diu in eadem incertitudine hærerem, omnia sedulo investigavi, quæ ad rem judiciariam Romanorum spectant, illique lucem affundunt, atque tandem ex Quintiliano didici, Romanis eandem facultatem, jurisjurandi præstationem ordinaria probatione avertendi, competiisse atque solemnem fuisse. Exhibet enim ille elegantissimam jurisjurandi delationis descriptionem, quæ ut tota heic inferatur, digna mihi visa est: *Jusjurandum, inquit, litigatores aut offerunt suum, aut non recipiunt oblatum, aut ab adversario exigunt, aut recusant, cum ab ipsis exigatur. Offerre suum sine illa conditione, ut vel adversarius juret, fere improbum est. Qui tamen id faciet, aut vita se tuebitur, ut cum non sit credibile pejeraturum, aut ipsa vi religionis; in qua plus fidei consequetur, si id egerit, ut non*

cupide ad hoc descendere, sed ne hoc quidem recusare videatur, aut, si causa modo patietur litis, propter quam devoturus se ipse non fuerit, aut quum præter alia causæ instrumenta adjicit ex abundanti hanc quoque conscientię suæ fiduciam. Qui non recipiet & iniquam conditionem & multis contemni jurisjurandi metum dicet, cum etiam philosophi quidam sint reperti, qui Deos habere curam rerum humanarum negarent. Eum vero, qui nullo deferente jurare sit paratus, & ipsum velle de causa sua pronunciare, & quam id, quod offert, leve ac facile credat, ostendere. At is, qui desert, agere modeste videtur, cum litis adversarium judicem faciat, & eum, cujus cognitio est, onere liberet, qui profecto alieno jurejurando stari, quam suo malit. Quo difficilior recusatio est, nisi forte res est ea, quam credibile sit, notam ipsi non esse. Quæ excusatio si deerit, hoc unum relinquetur, ut invidiam sibi queri ab adversario dicat, atque id agi, ut in causa, in qua vincere non possit, queri possit. Itaque hominem quidem malum occupaturum hanc conditionem fuisse, se autem probare malle, quæ affirmet, quam dubium cuiquam relinquere, an pejerarit. Sed nobis adolescentibus Seniores in agendo facti præcipere solebant, ne unquam jusjurandum deferremus, sicut neque optio judicis adversario esset permittenda, nec ex advocatis partis adversæ judex eligendus. Nam si dicere contraria turpe advocato videretur, certe turpius habendum, facere quod noceat (1).

(1) Quintilianus *Inst. orat.* L. V. c. 6.

Ergo claris verbis Quintilianus innuit, eum, cui jusjurandum delatum, si malit, ea probare magis posse, quæ affirmet, quam dubium cuiquam relinquere, an pejerarit. Hodie, quamvis extiterint nonnulli, qui eam probationis facultatem e foris ejiciendam esse putarunt (1), equidem tamen illam, modo abusus evitentur, rationi convenientissimam esse censeo. Pertinet enim jusjurandum inter probandi modos non nisi in subsidium admittendos. Ergo si adsunt alia probationis adminicula, illa omnino prærogativam merentur.

Suscipitur autem ea probatio modis ordinariis; reprobatio deferentis admitti non potest, quoniam ipsa delatione juramenti postea nec revocati, facultatem probandi exhaustit. Si probatio suscepta insufficiens reperta, jurisjurandi acceptatio aut relatio adhuc salva esse debet. Ille enim, qui pro exoneranda conscientia probare annisus est, etiam hodie modestius egisse videtur, si judicem probationibus evidentibus quam jurejurando convincere maluit. Multi quoque optimam conscientiam habentes ob varios interdum scrupulos inanes tardius ad jurandum accedunt. Jam vero si in probatione deficiunt, iniquum esset, ultimum illis subsidium adimere. Differt enim ille, qui hanc probationem suscepit, ab eo, qui demum

---

(1) Thomæ de emendandis quibusdam liti-  
tium protrahionibus in materia juramenti parti  
a parte in judicio delati. §. 13. Griebner de pro-



post acceptationem jurisjurandi ad probationes resilire mavult, quem semper frivoli animi indicium prodere supra docui. Tum vero, si plus quam semiplene probatum, judicem absolute suppletorium juramentum decernere, neque illius relationem concedere debere, hodiernæ probationis ac jurisjurandi indoli convenientius mihi videtur, quoniam ei, in quem major probabilitatis gradus vergit, jusjurandum imponi rationi convenit.

§. L I X.

*De formula jurisjurandi delati.*

Quoniam jurisjurandi delatio ex Romanorum principiis est pactum atque transactio, simul vero in causis privatis liberam obtinuisse religionis ac jurandi facultatem supra jam demonstravi (§. 27.); inde simul perspicuum est, eam sub quacunque formula fieri potuisse, modo alterius conscientia stringeretur. Fuit tamen in tali religiosarum opinionum varietate, præcipue deferentis, eam definire. Ait enim Prætor: *Si is, cum quo agetur, conditione delata juraverit, eum cum quo agetur, accipere debemus ipsum reum. Nec frustra adjicitur: conditione delata: Nam si reus juravit, nemini ei jusjurandum deferente, prætor*

---

*bationum, quæ jurisjurandi declinandi causa suscipiuntur, ambagibus recidendis. §. 1. sq.*

id iusjurandum non tuebitur. Sibi enim juravit, Alioquin facillimus quisque ad iusjurandum decurrens, nemine sibi deferente iusjurandum, oneribus actionum se liberabit (1). Ergo talem deferens eligebat formulam, qua alterius animum quodammodo sollicitari, suspicatus est. Jurare enim oportet, ut delatum est iusjurandum. Ceterum si ego detuli, ut per Deum jurares, tu per caput tuum jurasti, vel filiorum tuorum, non erit ratum habendum iusjurandum: quodsi exegi, ut per salutem tuam jurares & jurasti, stabitur. Omne enim omnino licitum iusjurandum, per quod voluit quis sibi jurari, idoneum est, & si ex eo fuerit juratum, Prætor id tuebitur. Divus Pius jurejurando, quod propria superstitione juratum est, standum rescripsit (2), modo non esset improbata publice religionis. (§. 27.). Casum notatu dignum exhibet Seneca: Quum in quodam judicio centumvirali adversario, quem ut impium erga parentes incessabat, iusjurandum quasi per figuram obtulisset (Albutius) placet, inquit, tibi, rem jurejurando transigi? Jura, sed ego iusjurandum dabo. Jura per patris cineres, qui inconditi sunt, jura per patris memoriam. Et exsecutus est locum. Quo perfecto surrexit Lucius Aruncius ex diverso & ait: accipimus conditionem, jurabit. Clamabat Albutius: non

---

(1) L. 3. pr. D. de jurejur.

(2) L. 3. §. 4. L. 4. L. 5. D. de jurej. L. 33. eod.

23 Qui per salutem suam jurat, licet per Deum jurare videtur, (respectu enim divini numinis ita jurat) attamen, si non specialiter iusjurandum ei delatum

detuli conditionem, schema dixi. Aruncius instabat. Centumviri rebus jam ultimis se parabant. Albutius clamabat: Ista ratione schemata de rerum natura tolluntur. Aruncius agebat: tollantur, poterimus sine illis vivere. Summa rei hæc fuit: Centumviri dixerunt, dare ipsos secundum adversarium Albutii, si juraret ille. Juravit (3). Hodie ea omnia inter nos applicari haud possunt, sed quævis juramenta nostra tam in causis publicis, quam privatis ad unicum ac verum Deum dirigi debere, supra jam docui (§. 30). Si litigantes concurrunt religioni christianæ haud addicti, principia §. 7. & 23. exposita observanda sunt.

§. L X.

*De auctoritate judicis circa jusjurandum delatum.*

Verum enim vero, quamvis hoc modo partium conventionibus circa jurisjurandi delationem ac præstationem plurimum relictum fuerit, interdum tamen & judex auctoritatem suam interponere debuit. Quod si enim de qualitate juramenti fuerit inter partes dubitatum, conceptio ejus in arbitrio judicantis est (4). Hodie ea judicum auctoritas magis adhuc conspicua est, quam quidem ex Ro-

---

est, jurasse non videtur, & ideo ex integro solemniter jurandum est". L. 39. *ibid.*

(3) Seneca *controv. L. III. præf.*

(4) L. 34. §. 5. D. de jurejur.

manorum principiis indicatis esse potuit. Accedit enim ad sollicitam personarum, causarum & reliquorum momentorum indagationem ipse religionis honor, privatorum arbitriis haud quaquam relictus, cujus sanctissima custodia cuicunque veri Dei cultori adeoque & judici incumbit. Facta itaque jurisjurandi delatione judex circumspicere debet, num personæ litigantes ad eam ineundam habiles sint; num causæ qualitas eam haud respuat; an justo tempore facta sit; num litis decisioni inserviat, quoniam otiosa ac sine effectu futura, admitti haud potest; quem in finem etiam, formulam a partibus conceptam corrigere, & ad factum speciale ceu thema probandum dirigere, circumstantias ineptas & irrelevantes eliminare, contra verbis perspicuis atque ad captum jurantis attemperatis, nec æquivocum sensum habentibus eam adornare judici incumbit. Eadem & facta jurisjurandi relatione caute observanda sunt a judice, *quia non semper consonans est, per omnia referri jusjurandum, quale defertur, forsitam ex diversitate rerum vel personarum quibusdam emergentibus, quæ varietatem inducunt; ideoque si quid tale inciderit, officio judicis conceptio hujuscemodi jurisjurandi terminetur* (1). De formula religiosa partium arbitrio haud relinquenda, sed secundum principia supra exposita genuinis religionis principiis a judice accommodanda, nullum hodie intercedere potest dubium.

---

(1) L. 34. §. 8. D. de jurejurando.

Sicut generatim omnia sedulo indaganda sunt, quæ ad habilitatem delationis ac relationis atque reliqua capita spectant. Est enim hodie delatio jurisjurandi unice species probationis, in qua, si judici fides fiat, omnia illius momenta diligenter consideranda sunt.

§. L X I.

*De recusatione jurisjurandi ejusque effectibus  
nec non illius remissione.*

Delato jurejurando alter unam earum, quas explicavi, viarum eligere, nempe illud aut acceptare, aut referre, aut probationes alias inire debet. Qui vero ad neutram paratus est, sed omnes recusat, is eo ipso quævis vincula civilia disrumpere, & cum ei neque pactorum libertas in ipsis judiciis stabilita placeret, quoscunque legitimos controversiam finiendi modos sedulo fugere, atque summo contumaciæ gradu, quod justum æquumve erat, temere negare videbatur, ut itaque non posset non talis causa sua cadere, nempe aut actiones aut exceptiones suas perdere, & ad solvendum mediis executivis impelli. Ait igitur Prætor: *Eum, a quo jusjurandum petetur, solvere aut jurare cogam. Alterum itaque eligat reus, aut solvat aut juret, si non jurat, solvere cogendus erit a Præторе* (2). Additur porro ratio: *Manifesta enim turpitudinis & confessionis est, nolle nec*

---

(2) L. 34. §. 6. D. de jurejur.

*jurare, nec jusjurandum referre* (1). Quod & alibi eo modo explicatur: *Si neque juratum est, neque remissum jusjurandum pro eo debet haberi, atque si res in jusjurandum admissa non esset; proinde si postea jurare paratus sit, nihil ei hoc jusjurandum proficiet, quia ex eo, quod delatum est, juratum non est* (2). Denique in compendio ita recusationis effectus recensentur: *Cum res in jusjurandum demissa sit, iudex jurantem absolvit, referentem audiet, & si actor juret, condemnet reum, Nolentem jurare reum, si solvat, absolvit, non solventem condemnat, Ex relatione non jurante actore absolvit reum* (3). Ex quo jam sequentes fluunt regulæ.

1°. Recusato jurejurando calumniæ deferens causa cadit (4). 2°. Recusato jurejurando principali actor, cui id delatum est, ea actionis capitula, de quibus jurare aut reliquas vias legitimas inire debuisset, amittit. 3°. Reus recusans in eo, de quo ipsi jusjurandum delatum, exceptiones perdit & pro confesso habetur. 4°. Recusato jurejurando relato, iidem effectus sequuntur. 5°. Speciales recusationis effectus singulis juramentorum speciebus supra allegatis (§. 47. sq.) proprii loco congruo explicati sunt. Hæc omnia vero tam diu obtinent, quam remissio jurisjurandi a deferente non facta est. Quam primum enim hic gratiam jurisju-

---

(1) L. 38. *cod.*

(2) L. 5. §. 4. *D. de jurejur.*

(3) L. 34. §. 9. *cod.* L. 9. L. 12. *C. de R. C.*

randi fecit, cessat illius præstandi obligatio eodem jure, quo quisque juri suo ex pacto quæsito sponte renunciare potest. *Remittit autem jusjurandum, qui deferente se, cum paratus esset adversarius jurare, gratiam ei facit, contentus voluntate suscepti jurisjurandi. Quod si non suscepit jusjurandum, licet postea paratus jurare actor nolit deferre, non videbitur remissum, nam quod susceptum est, remitti debet* (5). Cæterum facile existimandum est, eos tantum remittere jusjurandum posse, qui libera de rebus suis disponendi facultate gaudent. Ergo e. g. jurisjurandi gratiam facere pupillus non potest (6).

Hodie, etiamsi jurisjurandi delatio mere tanquam probandi modus considerandus sit, nullum tamen est dubium, quia iidem obtineant recusationis effectus, qui fini jurisjurandi, si ad decidendas finiendasque controversias in ultimum subsidium adhibeatur, omnino conveniunt. Modus procedendi consuetus eo breviter absolvitur. Facta nempe jurisjurandi delatione, eaque cum reo communicata, declaratio huic injungitur, qualem viarum competentium eligere velit, qui tamen terminus primus non adeo fatalis est, ut, eo frustra effluxo jusjurandum statim pro recusato haberi possit. Itaque reus aut acceptat conditionem ipsi oblatam, sc. unam

---

(4) L. 37. D. de jurej. L. 9. C. de R. C.

(5) L. 6. L. 9. §. 1. L. 4. D. de jurejur. L. 1. §. C. de R. C.

(6) L. 32. eod.

viarum competentium eligit, aut contra habilitatem & qualitatem delationis excipit, aut sine legitima responsione contumax est. *Primo* casu terminus ad præstationem jurisjurandi delati aut relati, (probatio enim pro exoneranda conscientia modo deinde ordinario peragitur) peremptorius, cæteris paribus, interlocutoria præfigitur; *secundo* (nisi exceptiones fundatæ appareant & ideo, facta delatio plane non admittatur) illis rejectis itidem terminus peremptorius ad declarationem definitur; *tertio* eodem modo novus terminus præscribitur. Deinde vero, hoc secundo termino iterum frustra præterlapso, ad alterius accusationem jusjurandum pro recusato declaratur, & condemnatoria sententia fertur, nisi legitimum impedimentum adfuerit.

## §. L X I I.

*De appellationibus circa jurisjurandi delationem.*

Sapientissime Imperator Justinianus constituit deferenti nullum plane competere appellationis remedium, sive a sententia, qua alteri præstatio jurisjurandi delati injuncta, sive qua post illius præstationem condemnatoria secuta est (1); alteri autem, qui juramentum ipsi delatum recusavit, concedendam quidem esse appellationem, sed sine effectu suspensivo, ita ut non attenta provocatione, judex pri-

---

(1) L. 12. pr. C. de reb. cred.

(2) L. 12. §. 2.



mæ instantiæ statim illud pro recusato declarare ac condemnatoriam ferre possit, salva tantum corrigendi ac reformandi facultate, ulteriori instantiæ competente (2). Ratio sanctionis eo nritur, ne juramenta litigantium appellationibus temerariis frustrentur, *cum multum discrepat juramentum hæreditarium a principali sacramento*. Idem hodie quoque observari rationi convenit. Sed casus secundum eandem juris analogiam distinctius, quam quidem plerumque fieri solet, separandi sunt. Nempe a sententia interlocutoria, qua alteri jurisjurandi delati & postea non revocati præstatio injungitur; a sententia declaratoria præstito hoc jurejurando lata, appellari non potest (3). Contra vero appellatio competit a sententia interlocutoria, qua revocatio jurisjurandi rejecta, & quidem, ut ego puto, cum effectu suspensivo, quoniam eo nulla pars læditur, neque revocans, cujus ob præjudicium causæ principalis quam maxime inter est jusjurandum non præstari, neque alter, cui delatum est, quoniam si durante appellationis processu moritur & prior sententia confirmatur, mortui juramentum acceptatum pro præstito habendum (§. 56.); si vero prior sententia reformata & revocatio pro justa declarata, recte jusjurandum suspensum est.

Appellari etiam potest ab Interlocutoria, qua exceptiones contra delationem oppositæ

---

(3) Cit. l. 12. C. de R. C. l. 56. D. de re jud. l. ult. §. 1. D. de appellat. C. 17. X. de jurejur.

rejectæ sunt, sed non cum effectu suspensivo, ita ut sine respectu ad provocationem statim aut jurare debeat, aut sententia iusjurandum pro recusato declarans ferri possit, quod ideo æquissimum, quoniam deferentis interest, iusjurandum ab eo adhuc vivo præstari, aut pro recusato declarari, neque simul recusanti damnum inde emergit, cum, si iusta recusationis causa adfuit, prior sententia in ulteriori instantia semper corrigi potest (1). Denique tum quidem a sententia definitiva, qua iusjurandum pro recusato declaratur, appellari potest, si simul alia gravamina concurrunt. Alias vero minime, quoniam potius ab interlocutoria, qua exceptiones contra delationem propositæ rejectæ sunt, statim appellari debuisset.

(1) L. 12. §. 2. C. de R. C.

(2) L. 9. §. 1. D. de jurejur. ibi: "Jurejurando dato vel remisso reus quidem acquirit exceptionem sibi aliisque, actor vero actionem acquirit, in qua hoc solum quæritur, an juraverit dari sibi oportere; vel cum jurare paratus esset, iusjurandum ei remissum sit". L. 11. §. 1. eod. L. 28. §. 10. eod. L. 9. C. de R. C. §. 11. I de actionibus: "Item si quis postulante adversario juraverit, deberi sibi pecuniam, quam peteret, neque ei solvatur, iustissime accommodat ei talem actionem, per quam non illud quæritur, an ei pecunia debeatur, sed

## §. LXIII.

*De effectibus jurisjurandi præstiti.*

Considerata pacti atque transactionis indole, facillimum est intellectu, quales effectus Romani e jurejurando præstito derivaverint. Nempe spectat huc I. *Condictio* aut *Actio in factum & exceptio*, ex jurejurando præstito aut remisso orta, cujus remissionis eundem fuisse effectum facile existimandum est. Sicuti enim ex litis contestatione ceu quasi contractu peculiares oriebantur actiones & exceptiones rei judicatæ. ita quoque jusjurandum, quo pacto causa finiebatur, novata priori obligatione suum progenit remedium, quo vel agendo vel excipiendo uti poterant partes (2).

Ideo II. iidem ac ex *transactione* inde redundabant effectus, qui majoris adhuc roboris, quam *rei judicatæ* esse videbantur (3).

an juraverit". *Conf. illustr. Meister Comment. de in Factum act. c. 3. opusc. n. 7. Jo. Lud. Conradi in Partit. actionum; opusc. vol. I. p. 273.*

(3) L. 2. D. de jurejur. "Jusjurandum speciem transactionis continet, majoremque habet auctoritatem, quam res judicata". L. 5. §. 2. "dato jurejurando non aliud quæritur, quam an juratum sit, remissa quæstione, an debeatur, quasi satis probatum sit jurejurando". L. 1. pr. D. quar. rer. actio non datur. ibi: "Jusjurandum vicem rei judicatæ obtinet, non immerito, cum ipse quis judicem adversarium suum de causa sua fecerit,

Comparatur porro III. cum *solutione* aut *acceptilatione* (1). Præstito enim jurejurando actionem suam actor amisit, & reus ab ea obligatione, quæ in lite versabatur (2), sese liberavit. Habet etiam IV. vim *tituli iusti*, ita, ut, qui alias sine titulo non nisi longissimo tempore contra tertium rem præscriberet,

---

deferendo ei jusjurandum". L. 26. §. 2. D. de jurejur. "Jurisjurandi conditio ex numero esse potest videri novandi delegandive, quia proficiscitur ex conventionem, quamvis habeat & instar iudicii". L. 8. C. de R. C. conspirat. c. 36. X. de jurejur.

(1) L. 40. D. de jurejur. ibi: "Jusjurandum a debitore exactum efficit, ut pignus liberetur. Est enim hoc acceptilationi simile. Perpetuam certe exceptionem parit. Idcirco pœnam quoque petentem creditorem exceptione summoveri oportet, & solum repeti potest, utpote cum interposito eo ab omni controversia discedatur".

(2) L. 7. D. de jurejur. "Ait prætor: ejus rei, de qua jusjurandum delatum fuerit, neque in ipsum, neque in eum, ad quem ea res pertinet, actionem dabo. Ejus rei sic erit accipiendum, sive tota de re sive de parte sit juratum. Nam de eo, quod juratum est, pollicetur, se actionem non daturum neque in eum, qui juravit, neque in eos, qui in locum ejus, cui jusjurandum delatum est, succedunt".

(3) L. 13. §. 1. D. de jurejur. ibi: "Julianus ait, eum, qui juravit, fundum suum esse, post longi temporis præscriptionem etiam utilem actionem habere debere.

(4) L. 11. §. 2. D. de jurejur. ibi: "Item, si

ret, idem præstito jurejurando longo tempore præscribere possit (3). Cæterum V. naturam ipsius negotii vel juris, de quo sermo fuit, in se spectatam non immutat (4) neque ultra ea, quæ sub conditione jurisjurandi comprehensa fuerunt, extendendum aut interpretandum est (5). Atque ex iisdem rationibus VI. jusjurandum præstitum tertijs

---

juravero, usumfructum alicujus rei vel meum esse, vel dari mihi oportere, eatenus mihi competit actio, quatenus si vere usumfructum haberem duraret. Quibus vero casibus amitteretur, non competit mihi actio. Sed si rerum, in quibus ususfructus propter abusum constitui non potest, juraverit, usumfructum se habere, vel sibi deberi, effectum jurisjurandi sequendum arbitror, ideoque tunc quoque videri, eum recte jurasse, puto, & ex eo jurejurando posse petere usumfructum, cautione oblata.

§. 3. Si cum de hæreditate inter me & te controversia esset, juravero hæreditatem meam esse, id consequi debeo, quod haberem, si secundum me de hæreditate pronunciatum esset, & non solum eas res restituere debes, quas tunc possidebas, sed & si quas postea cœpisses possidere, perindeque haberi, quod juratum est: atque si probatum esset: idcirco utilis actio mihi competit. Quod si ego ex eadem hæreditate possiderem, tuque cœpisses petere eam a me, cum adversus te jurassem, exceptione me uti debere jurisjurandi. Plane si alius a me hæreditatem petere cœperit, dubium non erit (ut & Julianus scribit) nihil mihi jusjurandum prodesse." *L. 13. eod.*

(5) *L. 28. §. 4. eod.* "Exceptio jurisjurandi non tantum, si ea actione quis utatur, cujus nomine  
*Tom. I. M*

178 L. III. De jurejur. ex Rom. doctrina

neque prodest nec nocet (1), sed exserit tamen effectus suos VII. in *hæredes*, in *fidejussores* & *correos* (2), in *socios* & reliquos *consortes*, si cætera paria sunt (§. 42.)

§. L X I V.

*De retractione causæ jurejurando decise, & probatione perjurii.*

Hinc simul extra omnem dubitationis aleam

exegit jusjurandum, opponi debet, sed etiam, si alia, si modo eadem quæstio in hoc judicium deducatur, forte si ob actionem mandati, negotiorum gestorum, societatis, cæterasque similes jusjurandum exactum sit, deinde ex iisdem causis certum condicatur, quia per alteram actionem altera quoque consumitur. §. 5. Si quis juraverit, se non rapuisse, non debet adjuvari hoc jurejurando in actione furti, aut condictione, quia aliud est furtum fecisse, quod vel clam fieri potest. §. 6. Colonus, cum quo propter succisas forte arbores agebatur ex locato, si juraverit, se non succidisse, sive e lege XII. tab. de arboribus succisas, sive e lege aquilia damni injuria, sive interdicto, quod vi aut clam postea convenietur, per exceptionem jurisjurandi defendi poterit. §. 7. Quæ juravit, divortii causa rem se non amovisse, non debet defendi per exceptionem, si cum ea in rem agatur, & si contendat, suam esse, alio jurejurando opus est. Contra si juraverit, suam esse, debet in actione rerum amotarum defendi. Eo omnino hoc observandum est, licet per aliam actionem eadem quæstio moveatur, ut exceptio jurisjurandi locum habeat &c." *Conf. cel. Theod. Gothofr. Zoller de interpretatione juramenti præstati.* Lips. 1745.

positum est, jure Romanorum antiquo præstito semel jurejurando delato resuscitationem nullam causæ, hoc modo transactæ atque finitæ admitti, neque probationes novas proferri, breviter retractationem illius minime fieri potuisse. Sponte illud principium sequebatur ex tota pacti atque transactionis indole. Cum enim generatim transactionis magnam inter Romanos gratiam fuisse constat propterea, quod præter libertatis natu-

(1) L. 3. §. 3. L. 9. §. ult. L. 11. in f. D. de jurejur. Jusjurandum tamen filio delatum & ab eo præstitum patri etiam prodest. L. 24. D. de jurej. Multo magis proderit patri religio filii, cum quo etiam judicium consistere potest. Ipsi autem referentes conditionem eorum, quibus subiecti sunt, non faciunt deteriore. L. 26. §. 1. eod. L. 2. D. quar. rer. act. Idem etiam de servis obtinuit. L. 23. & 25. de jurej. L. 1. §. 12. D. quar. rer. actio non datur.

(2) L. 28. pr. de jurej. in duobus reis stipulandæ ab altero delatum jusjurandum, etiam alteri nocet §. 1. quod reus juravit, etiam fidejussori proficit. A fidejussore exactum jusjurandum prodesse etiam reo Cassius & Julianus ajunt. Nam quia in locum solutionis succedit, hic quoque eodem loco habendum est, si modo ideo interpositum est jusjurandum, ut de ipso contractu & de re, non de persona jurantis, ageretur. §. 3. Ex duobus reis promittendi ejusdem pecunia alter juravit, alteri quoque prodesse debet. L. 42. §. ult. Item, si reus juravit, fidejussor tutus sit, quia & res judicata secundum alterutrum eorum utrique proficeret. L. 1. §. 3. D. quar. rer. act. non datur.

ralis conservandæ studium supra a me explicatum, nulla alia lites finiendi, controversiasque tollendi facilior commodiorque videbatur via, neque vituperanda aut impedienda verecunda cogitatio ejus, qui lites execratur; tum maxime quoque tanta illi in jure civili attribuebatur vis, ut rei judicatæ auctoritati, si non anteposita, tamen par habita fuerit, quam ipsam, quoniam reip. statusea contineatur, tam firmam sanctamque esse, leges jusserunt, ut ea nullo modo posthac aut infirmari aut labefactari deberet. Ergo neque sub prætextu instrumenti postea reperti transactionem bona fide factam rescindi, leges permiserunt (1).

Jam vero, quamvis ex sola juris analogia eadem principia ad jurisjurandi delationem facile applicari possent, cum illius ac transactionis reique judicatæ eandem fuisse naturam satis demonstratum est; adsunt tamen expressæ quoque leges, qui eundem jurijurando præstito effectum tribuunt, omnemque novarum probationum facultatem prohibent. Ita enim Ulpianus, veterum simul opiniones quasdam fluctuantes recensens ait: *Quòd si deferente me juraveris & absolutus sis; postea perjurium fuerit approbatum, Labeo ait, de dolo actionem in eum dandam. Pomponius autem per juszurandum transactum videri, quam*

---

(1) L. 19. C. de transactionibus. Jo. Aug. Bach de jure transact. super contro. ex testamento non cognitis tabulis. Lips. 1752.

(2) L. 21. D. de dolo malo.



*sententiam* & *Marcellus L. VIII. D. probat.* Stari enim religioni debet (2). Cujus genuinam rationem reddit Paulus: *Nam sufficit perjurii pena* (3). Quæ verba a plerisque non satis intellecta ex supra deductis jam facile explicari possunt. Nempe cum pactum jurijurandi minime probationis indolem sed illud unice sciret, ut præstito jurejurando deferens iræ divinæ in adversarii caput expetitæ voluptate, quem etiam in finem jus suum remisit, contentus esset, supposita tali transactione de veritate causæ ulterius indaganda novisque probationibus non amplius sermo esse potuit. Recte & perquam acute quoque alibi dicitur: *Postrem judicatam, vel jurejurando decisam, vel confessionem in jure factam, nihil quæritur post Orationem Divi Marci, quia in jure confessi pro judicatis habentur* (4). Conspirat quoque constitutio Antonini: *Causa jurejurando ex consensu utriusque partis vel adversario inferente delato & præstito vel remisso decisa, nec perjurii pretextu retractari potest, nisi specialiter hoc lege excipiatur* (5).

Sequenti vero tempore, sicuti generatim in hac doctrina variæ contigere mutationes, non poterant non regulæ quoque traditæ quædam subjungi limitationes. Nempe 1º. cum, ut postea fufius docebo, sub Imperatoribus

(3) L. 22. D. eod.

(4) L. 56. D. de re jud. L. 15. D. de except.

(5) L. 1. C. de R. C.

ea magis magisque invaluit consuetudo, ut non solum partes, sed & nonnunquam ipsi iudices proprio motu parti cuidam iusjurandum ad supplendas præcipue reliquas probationes nondum perfectas deferrent, qualem delationem illo jam tempore non inter transactiones sed unice probandi modos relatam inveni, eo casu præstito licet jurejurando a iudice delato, novas adhuc probationes denovo repertas, si quidem evidentissimæ essent, & maxime instrumenta contra jurantem producere, permiserunt. Ita enim Caius disertis verbis ait: *Admonendi sumus, interdum etiam post iusjurandum exactum permitti constitutionibus principum ex integro causam agere, si quis nova instrumenta se invenisse dicat, quibus nunc solis usus sit. Sed hæc constitutiones tunc videntur locum habere, cum a iudice aliquis absolutus fuerit. Solent enim sæpe iudices in du-*

---

(1) L. 31. D. de jurejur. Graviter occasione hujus legis in Tribonianum invehitur Ant. Faber in *Err. Pragm. Decad XIX. er. 1. sq.* qui ubique manum ac interpolationem Triboniani detexisse sibi visus est, quoniam de retractatione iurisjurandi mentio fiat, quæ demum a Justiniano L. ult. C. de R. C. quodammodo permiffa fuerit, simulque iusjurandum a iudice delatum Cui temporibus affirmatur, quod tamen sub Justiniano demum invaluerit. Verum enim vero cum infra docebo, iusjurandum necessarium ad supplendas probationes a iudice delatum omnino jam sub anterioribus Imperatoribus & Cui tempore obtinuisse; deinde in c. l. 31, non nisi adversus iusjurandum a iudice dela-

hiis causis exacto jurejurando secundum eum judicare, qui juravit. Quodsi alias inter ipsos jurejurando transactum sit negotium, non conceditur eandem causam retractare (1).

Deinde 2°. sequenti tempore Imperator Justinianus tales probationes noviter reperi-  
tas, speciatim instrumenta indubia etiam ad-  
versus jusjurandum ex ipsa partium delatione  
præstitum adhuc admisit. Loquitur quidem  
ille de casu quodam speciali verbis: *Cum*  
*quis legatum vel fideicommissum utpote sibi re-*  
*lictum exigeret, & testamento forte non appa-*  
*rente, pro eo sacramentum ei ab hærede dela-*  
*tum esset, & is religionem suam præstasset,*  
*affirmans, sibi legatum vel fideicommissum dere-*  
*lictum esse, & ex hujusmodi testamento id,*  
*quod petebat, consecutus esset, postea autem*  
*manifestum esset factum, nihil ei penitus fuisse*  
*derelictum, apud antiquos quærebatur, utrum*

---

tum retractatio ob nova instrumenta permittitur,  
Justinianus vero idem ultra etiam in voluntario a  
partibus delato permisit, cujus dispositionis in l. 31.  
& verbis Cæii tantum abest, ut vestigium occurrat,  
ut potius contrarium ibidem statuatur, nempe ju-  
risjurandi a partibus delati nullam retractationem  
fieri posse; jam facile existimandum, Fabri crimi-  
nationes meris figmentis inniti, omnia ibi, si sine  
partium studio considerantur, optime cohæcere,  
atque ne minimum quidem interpolationis indi-  
cium adesse, si genuinæ interpretationis regulæ ap-  
plicantur. Conf. ill. Meisteri *Principia cognoscendi*  
*Emblemata Triboniani, opusc. T. I. n. 4.*

*jurejurando standum esset, an restituere deberet, quod accepiisset, vel si re vera ei derelictum fuisset legatum vel fideicommissum, an daremus licentiam heredi Falcidiam, si competat, ex hoc retinere. Nobis itaque melius visum est, repeti ab eo legatum vel fideicommissum nullumque ex hujusmodi perjurio lucrum ei accedere (1). Unde varii quoque Icti magni nominis talem jurisjurandi retractationem ultra casum expressum haud extendendam esse, contendunt.*

Sed contraria sententia, Justinianum nempe casus quoque similes comprehendere voluisse, maxime probabilis mihi videtur, & quidem ex argumentis sequentibus. Constitutionem allegatam unam ex L. decisionibus esse, inter omnes constat. Fecit etiam Imperator præter reliqua illius criteria expressam quæstionis inter antiquos agitata mentionem. Atqui vero, cum ex supra citatis legibus 21. & 22. D. *de dolo malo* patet, generatim controversas fuisse inter Ictos antiquos de retractatione causæ jurejurando decidæ sententias, Labeone quidem, præstito etiam jurejurando, sed probato perjurio actionem doli adhuc concedente, Pomponio vero Marcello ac Ulpiano &c. causam eo modo transactam nullo modo dissolvi posse, ac perjurii poenam sufficere, statuentibus; tum ex eadem quoque controversia generali id ulterius concludi potest, Justinianum illius decisione occupatum, quamvis casu

---

(1) L. fin. C. de R. C.

quodam speciali motum, voluisse eam integram decidere, & idem jus, ubicunque casuum similitudo adesset, introducere, quod verba legis & ratio generalis addita satis innunt. Noluit enim Imperator generatim, ex perjurio lucrum alicui accedere, eoque doctrinam hancce genio religionis Christianæ, cum qua notissima illa transactionis principia conciliari haud posse, jam demonstravi, propius accommodare studuit. Quod sane mirationem movere haud potest ei, qui jam antiquiori jure idem in juramento necessario a iudice delato obtinuisse novit, simulque considerat, secundum puriora sanæ rationis & religionis principia utrasque jurisjurandi species pari fere passu ambulare, & haud inter transactiones sed uniceprobandi modos subsidiarios referri debere.

#### §. L X V.

##### *Continuatio.*

Hodie maxime controversa est inter ICtos ea doctrina de retractatione jurisjurandi præstiti, illiusque usu. Hinc mirus dissensus de genuino intellectu & usu hujus articuli, illiusque cum principiis juris romani tentanda conciliatione.

*Alii enim hodiernum etiam principiis juris romani veteris strictissime inhærendum atque ultra casum specialem in lege fin. C. de R. C. notatum retractationem nullam, ne quidem ob supervenientem ocularem inf-*

pectionem concedendam esse statuunt (1). *Alii* vero eam etiam in aliis causis, ubi rationis similitudo adest, permittunt, sed non nisi ob instrumenta denuo reperta (2). *Alii* quidem negant, deferenti facultatem competere, adversus jusjurandum ab adversario præstitum denuo agendi, sed demum perjurio in ipso processu criminali aut accusatoris probatione aut ipsius judicis inquisitione detecto ob verba C. C. C. a. 107. restitutionem tamen damni per accidens læso fieri debere putant (3). *Alii* ne hoc quidem casu restitutionem jure perfecto deberi consent, sed fisco jus in tale lucrum tribuunt & læsum unice ad viam gratiæ remittunt (4). *Alii* denique ipsis quidam deferentibus retractationem ob probationes noviter reperi-  
tas permittunt, sed aut de modo probandi solliciti non sunt, aut eum in finem tam testes quam documenta, breviter qualvis ordinarias probationes concedunt, & id quidem, ut ajunt, non tam ex principiis juris romani, sed potius ob æquitatem naturalem & verba cit. art. 107. C. C. C. (5).

---

(1) Brunnemann *ad L. ult. C. de R. C.* Lynkerus *in anal. ad Struvii S. I. C. L.* 12. t. 2. §. 56. Martini *in proc.* t. 18. §. 10. n. 80. sq. *quæ sententia quoque ord. trib. Cellens.* II. VIII. Sect. 3. §. 14. Puffendorf *proc. civ. P. III. c. 5. §. 25.*

(2) Ant. Faber *in Err. pragm. Decad. XIX. Err. 5.*

(3) Cujus opinionis antesignanus est Jo. Paul. Kres in *diff. de variis controversiis in argumento possessionis & juramentorum* §. 13. sq. Boehmer *in med. ad C. C. C. a. 107.* Conf. Dreyer *de cespitali*

Sed, nisi me omnia fallunt, omnes, quotquot de ea quaestione legi, in tanta opinionum varietate fluctuantes, diversa plane momenta de retractationis facultate, atque de modo probationis eum in finem necessariae mire commiscuerunt. Itaque relictis illis opinionibus, quaestiones huc spectantes accuratius separandas atque ita decidendas esse puto: Nempe I. in quavis causa jurejurando sive a partibus s. a iudice delato decisa ob probationes noviter repertas illius retractatio ipsi laeso permittenda est, quod pater ex sequentibus rationibus.

Pertinet enim hodie jusjurandum, sive a parte sive a iudice delatum, inter probandi modos subsidiarios, atque principia juris romani de transactionibus, quibus juris romani antiqui sententia supra explicata unice innititur, nunc non amplius heic applicari possunt. Ergo cum non nisi necessitate atque aliarum probationum inopia urgente jusjurandum delatum est, repertis deinde aliis probandi modis, quorum antea nulla notitia aut facultas fuit, nil æquius & rationi con-

---

*tatis requisito in testibus habilibus.* Kil. 1750.

(4) Arg. L. 9, D. de jure fisci. Claproth *bürgerl. Proc.* §. 343.

(5) Leyser sp. 145. m. 1. sp. 567. m. 12. God. Lud. Menken de causa ob praestitum juramentum judiciale decisa probato perjurio redintegrandae. Lips. 1740. Jo. Thad. Müller de causa juramenta voluntario decisa ob perjurium retractanda Heidelberg. 1766. Jo. Nic. Moeckert de jurejur. retractando. Rint. 1769.

venientius cogitari potest, quam ut causa in pristinum statum redeat, atque præsentibus argumentis evidentissimis damnum læso refarciatur. Deinde quodcunque fere perjurium, quod jam legitime probari posse, suppono, ad falsi speciem referendum est. Jam vero, quum ob falsas probationes ipsas res judicatas rescindi posse claræ leges innuunt (1), immo & contra falsos testes perjurii reos ad damnum refarciendum ipsi læso actionem civilem concesserunt (2), perspicere equidem non possum, cur non eadem facultas jure saltem noviori contra pejerantem sive a judice sive a parte delatum jusjurandum, utpote quod itidem inter probationes unice referendum est, competere debeat. Immo, si errore quoque ad pejerandum aliquem inductum fuisse, dolumque deficere fingatur, ne hoc quidem casu solus transactionis conceptus, heic plane incongruus, restitutioni obstare aut applicari potest. Tum enim iterum jurans ex eo tempore, quo de perjurio confessus vel convictus est, in contumacia quam maxime dolosa versatur, atque lucrum sine omni causa possidet. Itaque

---

(1) L. 33. D. *de re jud.*

(2) L. 13. C. *de testibus*: "Qui falsa in testimonio protulerit, primum quidem de perjurio; deinde falsi crimine convenitur. Quod si eum in ipso testimonii tempore mentiri suspicio sit, verberatur. Quod si is, qui ex falso testimonio damnatus est, civiliter agere contra testem voluerit, quicquid damni fecit, ab eo recipiet, ac præterea fal-



eo etiam casu retractationem litis fieri posse censeo, nisi aliud juris impedimentum eam prohibeat. Conspirant ipsæ leges romanæ noviores, contra jusjurandum tam a iudice quam a partibus delatum & præstitum, probationes evidentissimas concedentes, ut antea plenius docui. Denique ad eas rationes accedit clara dispositio Carolinæ a. 107. cuius sane alium sensum equidem intelligere non possum. Qui enim, leges romanas non satis indagatas cum Carolina conciliare volentes, in eam hæresin aberrarunt, ut probato demum in processu criminali perjurio, per accidens tantum restitutionem concederent, illi non solum cum clavis legum & articuli, quo primario de læsi iuribus agitur, verbis pugnant, sed & simul re vera nihil dicunt. Inest enim cuicumque fere retractationi causæ iurejurando decisæ implicita perjurii accusatio, quod jam observavit cel. Kochius verbis: *ita Kressius*, (præcipuus illius opinionis defensor) *cujus sententiam quis perjurio læsus lubenter amplectetur & iudicis perjurium cum allegatione argumentorum denunciabit, aut pejerantem quoque accusabit. Quamvis & locus dari possit conditioni ex a. 107 (2).*

fus ille testis definitam legibus pœnam sustinebit. Quodsi etiam in ipsa lite principali convictus mendacii fuerit, officium iudicis esto, ut eum vel in totam litem, quæ illi mota est, contra quem testimonium dixit, vel in minus condemnet, vel etiam pœnis subiciat, servatis omnibus, quæ jam statuta sunt de his, qui falsum testimonium perhibent."

(3) Koch. *Inst. jur. rim.* §. 548. *Schol. ult.*

II. Quæstio multo difficilior, quam hætenus omnes aut cum priori commiscuerunt aut saltem non nisi fugitive tetigerunt, in eo versatur, quales nempe probationes exigantur, ut retractatio causæ jurejurando finitæ fieri possit? in qua explicanda illi etiam insigniter hætenus errarunt, qui quasunque probationes ordinarias sufficientes esse sibi persuaferunt. Requiruntur autem, ut equidem puto, probationes evidentissimæ ordinarias pondere adhuc superantes. Eum enim, qui ex delatione juravit: jam probasse, censendum. Alias jurejurando nullus effectus tribueretur, idque a nuda assertione haud discerneretur. Is igitur, qui contra jusjurandum ab altero prælitum novas probationes inventas producit, & jus suum prosequi cupit, probantis & reprobantis simul vices atque officium subit. Jam vero qui probationem alterius non solum reprobatione evertere sed & simul jus quoddam insuper demonstrare cupit, proferre debet argumenta ordinaria probatione majora atque fortiora. Ordinaria enim probatione aut æquali alterius probatio tantum compensatur atque causa utrinque in eum statum deducitur, ac si nihil demonstratum esset (1). Ergo qui jus suum obtinere vult, compensata prius alterius probatione, graviore adhuc argumento.

---

Conspirant etiam fontes Carolinæ, & secundum eadem juris germanici principia ipsi læso remedium concedit illustris Dreyer de *ceps. requis. in test. bab.* §. 23. not. e. ubi series legum ger-

rum cumulo instructus comparere debet, ut superfit, sufficiens probabilitatis juridicæ gradus, quo iudicis animus ad suas partes trahatur. Ejusdem vero gravitatis ac ponderis esse debet probatio nova, quæ contra jusjurandum alterius præstitum producit.

Quem in finem sequentes tantum sufficere possunt probandi modi. *Confessio* pejerantis sufficientibus qualitatibus munita; *ocularis inspectio*, cui, si omnia requisita conspirant, summus inest probabilitatis juridicæ gradus, quoniam hoc modo propriis sensibus de veritate iudex convincitur; *instrumenta publica* aut *privata ab adversario recognita*, de quorum efficacia eo minus dubitare licet, quoniam ipsæ leges romanæ supra explicatæ ea contra jusjurandum præstitum & recte quidem admittunt, quoniam talia documenta indubia fere & plus quam plenæ veritatis indicia suppeditant. Sed ex eadem juris analogia admitto quoque *testes*. At in eo omnes, qui circa testium admissionem cæterum conspirant, insigniter errasse inveni, quod nempe in ordinario duorum testium numero alias sufficienti indistincte substituerint. Illi enim ejus circumstantiæ plane obliti videntur, quod alter jurejurando præstito jam probaverit. Jam vero si duo tantum testes producuntur, unius testimonium juratum cum

---

manicarum antiquiorum & recentiorum, ad quas lectorem remitto, exhibetur.

(1) Boechmer *de collis. prob. c. i. §. 16.*

adversarii testimonio antea juramento firmato compensatur. Ergo unus tantum superest, qui ad intentionem probandam haud sufficit. Quibus consideratis equidem, aut tres testes omni exceptione majores, aut cum minori numero alia adhuc gravia probationum adminicula proferri debere puto, si hoc modo contra jusjurandum prælitum plena probatio doceri velit. Ita enim compensatis unius testis atque adversarii testimoniis juratis, & causa in pristinum quasi statum reducta, supersunt adhuc duo testes impartiales atque jurati, quibus & alias intentio plene demonstrari potuisset. Ergo jam deductis etiam deducendis plena superest probatio. Cui sententiæ eo firmius inhæreo, quoniam cum juris analogia mirifice conspirat. Requirit enim Romani instrumenta (sub quibus publica aut saltem eum effectum habentia intelligunt) contra jusjurandum prælitum. Jam vero, quum etiam documentum *coram tribus testibus* conditum *quasi publicum* esse voluerunt, concludo, etiam oralibus trium testium dictis eandem vim tributam fuisse (1). Reliqua de probationis illius indole a circumstantiarum individualium qualitate unice pendent.

## §. L X V I.

---

(1) L. 11. C. *qui pot. in pign. hab.*

(2) L. 79. D. *de jud.* L. 13. §. 4. C. *de jud.*  
L. 2. §. 8 C. *de jurejur. propter calumn.* §. 1. I. *de pænis tem. lit.*

§. L X V I.

*De expensis causæ jurejurando præstito vel recusato decisa.*

Expensarum quidem consideratio ad præsentem tractationem haud spectat. Quoniam vero a plerisque hac etiam occasione variæ proponuntur quæstiones huc spectantes, nunc ad illas quoque sed brevissimis respondendum putavi. Nempe notissima est regula, victum ad expensas litis victori refundendas condemnandum esse (2), cui quidem illas præcipue addere solent limitationis, nempe nisi mutua fuerit collitigantium victoria, vel probabilem litigandi causam habuerit is, qui victus est, quibus casibus interdum compensari possint expensæ (3). Quærunt ergo, quid delato & præstito jurejurando circa expensas litis justum esse debeat? Plerique, ii præcipue, qui omnia delationis capita transactionis formæ unice fere accommodarunt, in admittenda expensarum compensatione facillimi sunt, quoniam, ut ajunt, sufficere debeat victori juranti, quod probandi necessitate in totum exoneretur. Verum præter rationem generaliore fati superque demonstratam, quod etiam jusju-

---

(3) L. fin. §. pen. D. *per quem fact. erit.* L. 36. D. *de dolo.* L. 57. §. ult. D. *de contr. emt.* L. 39. D. *sol. matr.* L. 78. D. *de leg. 2.*

randum delatum unice inter probationes referri debeat, equidem in aliorum castra transfundum atque præstito jurejurando actorem deferentem in omnes expensas condemnandum esse censeo. Si enim allegans, cui probatio incubuit, adversario inficianti jusjurandum detulit, idque ab eo præstitum, tum deferentem ad omnes expensas condemnari ex duplici ratione justum est, quoniam hic omni probatione destituitur & insuper adversarius jurejurando suo reprobavit. Atqui cum prior ratio sola jam ad compensationem excludendam sufficit, altera concurrens id eo magis efficere debet.

Admitto tamen compensationem 1°. si is, cui nullum probationis onus incubuit, sponte jusjurandum adversario detulit, 2°. si quis ex relatione probavit; utroque enim casu præmium quoddam litigantium verecundiae tribuendum est; 3°. si probabilitas haud levis, sed ad juramentum tamen suppletorium insufficiens, pro deferente militavit. Denique recusationem jurisjurandi sine justa causa factam, condemnationem in expensas inferre, ex reliquis contumaciæ regulis facile existimandum est.



## CAPUT IV.

*De effectibus quibusdam Imperii despotici in doctrina Romanorum de jurejurando.*

## §. LXVII.

- I. *Jusjurandum in verba & acta Principum.*  
 II. *Jusjurandum per genium & salutem Principum.* III. *Jurisjurandi gratia ab Imperatoribus facta.*

QUM eversa libertas Romanorum republica, ex quo maxima eam invaserat corruptela atque libertatem non amplius ferre depravati mores poterant, summa rerum ad Imperatores pervenit, transverso statu publico etiam maximas legum judiciorumque mutationes sensim inventas fuisse satis inter omnes constat. Exseruit vero ea temporis varietas non solum in totam illius ævi jurisprudentiam, sed & præcipue in doctrinam de jurejurando effectus quosdam insignes, quos, nisi eorum causam sc. mutatum rei publicæ statum ante oculos habeas, rite interpretari ac intelligere vix potes. Sic I. invaluit novum jurisjurandi officialis genus, rationi quam maxime adversum, quo scilicet quicumque magistratus *in verba & acta Principis* adstringebantur (1).

(1). Tacitus Ann. L. I. c. 7. L. XIII. c. 11.

II. Inovelit porro consuetudo, foedissimas despotici imperii fordes prodens, nempe quævis fere juramenta per *genium* aut *salutem Principum* concipiendi, quali formula nonnulli Imperatorum singularem quandam gloriam quæsierunt, jurantes vero servilem animum contestati sunt. Quum enim improba adulatio plerorumque civium animos occupasset, populusque certatim in imperia rueret, quicquid in republica sacrum erat & eminens, id omnè in Principes translatum: Ergo Julio Cæsare occiso populus jam furibundus senatores accusavit, qui eum interfici passi fuerint, per cujus *salutem ac fortunam jurassent* (1). Idem vero mos non solum sub Augusto mansit, cum postea Rubrio crimini datum, *violatum perjurio Nomen Imperatoris* (2), sed & ad sequentes Imperatores propagatus est, inter quos Caligula complures ad metalla & bestias condemnavit, *quoniam nunquam per genium suum de-jurassent* (3). Habebat autem tale jusjurandum per genium Principis duplicem significatum. Aut enim sensus illius erat, jurare per ipsum Principem, quem suo juramento non fecus ac ipsum Deum colere vellent, aut

(1) Dio Cass. L. 44.

(2) Tacitus *Annal.* L. 1. c. 73.(3) Suetonius *vit. Calig.* c. 27.(4) L. 13. D. *de jurej.* L. 2. C. *de R. C.* Sueton. in vita Jul. c. 85. ibi: *Apud eandem (columnam Cæsari a Plebe positam) longo tempore sacrificare,*



intelligebant per genium Deum, qui Principi tanquam cultos individuus adhæreret. In quibuscunque vero causis, præcipue jurejurando litis decisorio, usitatam fuisse eam formulam, non solum ex legibus ipsis sed & aliunde demonstrari potest (4). Religione Christiana latius propagata jusjurandum per *genium Principis* curatius distinctum est ab illo, quod *per salutem s. caput Principis* præstabatur. Christiani enim, quum viderent, jurejurando per genium Principis id agi, ut vel Cæsarem Deum agnoscerent, vel ad minimum tantum Divino Numini detraherent, quantum Genio Principis tribuerent, omnibus viribus obstrepuere huic jurijurando & ut inimicis simul ac religioni satisfacerent, ad jusjurandum per *Salutem ac Venerationem Principis* sese obtulerunt (5), quod illis indulgendum erat pro temporis ratione, quoniam eo Principi divinam haud tribuebant naturam sed id tantum, quod ipsis fingendum erat carissimum, Deo quasi devovebant. Cæterum perjuriis sub illis formulis commissis majestatis simul infuisse læsiones idemque principium variis perjuriæ poenis præcipue ansam dedisse inter Romanos, in-

---

*vota suscipere, controversias quasdam interposito per Cæsarem jurejurando distrabere (plebs) perseveravit.*

(5) Tertullianus Apolog. c. 32. ibi: *Sed & juramus sicut non per genios Caesarum, ita per salutem eorum, quæ est augustior omnibus geniis.*

fra pluribus docebo (1), neminique mirationem movere potest, qui & alias quovis modo immo fortuito lapidis jactu, quo tacta Imperatoris statua, læsam esse illius majestatem noverit. Denique ea formula nec sub Christianis Imperatoribus plane extirpata est (2) atque ad Francorum Reges transiit, inter quos demum Carolus M. peculiari constitutione eam sustulit (3).

III. Immo eo usque potestatem suam extenderunt Imperatores, ut cum etiam Pontificalia jura sibi vindicarent, ita & sæpius jurisjurandi ab alio præstiti gratiam ac absolutionem impertire, sibi arrogarent (4).

## §. L X V I I I.

IV. *Origo jurisjurandi ad supplendas probationes ab ipsis iudicibus delati ex mutata sub Imperatoribus judiciorum forma derivanda.*

IV. Denique huc quoque refero quandam imperii despotici effectum, cæterum tamen, (ut sæpius bona malis mixta sunt), a ratione & æquitate, si rite applicatus est,

(1) Ev. Otto Diss. de perjurio per genium principis.

(2) Friker l. c. §. 8.

(3) Conf. Georgisch Corp. jur. germ. p. 677. § 1164.

(4) Ita Tiberius Equiti Romano jurisjurandi gratiam fecit, ut uxorem in stupro compertam dimitteret, quam se nunquam repudiaturum antea

non abhorrentem, nempe originem jurisjurandi a iudicibus ipsis ad supplendas partium probationes delati, quæ tamen ex nullo alio fonte, quam mutata sub imperatoribus integra iudiciorum forma rectius derivari potest. Postquam enim summum Imperium ad unum transferebatur, everfa pristinae libertatis memoria, facile erat, atque mutato rerum statui conveniebat, antiquas illas pacti & libertatis notiones, antea tam sollicitè sanctæque in quibuscunque iudiciorum partibus custoditas, sensim evertere, iisque, quibus iurisdictionis exercitium commissum erat, liberiores causas controversas vel per se vel per alios dirimendi potestatem, ad Imperantium voluntatem accommodatam, tribuere. Ita tandem per varios casus temporumque vicissitudines effectum, ut sub prioribus jam Imperatoribus magna iurisdictionis pars ad *Præfectos urbi & prætorio* atque *Præsides* provinciarum constitutos transferretur (5), porro Cæsares magistratum etiam ordinariorum officia in jure quoque dicundo varie instruerent, quidque edicere debeant, monerent (6), usque dum sub

---

juraverat. Suetonius *Tib. c. 35. & L. 38. ad municip. ibi: Imperatores Antoninus & Verus rescripserunt, gratiam se facere jurisjurandi ei, qui juraverat, se ordini non interfuturum, & postea duumvir creatus esset.*

(5) L. 1. §. 4. D. de off. *Præf. urbi*. Drakenborch de *Præf. urbi*. Idem de *Præf. Præf.*

(6) Exempla v. ap. Bach *hist. jur. p. 389. sq.*

## 200 L. III. De jurejur. ex Rom. doctrina

Hadriano perpetua formula, a qua recedi plane non posset, præscriberetur.

Prætores ac iudices Ictorum ab Imperatoribus electorum responsis necessario observandis passim subjicerentur (1). Immo Imperatores ipsi in variis causis jus dicerent, atque rescriptis controversias ipsis propositas terminarent (2). Multo magis, everso plane *Prætorum* Tribunali, omnia fere illorum jura cum arbitrariæ potestatis augmentis *Præfectis urbi*, & *Prætorio* atque provinciarum *Præfidibus* committebantur (3), qui jam non amplius meras actionum formulas suppeditabant, sed sæpius ipsi cognoscebant & decidebant, aut saltim propria auctoritate iudicem partibus assignabant, ut adeo ea, quæ in jure, ab iis, quæ in judicio fierent, rarius difficiliusque discerni potuerint (4). Accidit etiam eo tempore sæpissime, ut siquis litem cum altero haberet, *Principem* per libellos supplices adiret, cujusmodi libellis Imperatores subscribere solebant, quod vocabatur, *jus litis contestationis divino Rescripto mereri* (5), ut iidem ac solemnis litis contestationis inde redundarent effectus.

---

(1) Ritter in animadv. ad C. Theod. t. I. p. 34.

(2) Idem ad C. Theod. t. I. p. 27. Suetonius Aug. c. 33.

(3) Lud. Jul. Frid. Hœpffner antiquum jus publicum Romanorum c. II. tot.

(4) Conf. de ampla illorum magistratuum potestate tit. C. de Judiciis per tot. Nov. 60. & 82.

(5) L. 1. C. quando lib. Princ. oblat. lit. cont.

Vicissim cum iisdem mutationibus simul effectum est, ut in *judicum* datione & electione non amplius partium consensus, qui jam sub Hadriano, aut ante, posthabitus videtur (6), adhiberetur, sed jam *magistratus* majores ab Imperatoribus instituti pro suo arbitrio iudices partibus assignarent (7). Deinde insignis fuit differentia inter eos ac iudices antiquos. Quæ enim sub libera republica non sine maxima diversorum populi ordinum invidia & æmulatione legebantur *Judicum decuria*, illæ jam sub primis Imperatoribus difficilius compleri potuerunt: quoniam, everfa libertate, exigua illius simulacra omnibus odiosa erant, ut adeo grave munus putaretur & incommodum judicare, multique judicandi munus detrectarent. Hinc aucto decuriarum numero eoque sublevato laborum onere varii Imperatores sese commendarunt. Sed jam post Galbæ tempus observari potest, sensim paulatimque hunc morem iudices ex decuriis eligendi in desuetudinem abjisse, neque tam ex norma legum, quam libidine principum fuisse judicia habita (8). Iudices autem, quorum sequenti

---

faciat. L. 33. C. de jud. Barn. Brissonus de form. L. III. c. 22. Winkler l. c. §. 10.

(6) L. 47. D. de Jud.

(7) Conf. tit. C. de jud. Ibidem tit. de Ped. jud. tit. de sport. & sumt. in div. jud. sac. tit. Qui pro sua jurisdic. jud. dare &c.

(8) Jo. Tob. Krebs de *judicum romanorum decuriis*. Lips. 1744.

tempore mentio occurrit, nil nisi meri Principum officiales erant, ab eorum nutu pendentes, variis jam sportulis mactati, quibus illimitata fere causas tractandi potestas commissa, adeo, ut si aliis simul administrationibus detenti sint, quicquid vellent & consiliariis suis demandare possent, *modo litem in contestatione audiant, & rursus in medio semel, & in fine omnia, quæ sunt examinata, & sic ferant sententiam* (1).

Jam vero facile est intellectu, quo factum sit, ut ea liberior judicum potestas, sub Imperatoribus pedetentim exstructa, simul etiam in jurisjurandi usum induxum suum varie exseruerit, novamque illius, ab ipsis judicibus interdum ob inopiam probationum in causis dubiis delati speciem progenuerit. Sicut enim eo tempore vergente jam primo & multo magis sequentibus Imperatorum seculis contractus litis contestationis varie imminuebatur, saltem partium consensus circa judicum pedaneorum dationes & electiones in desuetudinem abibat; ita iisdem rationibus effectum, ut magistratus etiam circa alterum lites dirimendi modum nempe jurisjurandi ulum non amplius liberas solum partium conventiones & delationes expectarent, sed potius sæpe ipsi auctoritatem suam interponerent & ex officio jurisjurandi præstationem illi, qui majorem probabilitatis gradum præ se ferre videbatur, imponent.

---

(1) *Auth. ad hac C. de jud.*

Hinc observavi & sequenti capite pluribus docui, prima illius jurisjurandi necessarii vestigia præcipue circa Hadriani ævum occurrere, ubi primas insigniores judiciorum immutationes factas aut saltem earum fundamentum jactum fuisse, constat. Accedit simul alia ratio; cur sub Imperatoribus paulatim eam potestatem circa jurisjurandi usum in rebus judicialibus sibi sumserint iudices. Inciderunt enim tempora, ubi aucta hominum multitudine, auctis divitiis, omnibusque rebus, quæ ad luxum spectant, simul etiam augebantur varia negotiorum & commerciorum genera, quorum innumera ejus naturæ sunt, ut repente & subito gerantur & probationes solemniore, quas inartificiales vocant, respuant, quamvis cæteroquin gravissima indicia & probabilitatum argumenta pro alterutra parte militare & præsto esse possint, quo casu ad implendas probationes jurisjurandi usus præcipue inservit, quoniam iniquum esset, eum qui ob naturam negotii plena & inartificiali probatione destituitur, sed tamen gravi probabilitatis pondere sustinetur, simpliciter depellere a judicio & alterius fraudibus, manibus fere palpabilibus indulgere. Jam vero quoniam ob morum corruptelam illis temporibus conspicuam, Deorumque neglectum eo magis periculosum partibus videbatur, jusjurandum proprio motu deferre, quo minus pristinus de jurejurando & vindicta Deorum miraculosa conceptus, quem ipsi Poetæ (2) varie

---

(2) *Juvenalis Sat. XIII.*

infectati sunt, mutatis sentiendi rationibus conveniebat, eandemque ob causam & Quintilianus (1) jam jurisjurandi delationem causarum Patronis dissuasit, cum etiam philosophi quidam sint reperti, qui Deos habere curam rerum humanarum negarent; rariorem jam evasisse jurisjurandi a partibus ipsis delati usum, probabile mihi videtur, ideoque nil supererat, quam ut ipsi judices religioni fluctuanti subvenirent, partium probationes indagarent, atque cognita causa illi, qui majori probabilitatis gradu suffultus erat, jusjurandum deferrent, qualis procedendi modus jam tum a pacti natura longe remotus atque unice inter probationis species relatus fuit.

---

(1) L. V. c. 6. n. 3.





C O N S P E C T U S  
T O M I I.

---

LIBER I.

**R**ATIONALIA QUÆDAM DE  
JUREJURANDO. pag. 1

Cap. I. Primæ antiquorum hominum  
de jurejurando sententiæ, earumque  
delineatio. ibid.

§. I. Introitus. ibid.

§. II. *Jurisjurandi eadem, ac religionum  
origo, ejusque vis in miraculoso Deorum  
influxu posita, quam alma antiquorum  
hominum fides sustinuit.* 3

§. III. *Præcipue vero jurejurando 1°. aus-  
piciorum & 2°. Judicii divini instar ute-  
bantur.* 6

§. IV. *Perversa jurisjurandi multiplicatio,  
peffundatis hominum moribus infecta,  
illiusque abusus.* 8

Cap. II. Regulæ quædam ad definien-  
dum genuinum jurisjurandi usum  
necessariæ. 10

§. V. *Jusjurandum cum tota religionis in-  
dole arctissime cohæret. Ergo legum inter-*

pretatio & applicatio illi accommodari debet.

pag. 10

§. VI. *Genuina jurisjurandi definitio atque vis.*

12

§. VII. *Iis Hominibus, qui cultum unici ac veri Dei tanquam commune religionis dogma profitentur, non nisi per eundem jurare licet. Agitur simul de aliarum obsecrationum effectu. De Menonistis. De Atheis. De Perjuris. De iis, qui peregrinis sacris adherent.*

14

§. VIII. *Antiquorum hominum opiniones de jurejurando cum principiis sanae rationis & religionis ulterius comparantur, atque insignes quaedam diversitatis rationes indagantur, ab aliis nondum explicatae. I. generatim inde concluditur, cautissimum esse debere Jurisjurandi usum.*

19

§. IX. *Specialiores quaedam conclusiones ex generali isto principio fluentes & quidem de personis ad jusjurandum inhabilibus aliisque illius impedimentis, ob aetatis & cognitionis defectum, ob alia cognitionis impedimenta, ut ebrii, furiosi, mente capti, summo animi affectu turbati ob defectum liberae voluntatis & consensus, quo jusjurandum etiam praestitum vitiat, error, dolus, metus, ob defectum organorum ad edenda sufficientia jurisjurandi signa incapacium.*

23

§. X. *Altera conclusio, jusjurandum promissorium generatim novam obligationem nullam producere, atque speciatim, in causis & negotiis privatorum eidem so-*

cietati civili subjeſtorum, plane reprobandum eſſe. pag. 26

§. XI. *Tertia conclusio: reprobandum eſſe juſjurandum, quoties ab initio prævideri poteſt, id, quod offeritur aut promittitur, cognitionis atque naturæ humanæ vires ſuperare.* 32

§. XII. *Quarta conclusio: Juſjurandum aſſertorium rationi convenire; ſed illius uſum coarctandum eſſe, 1°. in cauſis levioribus, 2°. ubi ob affectus contrarii vim extantiorẽ religioni confidere non licet, 3°. præcipue illud in ſubſidium tantum adhibendum eſſe, illiusque pondus ſecundum reliquos probabilitatis gradus æſtimandum.* 33

§. XIII. *Ex eadem diverſitate, inter antiquorum hominum opiniones atque philoſophiam rationalem conſpicua ſequitur generalis Regula, in perjurium pœnam a foro humano recte ſtatui.* 35

§. XIV. *Relaxationem juſjurandi nullam dari.* 37

## LIBER II.

### DE INDOLE LEGUM MOSAICARUM, AD JUſJURANDUM SPECTANTIUM. 39

*Cap. I. De effectu religionis in doctrinam de jurejurando.* ibid.

§. XV. *Introitus.* ibid.

§. XVI. *Cultus unici ac veri Dei, tan-*

quam religionis, ac recip. simul Israeliticæ  
fundamentum etiam ad jusjurandum  
translatus.

pag. 40

- §. XVII. Effecit tamen Dei patrii notio  
atque specialis, qua populus Israelitibus  
fruebatur, illius tutela, ut in eo cum aliis  
antiquorum hom. opinionibus conspira-  
rent, quod jurisjurandi vim præcipue in  
vindictæ præsentaneæ, malis ac infortu-  
niis phisicis ostendendæ, metu posuerint,  
cujus ratio indagatur.

41

- §. XVIII. Altera similitudo cum aliis anti-  
quorum hominum opinionibus in eo cons-  
picua, quod & apud populum Israeliti-  
cum ob perjurium sacra piacularia ad  
avertendam Dei vindictam adornata fue-  
rint.

43

- §. XIX. Tertia similitudo in eo conspici-  
tur, quod perjurii pænæ a potestate civili  
nullæ statutæ fuerint.

44

Cap. II. De usu & abusu jurisjurandi  
apud Israelitas.

45

- §. XX. Usus jurisjurandi in populo Israe-  
litico auspiorum, judicii divini instar  
adhibitus. Similiter sorti sanctitas tribu-  
ta. Quæ omnia maxima Pontificum auc-  
toritate obfirmata sunt,

ibid.

- §. XXI. Jurisjurandi formulæ.

46

- §. XXII. Abusus jurisjurandi. Sapientissi-  
ma Christi sententia ad eum evertendum  
comparata.

47

- §. XXIII. De hodiernis Judæorum jura-  
mentis.

49

LIBER III.

LIBER III.

DE JUREJURANDO EX ROMANORUM  
DOCTRINA ILLIUSQUE USU HO-  
DIERNO. pag. 53

Cap. I. De effectu religionis Romano-  
rum in doctrina de jurejurando. ibid.

§. XXIV. *Generalia.* ibid.

§. XXV. *Omnis jurisjurandi vis in mi-  
raculoso Deorum influxu & presenta-  
neo vindictæ metu posita. Quod proba-  
tur ex ipso jurisjurandi usu, ex formu-  
lis, ex sacrorum piaculorum institutione,  
ex obsecrationis & refecrationis indole,  
ex sepultura eorum inhonestâ, qui fulmi-  
ne icti sunt.* 54

§. XXVI. *Per quæ sacra Romani jurave-  
runt? Definitur antea religio publica Ro-  
manorum.* 59

§. XXVII. *Religionis privatæ indoles.* 60

§. XXVIII. *Inde in causis, tantum ad  
republicam spectantibus, jusjurandum  
sacris publicis accommodari debuit. Ad-  
ditur illius forma.* 64

§. XXIX. *In causis vero privatorum pro  
libero partium arbitrio per quæcunque  
sacra jurari potuisse, pacti, quo ad ju-  
dicium divinum provocabatur, indoles  
secum ferebat.* 66

§. XXX.  *Applicatio ad statum hodiernum.* 68

Cap. II. De jurejurando Romanorum  
in causis publicis. pag. 68

§. XXXI. *Romani in eo cum ceteris antiquis conspirarunt, quod Jurejurando tantum uterentur in causis publicis & quidem ad auspicii & sacrificii modum. Et in causis privatorum ut Judicium divinum sub illo representarent.* ibid.

§. XXXII. *Præcipua juramentorum publicorum apud Romanos veteres usitatorum species.* 71

§. XXXIII.  *Applicatio ad statum hodiernum.* 74

Cap. III. De jurejurando, in causis privatorum, speciatim a partibus delato  
extrajudiciali & judiciali. 75

§. XXXIV. *Jusjurandum assertorium in causis privatorum a partibus delatum judicii divini, pacto suscepti, naturam induit.* ibid.

§. XXXV. *Origo jurisjurandi delati extrajudicialis, pactique desuper initi curatius indagatur, & derivatur, ab antiquo judiciorum defectu ac impatientia.* 76

§. XXXVI. *Maxima Pontificum potestate tam in causis sacris quam civilibus conspicua.* 79

§. XXXVII. *Stabilitis sequenti tempore Prætorum judiciis, jurisjurandi tamen extra judicium delati usus quodammodo*

- servatus, & pacti pratorii naturam induit.* pag. 81
- §. XXXVIII. *Descriptio & origo jurisjurandi in judicio delati, quod itidem pacti indolem induisse, probatur generatim ex antiqua judiciorum Romanorum forma.* 82
- §. XXXIX. *Speciatim ex indole analogae litis contestationis, cujus vices jusjurandum in judicio delatum subiit.* 85
- §. XL. *Denique ex ipsa jurisjurandi delati indole & variis, illud evitandi modis, reo competentibus.* 87
- §. XLI. *Hodie jurisjurandi delatio minime inter pacta sed unice inter probandi modos referenda est. Notantur simul Practicorum errores.* 88
- §. XLII. *De personis deferentibus, & quibus deferri potest jusjurandum secundum jus romanum & usum hodiernum.* 91
- §. XLIII. *De causis, in quibus jusjurandum deferri potest jure romano & hodierno.* 99
- §. XLIV. *De causis hodie exceptis: I. de factis alienis & jurejurando heredum, II. de irrelevantia causae, ubi & speciatim de probatione consuetudinis agitur, III. de probatione aliunde perfecta, IV. de causis levissimis.* 103
- §. XLV. *Continuatio V. de causis criminalibus.* 107
- §. XLVI. *Continuatio VI. de causis matrimonialibus, in quibus nova theoria offertur.* 113

- §. XLVII. *Recensentur varia juramentorum species, quibus male peculiaris natura a Practicis afficta, cum unice ad jurisjurandi a partibus delati classem referri debuissent. I. De jurejurando editionis.* pag. 122
- §. XLVIII. II. *Jusjurandum manifestationis & specificatio jurata.* 129
- §. XLIX. III. *Jusjurandum heredi super fideicommissis a defuncto relictis delatum.* 134
- §. L. IV. *Jusjurandum diffussionis.* 139
- §. LI. V. *Jusjurandum in ipso processu executivo deferri potest.* 143
- §. LII. *Delatio jurisjurandi sine probatione precedenti aliisque probabilibus argumentis fieri potest.* ibid.
- §. LIII. *De tempore delationis.* 145
- §. LIV. *De variis, quas alter post factam delationem inire potest, viis & quidem I. de Acceptatione jurisjurandi & juramento calumnie.* 148
- §. LIV. \* *Continuatio de effectibus acceptationis. De revocatione jurisjurandi delati & probatione pro vitando perjurio, traditur theoria.* 150
- §. LV. *Post acceptationem neque relatio juramenti neque probatio pro exoneranda conscientia locum habet.* 155
- §. LVI. *Si quis post acceptationem jurisjurandi ante illius prestationem moritur, illud ceteris paribus pro praestito habendum esse docetur. Ceterum heredes acceptantis non nisi de factis propriis aut ipsis*



notis vel de ignorantia jurare tenentur. pag. 156

§. LVII. II. De Relatione jurisjurandi. 159

§. LVIII. III. De probatione pro exoneranda conscientia, quæ Quintiliani testimonio comprobatur. 161

§. LIX. De formula jurisjurandi delati. 165

§. LX. De auctoritate judicis circa jusjurandum delatum. 167

§. LXI. De recusatione jurisjurandi ejusque effectibus nec non illius remissione. 169

§. LXII. De appellationibus circa jurisjurandi delationem. 172

§. LXIII. De effectibus jurisjurandi præstiti. 175

§. LXIV. De retractatione causæ jurejurando decise, & probatione perjurii. 178

§. LXV. Continuatio. 185

§. LXVI. De expensis causæ jurejurando præstito vel recusato decise. 193

Cap. IV. De effectibus quibusdam Imperii despotici in doctrina Romanorum de jurejurando. 195

§. LXVII. I. Jusjurandum in verba & acta Principum. II. Jusjurandum per genium & salutem Principum. III. Jusjurandi gratia ab Imperatoribus facta. ibid.

§. LXVIII. IV. Origo jurisjurandi ad supplendas probationes ab ipsis judicibus delati ex mutata sub Imperatoribus judiciorum forma derivanda. 198

ANT 1319215





